

Sedemii **Di mpátiri to tii náan̄ti**

Sedemii do tú ikuó nùtì Idikiya bire nde. Idikiya Anatoti èi kou kòo bo Bensamee kó kutempē mmiēke, kē Kuyie nhò yu kòò dòò ku pāānāan̄ti náan̄tò ke s̄s̄ nho kpaá ke tú odapàà. Bemou kè bè nhò niimmu, nè memme kòo baa nyĩkú o móm̄m̄nti ñnkè kētuoke kumànku.

Weè Sedemii o móm̄muo nweè wàri de kó dipátiri. O kó tipāānāan̄ti do tú ò bo caummè Isidayeeriē ke tú Kuyie nyóó bè bekénè bè feu mēē kpr̄í nyiwũō yebokè ke d̄ori meyei. Sedemii do tú Kuyie nkóo niti nwe ke mēnke duó nhomàà Kuyie nkó mutōmmú kpr̄í kēmmōke dikōmbùò ò í nyĩkù ò bo náké mē timóm̄m̄nti bá kòo bo f̄ēūtē. Kuyie ndo yóó ò yu ku tōmmú kē Sosiasi bo o kpàti benni t̄p̄it̄t̄ nè ditāān̄ni miēke nke. Kuyie mpāānāan̄ti náan̄bè t̄bè Sofonii nè Abakuku bè do tú o kó dimōn̄ni k̄be mbe.

Sedemii do kpaá fòumu kē Kuyie mpāānāan̄ti ò nàké tì kē tisũkùt̄i d̄òò. Kē Nebukannesaa Babidōn̄ni kóo kpàat̄i bè do k̄p̄onte Sedisademmu nè Kuyie n̄f̄ēt̄ē, k̄p̄i nSudaa kóo kpàat̄i k̄k̄ōnn̄ nè benit̄ibè t̄bè p̄eu. Bè bè p̄īm̄m̄ d̄i mōn̄ni ke kōnn̄ kē Kedadia bè do baá nwè dihei kē bè ò k̄u. Sudaa k̄be bè do kpaá kpaá, kē bè coké k̄k̄ote Esibiti k̄s̄ori, kē bè p̄i nSedemii nè muw̄er̄im̄ kòo bè nein̄e de bíkè. Ò ke nku.

Di mpátiri náan̄ti duó ke dōmmè

1. Kuyie nyóó bekénèmè Sudaa kó dikpààtiyuu 1-45
2. Kuyie mpããnáàntì náàntò nàké tì kè dè ntukúnè yebotè teyè bèè í tú Isidayeeriβε 46-51
3. Bè domè Sedisadεmmu εì ké dì pònte 52

¹ Di mpátíri tò Idikiya birε Sedemii nàké tì nti nè ò dòò dè, Idikiya do tú ikuó niùbè bèè do bo Anatòti εì Bensamεε tempē mmiεke be kóò mǝù nwe.

² Kè ti Yiè nKuyie mbéinnè Sedemii Amǝ birε Sosiasi tu dìi mǝnnì Sudaa kǝbe kóo kpààti, o kpàti benni tepíítè nè ditǝánnì miεke.

³ Kè kùu wēte kóò béinnè Sosiasi birε Sosakimmu tu dìi mǝnnì Sudaa kǝbe kóo kpààti. Kè Kuyie nní nsǝké ke náánnè Sedemii kéntǝ kétuǝkenè Sedesiasi Sosiasi birε terè kpàti benni tepíítè nè òimáà. De kó dibenni kóo tǝánummùwè miεke nke be pǝímúmmè Sedisadεmmu εì kǝbe ke kǝnnè.

Kuyie nyumè Sedemii kòò bo náké ku náàntì

⁴ Kè ti Yiè nKuyie nni mbéinnè mí nSedemii ke dǝ:

⁵ N do da yému
ke mu nyí da pìíté a yǝ pǝutì miεke.
A do kpaaní a yǝ pǝutì miεke
kè n da cǝánnému,
n do da tǝáatému
kàa bo ntú wèè nàá m pǝã náàntì yebotè.

⁶ Kè n ténné Kuyie nke dǝ:

Áú! N Yiè nKuyie n yí nǝ nke náá,
n kpaá bεmmu.

⁷ Kè ti Yiè nKuyie nní nténné ke dǝ:
Bá ntú a kpaá be.

A k̄arimu n yóó da t̄s mbèè borè
ke bo bè nàké n yóó da nàké tì tim̄ou.

⁸ Bá mbè dé ke yé n da bonèmm̄emu
ke bo da deet̄é.

Mí ndi Yiè nKuyie m̄i b̄ei.

⁹ M̄em̄me ti Yiè nKuyie nyòutem̄è ku nòut̄è k̄ékááké
n nuù, k̄é n nàké ke d̄ò: Nh ãnn̄emu n náan̄ti a nuù
m̄ieke.

¹⁰ Bant̄é ke d̄ò n da báamm̄u yie nyebot̄è,
k̄àa bo mbaké yekp̄ààtiyo,
k̄àa bo nhuuti, ke k̄òut̄i,
ke b̄anti ke p̄ònt̄i, ke déít̄e,
ke mati ke f̄iint̄e.

*Sedemii d̄óumm̄è tid̄ouñt̄i ke yà mutie bè tu mù
amand̄ié*

¹¹ K̄è ti Yiè nKuyie nn̄i mbek̄e ke d̄ò: Sedemii a yà
ba? K̄è n d̄ò: N w̄úó mm̄utie bè tu mù amand̄ié kó
kubak̄ù nku.

¹² K̄è ti Yiè nKuyie nni nn̄áké ke d̄ò: A de ȳamu weti
weti, de benk̄ú m p̄imm̄è m̄me m b̄ei nt̄i ke yóó tì
d̄ò.

¹³ K̄è ti Yiè nKuyie nyíé k̄é m b̄éinn̄è ke d̄ò: A yà
ba? K̄è n k̄ù t̄èñné ke d̄ò: N yà tek̄ũmbot̄è nte k̄è t̄è bo
kubak̄ù yóú bíék̄è, k̄è f̄anni ke bík̄úní m bíék̄è.

¹⁴ K̄è ti Yiè nKuyie nni nn̄áké ke d̄ò:

Kubak̄ù yóú bíék̄è nke
m̄eyei nyóó cóunn̄ím̄è dihei dii nyemb̄è b̄em̄ou ñnk̄è.

¹⁵ Nte n yóó ȳumu kubak̄ù yóú kó iw̄uò nyim̄ou nè
yekp̄ààtiyo yem̄ou,

d̄è k̄òrinímu ke bo pi Sedisad̄em̄mu èi kó yebòr̄è,
k̄éfit̄é iduot̄í nè Sud̄aa ek̄è yem̄ou.

Mí ndi Yiè nKuyie mm̄i b̄ei.

16 M b́ei ntì be kpéí n yóó tì mbè d̀̀̀mu
 b̀è d̀̀ri m̀èè kpéí nke m b̀t̀ínne,
 ke tuò nyeb̀̀kè tihúúntì,
 ke k̀nk̀ ke báá mbè d̀̀̀ d̀̀.

17 K̀ ti Yìè nKuyie mbéi nke d̀̀:

F́ nSedemii báátí,
 íté k̀k̀te k̀ b̀è nàk̀ n da nàk̀ t̀i k̀ dimàà.
 A k̀ntì bá mpaaati be ìk̀,
 k̀a p̀ati m̀i né yóó da ãnné
 kufõwaá mbe ìk̀.

18-19 Dihèi yembè bemou,
 bekpà̀t̀b̀è nè be k̀ betũmbè
 nè ìk̀ú ǹ̀b̀è nè Sudaà eì k̀be
 bemou b̀è í yó ndó a kpeti.

N né yóó da duóm̀mu muwẽrímú
 k̀a b̀è bàao.

A bo ndònnè diheì iduotí fité d̀,
 dimátisã̀ disõwũ̀ k̀ iduotí d̀mmè
 b̀è í yóó da na.

Ke ý n yó nda bonè̀m̀mu ke da k̀nk̀.
 M̀ ndi Yìè nKuyie mm̀i b́i.

2

*Isidayeribe ténke í dómè Kuyie mbè do kù d́ m̀è
 botí*

¹ K̀ ti Yìè nKuyie nni mbéinnè ke d̀:

² K̀te Sedisadèmmu k̀be borè k̀p̀k̀ k̀ b̀è keè.

M̀ ndi Yìè nKuyie m m̀i tu:

N kpaá ke ýmu di do n taunnè̀m̀
 di bík̀mb̀nt̀ m̀nǹ.

N do di puoke bàmbà,

k̀ di nni ndómè,

k̀ nni nni m̀è dikpà̀ tedòntè mièke ke di ntũ.

³ Isidayεeribe di do cáámmu ke tú n kɔbe,
 kè n di te nh ɔ ntemè bá tì diiti di ɔɔ deite tì
 meketimè,
 kè tì tu n kpeti,
 òmòù do ɔ nkòò di kàáké wèe tuoti ice nyi,
 kè meyei nhò do.
 Mí ndi Yiè nKuyie mmî búi.

⁴ Díndi Sakɔbu yaàbí keènè n tú mù,
 Isidayεeribe kó iwuɔ nkémúnè n yē mmù.

⁵ M bémumu ke tú:
 n do cààrè ba di yembè
 kè deè nte kè bè n yóu ke tūnne detetirè kperε?
 Ke naá bemómmbε detetirè.

⁶ Bá bè í békú bemáà
 mí mbe Yiè nKuyie nkùu bè dènnení Esibiti m borè.
 Mí nwèè do bè bonè dikpáà tɛdɔntè miεke yefòtè
 borè.

Tɛdɔnkpetè mufòmmu í borè.

Òmòù í borè, onìtì í pēnkù dè.

⁷ Mî di kàtenení ke di kànnε ketennatikè,
 kè di bo nyo ntidisààtì,
 kè di né ta nh èi ke di sīnkùnnε,
 ke di càke, kè di naá nyisɔke.

⁸ Bá ikuó niùbè í békú bemáà
 mí mbe Yiè nKuyie mborè.

Ikuó yembè ténke í n yé.

Bèè tu beniùbè bè ténke í yie n kpeti,

kè bèè do náá m pānāàntì

kè bè nàannè dibɔò Baadi kó muwērímú,
 ke tūnne detetirè kperε.

⁹ Deè te kè n di bekùnè
 ke yó ndi bekùnè díndi nè di yaàbí.

Mí ndi Yiè nKuyie mmî búi.

10 Kōtenè Kitimmu ekè yèè soké menie mmieke kényà.

Tōnnè benitibè kè bèe kate Kedaa ei,
kè nsà kè bè dòri di mè ndòrimè.

11 Kubotí makù kabe ceeri ku bakè mie mbotáà?

Bá nè yè í me ntúmè Kuyie nnaà?

Díndi n kó benitibè kè díndi né n tùóté
mí nwèè do te kè bè di sántí,
ke cèètenè detetirè kperè!

12 Díndi keĩnkè kabe dè dò nké dí dimu
ke dí pĩ nyisié.

Mí ndi Yiè nKuyie mĩ bée.

13 N nitibè n cààremu kè dè deu,
bè n dootóomu mí mbe Yiè nKuyie,

mí mmenésààmè kó dinébòrì
ke kòte ke keú yefòtè,

yefòtikperè bá menie nyí bo.

*Isidayeeribe bo bantémè ke dò ndè yóu a bo
dootómè Kuyie*

14 Isidayeeribe di tú tidaatàa?

Yáa di tú kudaakù kó ibí nyi?

Dè né dòmmè kè bè di pòntì ke eiti di kperè?

15 Bè kontí yecìricìrè tēmè mme,

ke péú metammè,

kè pònte dihei dimou kè di dounko,

ke naá ntidobonti bá òmòu ténke í di bo.

16 Bá nè Esibiti kó yehékè Nofu nè Tapanesi kabe,

kè bè kuó di yùtì.

17 Isidayeeribe di kó meyetímè meè te

kè dè di tùàkení,

di dootóo mí ndi Yiè nKuyie nku,

kù do di ní di mōnni kuce sàakù mieke.

18 Di né dōri ba mie

di mè ntūmmè Esibiti kó kuce

ke bo yà kukó nNiidi kó menie
 di dóòrì Asiidi kó kuce
 di bo kote mè mme kényà kukó ndiekù Efadati kó
 menie, nde bo di teennè ba?

19 Di ðanniti tii yóó di tié,
 di bùtínnémè Kuyie de kó tiyěiti nti di yaumè,
 kè dè bo yie nkè di banté di bo yóumè
 mí ndi Yiè nKuyie nwèè di te,
 ke í nní ndé, dè n yòu mèè botí ke n tii.
 Mí ndi Yiè nKuyie Mpakεdaa mú búi.

*Kuyie ndònnenèmè Isidayεribe onitipòkù wèè
 ðouti ðoutinè benitidaabè*

20 Kè ti Yiè nKuyie mbúi nke dè:
 Nè ðimànni ndi di í yiemme n kpεti,
 ke n yàtenè ke náá nke tú: Ti dó kènte timáà.
 Ke né kəri sitáá simou ñnkè
 onitipòkù wèè ðouti ðoutinè benitidaabè o kōme,
 ke kōnkù ðetediεrè ðεmou yə.

21 M me ndo di fíí
 nkè di ndònnè fínyí tie nsààmù mmu.
 Mutie mùù mènke wenni.
 Dè né yíme kè di cεete ke náá mmutie dikpáà kōmu
 musímmù?

22 Bá kè di ðú ðimáà nè yεfòdúú
 bá kè di ðúnè ciekurè di yei
 mè baa yó nkpaá bomu kè m mè wùó.
 Mí ndi Yiè nKuyie mmú búi.

23 Di bo yíme ke dè di í sãũ ndimáà?
 Di í tũnne yebøkè Baadibaa?
 Wénténè di do kéri sù naàcèi dikpáà dibiri miεke,
 kè nsà kè di bo banté di ðəəri dè.
 Bá yòyó kó ðεbire bá nkərí memme sinaàcèi.

24 Di ðònnè ðisãmmarínnannì kó ðisεrì ndi,

dìi manténè dikpàà kó mucèmmu,
 kè di kònti ité kè di wanti yedaayè.
 Ke fĩmmú dì í dò nhòmòu bo na ké dì còríné,
 yedaayè yèè dì wanti yè báá benné kéou,
 kè di kònti yàùtè yè yóó dì yàmu.

²⁵ Isidayeeribe kè di cokù mecãã
 ndi naàcèi bo fáũté kè di níi kpeí.
 Kè di né mè ntúmè di kpeti í bomu,
 kè díndi dó yebókè nye ke yó nye ntũ.
²⁶ Bè ãã pĩ nhoyúókù kè ifei ò kùò mèè botí,
 ifei yóó me ndi pĩ ndíndi Isidayeeribe
 nè di kó bekpààtibè nè di kpààtitũmbè,
 nè ikuó niùbè nè bèè nàá mí nKuyie m pããnáànti.

²⁷ Díndi bèè ò nwúó ntebòatenkaanitè ke tú
 tɛɛ tu di cicɛ,
 kénwúó ndibòotári ke tú
 dii di te.
 Di bo ntũ mmè mí ndi Yiè nKuyie
 nkè di m bùtínné pái pái.
 Kè dè di di dii m̀nni di né nní nyu
 ke tú n di deeté.

²⁸ Dɛ kó yebókè bore di dòò yè?
 Yèe katení kè nsà kè yè bo na
 ké dí deeté meyei ndi do dii m̀nni.
 Díndi Sudaã kɔbe di bókè sũmu
 ke m̀nnè di ekè m̀mè.

²⁹ Dè dòmmè kè di dó ti m̀ote tináànti
 mí nnè díndi?
 Dimòu di m̀ bùtínnému,
 mí ndi Yiè nKuyie m̀i b́i.

³⁰ Kè n di puotí ke di puotí detetirè,
 de kó tiyẽiti í di duó nyitié m̀m̀ai,

kè di né pètínke kùò bèè nàà m pããnáàntì,
yèkpamaà nkõme.

³¹ Díndi di mmònnì kòbe kénténè mesàà,
mí ndi Yìè nKuyie n náá ntì.

Díndi Isidayeribe n náá ndi kpéí tédòntè kó dikpáà
ndi

ke duò tikõmbùòtàà?

Yáà n náá ndi kpéí diheì dibiinnì kperi ndi?

Dè né dòmmè díndi n nìtìbè

kè di tú di yó nceñtì

di dómè mme di í wětíní m borè.

³² Osapàà nhõõ yè nhosàtàà?

Osapàà nwèè bo ke yenkú ò bo yè nho yàtàtà?

N nìtìbè bie me nni nyèmmu bá

dè í tóké de kó yewe í dò nkékaa nkédeè.

³³ Onitipòkù wèè nò nke waà mbenitidaabè

ò dòmmè di kperè me ndò

nke yé di yémè di òmmè ke waà nyebòkè.

Nè de kó medòòrìmè yeime mièke

ke bo na kétuo nyitié mbenitipòbè bèè dauti dautinè
benitidaabè.

³⁴ Besénnìbè bèè í cààrè mùmamù

kè di bè kùò

be yĩ nkpaá ke darimu di yaàbòrè mànke.

Di me nyí bè pĩ nkè bè dòòri meyei.

³⁵ Nè memme kè di yèmmè dò ndi wenni

kè di tú Kuyie mmièke í yó nsoké ke di péì.

Di náá mèè kpéí nke tú di í cààrè deè te

kè kù yóó di bekénè.

³⁶ Dè yĩme kè di cãã ice mucántímù,

di di ì fèi Asidii di yóó i ndi Esibiti.

37 Di yó nke wētíní ke ceú di yó nyε,
 ke yé di Yiè nKuyie ndootóomèmu,
 di do íkú bèè ìnkè
 dεè te kè di í yóó pété mεteèmmè mamè.

3

*Kuyie ndònnεnèmmè Isidayεεribe onitipòkù wèè
 dauti dautinè benitidaabè kòo to kpeñni*

¹ Mí ndi Yiè nKuyie m béimmu ke yĩ:

Kòo niti yete o pokù koò bèti,

kòò ité ke yenke otàù mǎù,

o dǎù kótì ténke báá na kòò tùóté,

kòò ò tùóté o èi sǐntemu.

Dè né dòmme díndi Isidayεεribe

kè di m bùtínné ke tǔnne yebókè

ke dó n wēte ké di tùóté?

Mí ndi Yiè nKuyie mmú tì ndi beke!

² Wénténè yetārè káyà

ditārì marì bo di í dèke dì ke fié iwūǎ yebókàà?

Di do ǎ nkari ice nyi ke bàà beyóóbè tēmè,

di do mε ndǎari ke m bùtínné ke tǔnne yebókè,

ke sǐnkùnnε dihei.

³ Nè dε kpéi nke n di mǎnte fetaafe,

bá di ténke í yé feyǎǎkèntaafe.

Kè di cǐéké ke mǎke

onitipòkù wèè dauti dautinè benitidaabè o kó

mèyèmmè,

bá ifei í di pǐ,

di í banté di caàrìmè.

⁴ Di mmǎnni kè díí né kuǎ nke n yu ke tú:

Ti cice nè ti bεmmè mme a ti dómè.

⁵ Ke bekú dimáà ke tú Kuyie mmieke sàà yó nsóké ke

ti péìmaà?

Kù yó nti u kemieke nke sáà?
 Menìme di náámmè ke baa né sòké ke d̄ori meyei
 ndíndi de kó itookperí yembè.

Wèè náa nKuyie mp̄ãnáàntì ò tumè bèè ceets

⁶ Okpààti Sosiasi kpàti mieke, kè ti Yiè nKuyie
 nní mbéinnè ke d̄: A yà Isidayeeriibe m b̄tínné ke
 d̄ò d̄èà? Bè dèkù yetārè yem̄ou ìnkè nke nè detie
 ndem̄ou ȳ ke feu iwũ̄ yeb̄okè.

⁷ N yemmè do d̄ò mbè yóó d̄ò d̄ende kó dimàà
 k̄ew̄etenímu m borè, bè me nyí w̄etení! Kè be ȳ
 fũ̄ k̄obe Sudaa kó kuw̄u nk̄obe m̄ake onitipòkù
 wèè d̄outi d̄outinè benitidaabè o kó meyemmè kè bè
 w̄ónko.

⁸ Sudaa wū nk̄obe ȳamu Isidayeeriibe m
 b̄tínnémè, kè m bè yete ke bè duó ndiyetepátiri.
 Nè memme kè bè í n depe ke m̄ake onitipòkù wèè
 d̄outi d̄outinè benitidaabè o kó meyemmè ke k̄ote ke
 fié iwũ̄ yeb̄okè.

⁹ Isidayeeriibe kóò ke í ndake n kpeti, ke m b̄tínné
 ke fié iwũ̄ sib̄ootenkaanì nè yeb̄otárè ke s̄ìnk̄unne
 diheì.

¹⁰ Bá nè memme kè bè ȳ fũ̄ k̄obe Sudaa kó
 kuw̄u nk̄obe m̄ake onitipòkù wèè d̄outi d̄outinè
 benitidaabè o kó meyemmè bè í w̄etení m borè nè be
 yemmè mem̄ou. Mí ndi Yiè nKuyie mm̄i béi.

¹¹ Kè ti Yiè nKuyie nyíé ké m béinnè ke d̄:
 Isidayeeriibe bèè m b̄tínné be k̄pere w̄ete ke t̄ũ̄n̄emu
 Sudaa wū nk̄obe bèè m̄ake onitipòkù wèè d̄outi
 d̄outinè benitidaabè o kó meyemmè.

12 Kè kù d̀̀ n k̀̀te k̀̀pĩ̀k̀̀ k̀̀c̄au nkubak̀̀ yóú k̀̀be
Isidayeeriibe ke d̀̀: D̀̀i Yiè nKuyie d̀̀ndi Isidayeeriibe
di tũ nk̀̀ tu:

Ẁ̀teǹ̀ní m borè,
d̀̀ndi b̀̀è n yete,
n yí yóó yóú k̀̀ m miek̀̀e do di ìnk̀̀è,
ke ỳ̀é n sémmè deumèmu.

Mí ndi Yiè nKuyie m̀̀i me nyẽ.

M miek̀̀e ãã í nhã ke cóú nsãã.

13 D̀̀ndi c̀̀nk̀̀e banté di caàr̀̀m̀̀è.
Bant̀̀ǹ̀è ke d̀̀ ndi yete n kp̄eti nti,
mí ndi Yiè nKuyie ndi do tũ nk̀̀,
ke k̀̀te ke fié iwũã yebok̀̀è di do í ỳ̀é ỳ̀è
yeteyo yemou borè bá di í k̀̀nté n tammè.
Mí ndi Yiè nKuyie mm̀̀i béi.

Sudaa k̀̀be ẁ̀teǹ̀ím̀̀è Kuyie mborè

14 Mí ndi Yiè nKuyie mm̀̀i tu: Ẁ̀teǹ̀ní m borè
d̀̀ndi b̀̀è do n yete ke ỳ̀é m̀̀i di tem̀̀è. N yóó di tãnk̀̀é
dimáà dimáà ndi di nhèi òmáà, ku nnaàm̀̀nk̀̀ú
b̀̀édéb̀̀è ke di tanné Siyãã èi,

15 k̀̀é di duó mbecẽmbe n yèmm̀̀è k̀̀be k̀̀è b̀̀è ndi
cẽmm̀̀ú, nè mec̀̀i nnè tidààt̀̀i.

16 K̀̀é di pié dii m̀̀nǹ̀i ke sũũ nke pié ndihèi, mí ndi
Yiè nKuyie m̀̀i béi. De m̀̀nǹ̀i di t̀̀nk̀̀e bá nnáá, mí
ndi Yiè nKuyie nkó metaumm̀̀è tou kp̄éi, di t̀̀nk̀̀e bá
nnáá ndi kp̄éi, òm̀̀ou t̀̀nk̀̀e báá dentení di kp̄éi. Di
báá daatení di kp̄éi b̀̀è me nt̀̀nk̀̀e bá d̀̀d̀ diteri.

17 De kó yemòr̀̀è miek̀̀e b̀̀è bo nyu Sedisademm̀̀u ke
tú ti Yiè nKuyie nkó dikp̀̀à̀t̀̀ik̀̀à̀r̀̀i ke yebotè yemou
ncok̀̀uní di bíék̀̀è, ti Yiè nKuyie nkó diyèt̀̀ir̀̀i yu d̀̀è

Sedisadεmmu. Bè ténke bá ntũ mbe kó meyèmmè yeime itookperí kōme.

¹⁸ De kó yeuwe miεke Sudaa kó kuwuo nkabe bo sónké Isidayεeribe kó kuwuo nkabe kè bèe wēnné kéíténí kubakù youú kó ketenkè miεke kéwētení diheì n duó ndì be yembè kè bè dì te.

Itookperí yembè yóó wēte kékpénténímè Kuyie mborè
(Ti Yiè nKuyie mbéi ntì)

¹⁹ N do d́ ḱ di d́ò m bí nyi ḱ di duó nketensààkè, kè di kè tieke, ketenkè kèè pēēté kesanke kemou.

Kè n yèmmè ndò ndi bo nni nyu ke tú di cice.

Bá di bá m búttinné bìtì.

²⁰ Onitipòkù wèè yiè ke waà mbenitidaabè ò òmmè o d̀ò.

Isidayεeri me nni nhõ.

Mí ndi Yiè nKuyie mmũ bí.

²¹ Isidayεeribe kó yedabùò nyèè yìèní sitáá ñnkè, kè bè kuò nke m báá.

Be ce ìì s̄inte,

bè yè mmí mbe Yiè nKuyie nku bè do tũ nkù.

²² Díndi m bí ìì n yete wētenèní,

kè n tũnte tì bo mí nnè díndi ti cuokè.

(Benitibè t̄énné tì)

Nte tínti ti wētenímu a borè

ke yé f̄òò tumè ti Yiè nKuyie.

²³ Yebokè Baadibe ti soutému nè ti ò nyè feu iwũõ ke úú ìì úu.

Ti Yiè nKuyie nkuù ti deerí tínti Isidayεeribe.

²⁴ Nè ti baa bemmmè mme

kè ti yembè feu be nààke

nè be piètì dibòò Baadi ifei diiti.
Kè dè dèèné ibí initidaaì nè initipòì.

²⁵ Ifei ìì do dò nké ti pĩ.

Ifei ìì do dò nké ti dátínné kuyààkù kōme.
Ti cààrèmu ti yeténè ti Yiè nKuyie nku ti tũ nkù
tínti nè ti yembòo nè ti bemmè nè yíenní,
ti í kènté ti Yiè nKuyie nti tũ nkù kó metammè.

4

(Ti Yiè nKuyie mbéi ntì)

¹ Díndi Isidayeeribe kè di cèète,
kè di wētení m borè.
Kè di fũũ nsibòotenkaanì isòke kpesi n yìkè.

Kè di ténke í cǎnnì cǎnnì.

² Kè di pàrikè ke yí:

Ti Yiè nKuyie mbomu
kè di béinnè timómmonti kè dè tu kuce,
de mǎnni yebotè bo kǎtení m borè ke dò
n yè dòò mesàà.
Kè dè nye naatinè n kprí.

³ Kè ti Yiè nKuyie mbéi nke dò:

Sudaa kòbe nè Isidayeeribe sēĩnè kupaku pànkù,
kéyóu di bo mbuòtìmè tipotì mièke.

⁴ Díndi Sudaa tenkè kòbe nè Sedisademmu èi kòbe.

N duónnè di yèmmè
kè mèè dake nè di dòò mèè yei nkpéí
m mièke kó muhǎá mbo di cóúté,
bá òmòu báá na ké mù kùò.

Kuyie nyè mbèè pĩéké ti Sudaa tenkè

⁵ Kè Kuyie mbéi nke dò: Pĩékénè ti Sudaa tenkè,
nákénè ti Sedisademmu èi mièke.
Eénè ditáteheù kèpĩéké mediè nke dò:

Tíinnènní kè ti kote kéta yehékè iduotí fité yè.

⁶ Cónnénè mecannimè kécuó nSedisademmú bíékè,
kécoké kéwammú di bo sori dè,
kè di cokù di báá cómmú.

N yóó ínní meyei mme kubakù yóú bíékè.

Meyei ndiemè mómməmmə.

⁷ Dicìrìcìrì òòtenímu di dǒù,

opòntì ìténímu o kàrì ke bo puə nyehékè kè yèè
dǒúnko,

di ekè bo náá ntidobontì bá òmòù bá nyè bo.

⁸ Kè dè dǒ mmemme dáátínè tifǎ̀tǎ̀ntì kékəmmú,
tiiténè iwúótìi

ke yé ti Yìè nKuyie mmieke kraá ti cóúmmèmu,

kè mu nyí ti bonke.

⁹ De yiè bo tuəke dìi yiè bekpààtìbè kǎmbù̀̀tì bo do.

Ifǎ̀yéi bo auté sikpààtìbí.

Dè bo di ikuó nìùbè,

kékpeí bèè náá m pǎ̀ánáàntì

mí ndi Yìè nKuyie mmí b́í.

¹⁰ De mǎ̀nnì bè bo nnáá nke tú:

Ti Yìè nKuyie nha ti soutému tínti Sedisademmú èi
kəbe,

a ti náá ndìi mǎ̀nnì ke tú

ti bo mbo diheì mieke kè dè naati,

né nte tínti kè disie ìkú ti fǎ̀nìí.

Bepòmbè itinímè tipù̀̀tì timəu

¹¹ De kó yemǎ̀rè Kuyie mbo nnáá Sedisademmú èi
kəbe ke tú:

Yətǎ̀rè ìnkè kó kuyaatonnikù

kuù kèrínì dikpàà bíékè ke wetí n nìtìbè

kù í tú kuyaakù bè ǎ̀ yennè kù tidiitì.

¹² De kó kuyaakù kùù ìténì de bíékè, kù kpeínìmu.

Mîi kù íinní ke bo bè bekénè.

(Benitìbè b́éi nti)

¹³ Ti dootitòbè kèrínímu diwetirì kōme,

ke fimmú kuyaakperíkù kōme,

kè be kpàrìsěĩ cãã icĩrì dōmmè.

Ti kperε dèemu! Bè ti pòntemu.

(Ti Yìè nKuyie mb́éi nti)

¹⁴ Sedisadεmmu kòbe yóunè meyei nke wénkùnne di
yèmmè,

kè dèε yie nkè di cooté.

Dè yó nkááké de kè kuyonku kó meyèmmèε yè di
mieke.

¹⁵ Danni èi kòbe tì pĩékùmu,

ke tùðkení Efadaimmu èi ke náá nde kó meyei mmèè
kèríní me kpéí.

¹⁶ Caunnè yebotè, nákénè Sedisadεmmu èi kòbe ke
tú:

Tihããpòntì iténì yehékè détiyè ke kèríní,

ke úú fekpariúúfè,

ke wetí Sudaa tenkè kó yehékè.

¹⁷ Ke cèèèε Sedisadεmmu bebàribè òò cèètemè
kupaku,

ke yé Sedisadεmmu èi kòbe yetemè n kpeti.

Mí ndi Yìè nKuyie mmû b́éi.

¹⁸ Sedisadεmmu èi kòbe tì di tùðke

di yei nnè di caàrimè deè te kè de kó meyei ndi do,

ke di kòute ke di yo me doò tiiku.

Sedemii yàmè meyei mmèè kèríní ke muòke

¹⁹ N yo ditāteheù kuòmmè mme nè mudoò kó íúu,

kè n kōmbùòtì duò kè de n yóu ke n cáá kè m mítìrìnè
kuyonku,

dè í yie nkè m bo n ćéké.

20 Be n̄p̄òmbè ní yó mp̄ēnkóo kè bet̄òbè beè t̄ù̀k̄ení,
 titouti t̄énk̄e í yó nkpaá,
 difii marì í yó nkpaá dihèi ke cúók̄é
 ðem̄ou dè bo duó dim̄ònnì dim̄áà.

21 Nh òun̄em̄u m bo nwúómmè n dootit̄òbè kó
 mekp̄à̀ricannimè
 nè m bo n yomè dit̄à̀teheù kuòmmè.

22 Kè Kuyie mbéi nke d̄ò:
 N n̄it̄ibè beè tu tiȳèint̄i
 bè í m̄òke meciì.
 Be ciì meyei nd̄ò̀r̄im̄ù bíék̄e nke
 bè í ȳé mes̄àà mmud̄ò̀r̄im̄ù.

23 N w̄ènt̄é ketenke kè kè í m̄òke ke d̄òmmè,
 bá ðem̄arè í bo,
 n w̄ènt̄é k̄é̄nk̄e bá kuwenniku í bo.

24 Kè n w̄ènt̄é yet̄ārè ke s̄́ nyè s̄̀ant̄é
 kè sit̄áá sim̄ou ȳò̀̀ti.

25 Kè n w̄ènt̄é ke s̄́ nhon̄it̄i t̄énk̄e i kpaá ketenke,
 kè sin̄ò̀ c̄īé̄t̄é sim̄ou.

26 Kè n w̄ènt̄é dihèi titebiiti do peí d̄i,
 ke s̄́ ndi naánkoo t̄ed̄ont̄é.
 Kè yeh̄ek̄e yem̄ou naá ntidobont̄i,
 ðende kó dim̄áà boní Kuyie mborè nde,
 ku mīeke k̄è ti yè ke tont̄é.

27 Kè ti Yiè nKuyie mbéi nke d̄ò:
 Dihèi dim̄ou yóó ð̄ò̀nk̄omu,
 n né í yóó bè k̄ù̀ k̄édeè páíí.

28 Nè ðe kp̄éi ketenke kem̄ou yó mbo yedabùò
 mmīeke nke,
 kè tiwet̄i s̄oute,

m b́ei ntì tinti.
 N yí yóó ceete,
 n yí yóó w̄ete n f̄onkúò.

Siyǎǎ eì kabe natitabè bè soutémè

29 Sikpàrìnaasēī nè betāntāũbè kó kutoweku kuù
 dàátíní,
 kè benitìbè cìété muceé nke taà titúútì miēke,
 kè betabè dèkù yetārè, kè yehèkè yemou dounko,
 bá òmòu ténke í bo ye miēke.

30 Sedisademmū eì kabe bè yóó di pante kè di né
 benné
 ke d̄ori ba?

Ke s̄arì dimàà ke tũ̀ mes̄o nkó yetoot̄re,
 ke ãà còròò di nū.
 Di panti detetirè nde di càmbè di sènkèrimu,
 ke dó di kũũ.

31 N yo m̄èè tammè
 dò nhonitipòkù wèè kuò ntip̄uti o k̄ome mme,
 desap̄umbire dèè p̄eì meketimè.
 Siyǎǎ eì kó desap̄umbire nde,
 deè fiu, ke yuo de nou ke tú: N fetimu n kúmu n kòùbè
 b̄eè n na.

5

Osàù í kpaá Sedisademmū bá omáà

(Ti Yìe nKuyie mb́ei ntì)

1 Cennè Sedisademmū eì dimou,
 ḱebíéké ḱewammú yec̄kàrè yemou
 kòò m̄ou bo bá omáà wèè d̄òri dèè siè ke tũ̀
 ntimómm̄nti,
 n c̄é nSedisademmū.

(Sedemii b́ei ntì)

2 Bè ò nnáá ndì m̄onni

ke tú ti Yiè nKuyie m bomu
bè ð mparikumu ke né sou.

³ Ti Yiè nKuyie nha dó wèè nàá nwènwe
timómmanti,

a bè potému dè mè nyí bè nampɛ.

A bè kòumu ke dó ké bè dèè bɛmɔu
bè mɛ nyí yie nha tié,

kè bɛ to kpenke ditári kɔmɛ

bè í yie nke bo wɛtɛní a borè.

⁴ Bɛbíkénnitibè mbɛ bɛ yèmmè í bo,

bè í banté bɛ Yiè nKuyie ndó dè

Kuyie mbè tũ nkù kó ikuó.

⁵ Kè n yóu ke dò

m bo kɛtɛ bɛkótibè borè ké bè béinnè

ke yé bɛmbɛ yémèmu bɛ Yiè nKuyie nkó kuce

ke yé ku kó ikuó.

Ke n sá mbɛ kpɛrɛ í cáá, bɛ mɔu bè dó kɛntɛ bɛmáà
ndi,

ke tôte metaummè mèè do bo bɛmbɛ

nè Kuyie mbɛ cuokè.

⁶ Nè dɛ kpéi nyɛcìrìcìrè bo yènní

kudúókù ké bè cááké,

dɛsɪnnè bo yènní kutāfuɔ nké bè pĩrmú.

Yɛkpamaà mbo nhokɛ bɛ ekè

kè wèè yènní yɛɛ ò pĩ nkénété

ke yé bè kù yetɛmè kuce mɛpéu

kè bɛ caàrimè sũũ.

(Ti Yiè Kuyie mbéi nti)

⁷ Sedisadɛmmu kɔbɛ ba mbo nte kè n di cǐé?

Di n dootóomu ke parìkunè yɛbɔkè yètè.

N di duó nkè di di ke sànnèmu,

ke buróo yɛbɔkè borè

ke dɔntɛnɛ onitipɔkù wɛ̀ɛ̀ yóu o dɔ̀u
ke tũnnɛ wɛ̀ɛ̀ í tú o dɔ̀u.

⁸ Di sãátɛnɛ̀ yesãndakè nyɛ,
yɛ̀ɛ̀ dɔ́ mudèè bá di kè di kɔ̀nti ke tũ nditeri pokù.

⁹ M bo nwúónko de kó benitibè ke báá bè potàà?
M bo nwúónko de kó kubotí kɔ̀be ke báá peitaà?
Mí ndi Yiè nKuyie n di bekúmu.

¹⁰ Dekenè dihei kó iduotí
kéta kékõũ finyĩ tebake,
di né báá ì deè páíí.

Ciénè ìì í tú mí ndi Yiè nKuyie n kpeyi.

¹¹ Isidayɛɛribe kó kuwuo nkɔ̀be nè Sudaá kɔ̀ku kɔ̀be,
bè n soutému. Mí ndi Yiè nKuyie m mû me nyɛ.

A bo yetɛmè Kuyie ndɛ kó mucɔ̀ntimu tú mù

¹² Sudaá èì kɔ̀be yetɛmu mí mbe Yiè nKuyie,
nke náá nke tú:
Kuyie nyí bo, meyei mmamè í yóó ti tuɔ̀kení.
Bè me nyí ti doti mudoò.
Dikònni me nyí yóó ti pĩ.

¹³ Kè bèè tu bè náá mmí nKuyie mpããnáãnti,
bè náá ntì tu detetirè ndɛ,
tì í boní m borè.

Bè náá ntì tuɔ̀kení beè ìnkè.

¹⁴ Kè dè dò mmɛmmɛ Sedemii
nte mí ndi Yiè nKuyie Mpakɛdaa n tú mù:
Nè tináãnti bè náá ntì kpéí
bè bo yĩ idéí,

kè n náãnti n da náá ntì ntú muhãã nké bè còúté.

¹⁵ Dindi Isidayɛɛribe n yóó ínní kubotí dɛdétirè
kɔ̀ku nku di kpéí,
mí ndi Yiè nKuyie mmû bíi.
Kubotí kukperíkù nku.
Kubotí kùù do bo nè dimònni.

Di í yo ku náaàtì,
di í yé kùù náá nyèè tannò.

¹⁶ De kó kubotí do dònne kufōti kùù pòòte ke feío
kùunku,

de kó kubotí kòbe tú be kpàrìnuòmbè máà ndi.

¹⁷ Bèè yóó cake di paa nnè di dii,

kékuò di bí initidaaì,

nè initipòì nè di wūō,

kécake fínyĩ kó detie nnè fikíè kperè.

Bè bo può ndi ekè iduotí fité yè.

Di yèmmè naatinè yè.

¹⁸ Mí ndi Yiè nKuyie kè m bée nke dò: Bá nè
memme de kó yewe mieke n yí yóó di kuò kédeè.

¹⁹ Kè bè beke dii m̀nni ke yĩ ba nte kè Kuyie
nti d̀̀̀̀ mie? F́́́ nSedemii, á bè nàké ke d̀̀̀̀: Di
dootóo m̀̀̀̀ botí ti Yiè nKuyie, ke fié iwūō ibotí t̀̀̀̀
kó yebòkè, di tenkè mieke, m̀̀̀̀ botí nku ibotí t̀̀̀̀ yóó
di kònnè̀̀̀̀ dihei dii í tú di kperi, kè di mpí mbe
t̀̀̀̀mmú.

Bèè yete Kuyie nkpeti be kó mucóntimu

²⁰ Píékénè ti Sakòbu kó kuwuò nkòbe cuokè,
ké tì yèè Sudaa kó kuwuò nkòbe cuokè ke d̀̀̀̀:

²¹ Kénténè ti d́́́ndi kuwuò nkùù yei nke kra
meyèmmè,

d́́́ndi bèè m̀̀̀̀ke inuò ndi me nyí wúó,

ke m̀̀̀̀ke yeto di me nyí yo.

²² Di í yó n yòtaà?

Mí ndi Yiè nKuyie n di beke mu?

Di bù̀̀̀tì í nduòà?

Mí nwèè pèhíne dà̀̀̀mè̀̀̀rì mubirímú,

kè mù d̀̀̀̀ò nku perí sáà,

kè menie nyí mù sei.

Kè yenéfinfirè tou meniε mmè me nyí mù sei,
kè kuyaakù ínko yenéfinfirè
kè yè ùùti, yè me nyí mu sei.

²³ Díndi ku nwuə nkəbe di to yeè kpeñni,
di í yie n kpeti di m bùtínnému ke ìté.

²⁴ Di í totí di yèmmè ke bo n depe
mí ndi Yìè nKuyie,
mí nwèè di duò nfetaafè fe m̀ǹnni,
fèĩnk̀mbóntaafè nè fetadentifè,
ke di duò nyedidèi m̀r̀è,

²⁵ Di yete mèè kpéi nte kè dè ténke í tùòkùní de
m̀ǹni.

Di caàrimè mèè te kè di pàà de kó mesàà.

²⁶ Beγeibe beè bo n nìtibè cuokè,
ke ò nhoke wèè dìi sinəə ticùòti o kōme,
bè dii mèè botí ke pĩ mbenitibè.

²⁷ Bè ò̄ pĩmmú sinəə ke píe mmèè botí kunərìdieku,
bè yùúkú dè piéké mèè botí be ćí mieke,
bè me nh̄ə nke kpenke ke m̀ò̄te be kpepe.

²⁸ Ke kpenkú ke ćéékú
ke né d̄əke s̄əké meγei ndòòrimù,
bè í bekù tibeénti tì dò nkémbekùmè,
bè í pĩ nyiciribí bè dò nké nyi pĩmmè,
nè memme kè be kpepe yíé.
Bè me nyí kommu beçiribè.

²⁹ Kè di né yè m mieke bá mpéi de kó feyanfè kəbaà?
Mí ndi Yìè nKuyie mm̀i tì ndi beke?
M bo yóu m bo potémè kubotí kùù dò mmie nnaà?

³⁰ Dèmarè cànnè isəke kpepe deè d̀ò̄ri dihei mieke.

³¹ Ke yé bèè nàà m p̄ānāànti bè nàámmè siyá̀b̀isi
nsi,

kè ikuó nìùbè wanti mucóntimu,
 kè n nìtibè dè wùó ndesààrè.
 Diyiè sɔnni yiè di né yóó yĩme?

6

Meyei ndiemè mèè doti Sedisademmu ei

¹ Díndi Bensamεε kó kuwuɔ nkɔβε,
 cokénè kényè Sedisademmu,
 kéwammú disòrì.
 Eénè ditāteheù Tekoa ei miεke,
 cónnénè di kó mekpàricannimè Bεti-Akedemmu ei,
 ke yé meyei mmεè kèrínímè kubakù yóú bíékè,
 ke yó ndeu mediè.

² Siyɔɔ dihei dìi do tú dihei sààrì kè bè dì dó,
 n yóó di pòntemu kè dìi do kè dèe deè.

³ Benìtibè tùàkenímu Siyɔɔ ei,
 ke bàté ke dì fité ke bo dì pònte,
 benaacēmbε εɔ bátémè nè be wũɔ,
 kécónné be touti,
 bè me nyĩ bá wè nè o kó kupíkù,
 otɔ̀ù nè o kɔku.

⁴ Kè bè nàá nke tú: Báátínè,
 íténè kè tí bè do ké bè pĩ,
 kè diyiè kraá cómmú yeγɔ,
 diyiè ti dèemu,
 kè medèè nfūtenè detie nyɔ,

⁵ Íténè kè ti bè do keyènkè
 nképuɔ nsikpààtìcǐ.

⁶ Nte dinùù ti Yiè nKuyie Mpakεdaa ndi duó ndi dìi
 tu:
 Kɔũnè idéi kéonné Sedisademmu kéfité kένα kédeke,
 de kó dihei n yóó yṹó ndi to nye,

bè fěũnko benitìbè mbe mediè.

⁷ Tēbinte tōnní mèè botí menie

Sedisademmu eì kòbe me ntōnní kuyonku

bè d̀arimu ke fěũnko benitìbè.

Bè bè puotìmu ke bè kòu kè n dè wùó.

⁸ Sedisademmu eì kòbe ceetenè,

kè d̀ee yie nkè n yèmmè báá di yè.

Kè mèè d̀ake n yóó duó nkè di kó diheì d̀aúnkomu.

Bá òm̀aù t̀enke bá ndi bo.

Kuwuo nkùu kòbe í d̀ó k̀ekeè t̀imati

⁹ Nte mí ndi Yiè nKuyie Mpakedaa m b́ei ndiì nùù:

Dérínè Isidayeeribe sòmbè, d̀eté d̀éténè be,

bè ãã t̀ãũ f́inyĩ kó yebe kédérí mèè botí,

kétũnne ibake im̀au k̀ecáté cáté yèè kpaá.

(Sedemii b́ei ntì)

¹⁰ Wenni nwe n yóó b́innè wè kòo keè.

Díndi itookperí yembè di í yie nke bo keè Kuyie

nnáàntì,

kè ku náàntì di dò mmudaá.

Di keté ke í d̀ó k̀é t̀i k̀èè.

¹¹ Kè Sedemii dò:

Kuyie nha mièke bè c̀òú mmèè botí

n kòke me mbè c̀òú, bá n yí na ke bo minné.

(Ti Yiè nKuyie mb́ei ntì)

Yóu k̀aa mièkee bè do bem̀au,

ibí sámp̀òì nè bebémbè,

ke yé bè yóó p̀ĩmmúmu benitidaabè nè benitipòbè nè

bekótìbè nè sidakóó.

¹² Be c̀éĩ bo náá mbetòbè kpesi,

be paa nnè be pobè betòbè borè tieke.

M bo bè ãnné diì m̀onni teǹd̀utè.

Mí ndi Yiè nKuyie mm̀ũ b́ei.

¹³ Bem̀au besámp̀òbè nè bediebè bè d̀ó ticuuti nti,

bèè nàá mí nKuyie m pããnáàntì nè ikuó nìùbòo.
Bemou bè tu siyáábìsì yembè mbe.

14 Bè í wúó mmeysi mmèè duò n kó benìtìbè dèmarè,
ke náá nke tú demou dè kèrí séi,
dèmarè me nyí kéri,
demou kè dè cààri.

15 Ifei na mbè pĩmmè be dòòri ìì sòke kpéí
ifei me nyí bè bo,

bè keté ke í yé bè tu dè ifei,
dèè te kè bè yó nkókè becíribè mièke
m bo íté kécómmú dìì mònñi ké bè poté.
Mí ndi Yiè nKuyie mmúí bói.

16 Mí ndi Yiè nKuyie m béimmu ke tú:
kũnténè kuce di kéri kù,
kécómmú kéwénté kébeke kè bè di náké
icè ìì do bo nè dimònñi.

Kè dí tããté kùù wenni ké kù tũnne kápété
meom̀p̀m̀m̀è,

kè di né tú dínđi í yóó mè dòò.

17 Nh ãnné beheikembàribè mbe di cuokè,
dòònè meyoðmmè kékénté ditãteheù kuðmmè,
kè di yete ke tú di báá kénté.

18 Dèè te kè n tu:

Dínđi iwuò nteì kénténè mesàà nkékeè,
dínđi kunìiti kèèèè tìì yóó bè tùðkení.

19 Tìtenti timou kobe kèèèè n túmè,
n yóó duónko meysi mme de kó benìtìbè ìnkè,
be yeñtotí meysi nkpeyi mǎnnè tìì yeti nti,

ke yé bè í dààtemè n náàntì kpéí,
ke sènkèrì n kuó.

20 Di kòrì Sebaa èi ke touní wèè tùdààrí bo n dòò ba?
Yehekè détiyè kóo tùdààrí bo n t̃s̃ mba?

Di n feu ìì wũṣ ke tuò n yí ì dó,
di n feu ìì wũṣ n yí ì wùó.

21 Dεè te mí ndi Yiè nKuyie nkè n tu:
m bo dáu mmébéímè kubotí kuu nyìkè
cicèbè nè be bí onìtì nè ocēpetitòù,
βεμου κè bè mbétírí κε duò κε κῶ.

Isidayεriβε dootitòù kèrínímu kubakù youú

22 Kè ti Yiè nKuyie mbéi nκε δò:
kuwuò mmakù kuù itiní kubakù youú bíékè,
kuwuò ndiekù kuù itiní kutemmànku.

23 Dε κό behāpòmbè nammu
κε tāū ipie nnè yekpāā,
bè yòumu bè í mκε onìtì κό mesémme,
kè be tammè ùuti dàméèrì ð nhuutimè.
Bè dèκε sisēī nsi κε tú fεnafε mòmme,
κε δò nhonitì òmáà,
κε bo di dokénè dín-di Siyðð εì kabe,
(Benitìbè béi ntì)

24 Ti ti nkèè kè ti kòntì bèitè
kè ti yémme cààrè,
kè kuyonku ti pī nκε δò nhonitipòkù ð nkuòmme
debire.

25 Ti í yóó dáátí kékòté δεραα,
ti báá dáátí kékété ice maí,
ti dootitòbè beè bo tipùtì timou nè yekpàrise,
kè benitìbè bùàtì cùùtè.
(Ti Yiè nKuyie mbéi ntì)

26 Dín-di n nìtìbè dáátínè tifòtòntì kékari mukũũ.
Pũñné mutápei kénkuò nyekúdabùò,
wèè bire bo demáà dè ðð kú kòo nkuòmme.
Kuónnè dikúdabònnì κε yé di pòntì kèrínímè κε bo di
do ké di déété.

Timàtì tìi í dò nkéna kéwénkunnε
(Ti Yiè nKuyie mbéi ntì)

27 Fó nSedemii n da kànne n nìtìbè cuokè

kàa bo bè yàákému,
omáátì òṣ yáákémè timátì.
Paaté be kẹyà be ce dòmme.

(Sedemii béi nti)

²⁸ Bè tu itookperí yembè mómmṁmbe mbe.
Bè tu bèè náante bè mbe betṁbè kpeí,
be to yeè kpeñni disṁwũḍ nè timátì de kṁme.
Bè tu bemṁ bekṁbè mbe.

²⁹ M bè fuute ke fuute timádṁutì ke dò ntimátìmíntì
na nyè

kè timátì pèike,
timátìmíntì me nyí yie nke càténè timátì.

³⁰ De kó benitibè bè donnè tisíntémátì nti
ti Yiè nKuyie mbè sènkèrimu.

7

*Bèè sántì bemáà detetìrè
(Wénté Sedemii 26:1-19)*

¹ Kè ti Yiè nKuyie nni mbéinnè ke dò:

² Kote kécómmú n cīètè bòrì kẹpīéké ke dò: Díndi
Sudaa kṁbe bèè taanní te ncīètè miéke mubáammù,
kénténè di Yiè nKuyie ntu mù.

³ Ntenè mí ndi Yiè nKuyie Mpakedaa n tú mù:
Tūntenè di ce nè di dṁrìmè, kè n yóu kè dí mbo diheì
dii mmiéke.

⁴ Di báá duó ndimáà tiyáàbìsínáàntì kénnaá nke
tú: Ti Yiè nKuyie ncīètè tu tie, ku cīètè tu tie, ti Yiè
nKuyie ncīètè nte die.

⁵ Kè di mènke tūnte di ce nè di dṁrìmè, ke pī
nditṁbè nè timómmṁntì.

⁶ Ke í fēũko bepṁbè nè iciribí nè bekúpobè, kè di
í kṁu di nheì miéke bèè í cààrè. Ke í feu iwũḍ yebṁkè
kè ye di càari.

7 De m̀̀nni m bo di yóu k̀̀ di mbo die, dihei n do duó ndi di yembè k̀̀ dí ndi te sáà nè di bo mbomè.

8 K̀̀ di me ntũ siyáàbìsí kó tináànti detetirè kp̄ti.

9 Di bo nyuuku ke k̀̀u benitibè, ke dauti dautinè ditabè, ke d̄ummu yenò di me nyí yè d̀̀rri, ke tuò ntihúúnti yebakè di do í yé yè.

10 K̀̀ dí dèè ke k̀̀tení n c̄t̄t̄ mièke, bè yu dè n yètiri, k̀̀ncómmú n yìkè ke tú: Ti coot̄mu, ke né w̄t̄i ke bo s̄at̄e is̄ake mud̄òr̄imù.

11 Di yemmè dò n c̄t̄t̄ bè yu dè n yètiri t̄e tu beyóóbè kó dis̀rri ndià? N dè yamu mí ndi Yiè nKuyie mm̄i béi.

12 K̀̀tenè Sidoo di do yu dè n yètiri nè dim̀nni, k̀̀ di bo yà n d̀̀mè deborè, n nitibè Isidayeeribe kó kuyonku kp̄í.

13 Di mm̀nni nte mí ndi Yiè nKuyie n tú mù: Di me ndò mèyei mmèè kó dim̀à k̀̀ n di náánnè, ke di náánnè nè dik̄unweñnini bá di í n yíé.

14 N d̀̀ mèè botí Sidoo n yóó me ndò te nc̄t̄t̄ n yètiri yu t̄è mièke di p̄tinè t̄è, nè ke ntenkè n duó nkè di yembè nè díndi.

15 N yóó di dootóomu n dootóo mèè botí di tebì Efadaimmu naàm̀nkù k̀̀be.

Mubáammu Kuyie nyí d́ mù

16 K̀̀ Kuyie mbéi nke d̀̀: F́ nSedemii bá nni mbáá mbe kp̄í, bá nni nkuànnè be kp̄í ke sáútí, bá nni mbáá nke yetíróo, n yí da k̀̀mmú.

17 A í wúó mbè d̀̀rri dè Sudaa kó yehkè nè Sedisad̄emmu kp̄eri ye mièkaà?

18 Ibí ìi kau idéi k̀̀ i cicèbè wièt̄i muh̄áá nkè benitipòbè puot̄i ticoot̄i ke bo kake k̀̀ bèè p̄a

tɛbɔɔtenkaanitè bè tu tɛ Asitaditee, ke pããnnè tidiiti yebɔkè deè íinko m miɛke.

19 Mí ndi Yiè nKuyie n né bè nàámmu kè n tu: Bè í íinko múi kó kemieke. Bè ãã bɛmáà ndi ifei.

20 Nè de kpéí nte mí ndi Yiè nKuyie n tú mù: N yóó yóu kè m miɛyonke do de kó dihèi nè benitibè nè iwũḥ nè dikpáà kó detie nnè titietit timəu. M miɛke kó muhãã mborè còuté bá dɛmarè báá na ké mù kùɔ.

Kuwuɔ nkùù í kémú ku Yiè nKuyie nkpeti

21 Mí ndi Yiè nKuyie Mpakɛdaa díndi Isidayɛɛribe di tũ nkù múi bɛi nke tú: Túóténè iwũḥ di na nni nfeu ì ke tuɔ kényíenè mɛwɛnnímè kpɛyi kécááké.

22 Ke yé n do í nàkémè di yembè m bè dɛnnení dii mɔnni Esibiti ke dɔ bè nni nfeu iwũḥ ke tuɔ ke n feunè itei.

23 N do bè duó nyii tié ntú bè bo nyiémmè mí ndi Yiè nKuyie n kpɛti kè nní mbè te kè bè tu n kɔbe ke tũ nkuce m bè benke kù kè dɛɛ yie nkè bè mbo kè dè bè naati.

24 Bè mɛ nyí yie nke bo kɛnté, bè í nyie ke bo keè, kɛnsáké ke tũ mbe mómmɔmbe kó mɛyèmmè, kɛntũ mbe tookperí bè nàá nti, bè botí be fɔnkúò ndi bè tɛnke í kéri de ìkè.

25 Nè di yembè yèmmè Esibiti nè yíenní yewe yeməu duómè n yí yóu m bo ntũḥnkómè n kó betɔmbè. Bèè nàá m pããnáãnti di borè yekũnwerè yeməu duómè.

26 Di mɛ nyí kɛnté n kpɛti, di to keté ke í kɛnté de bíékè, kè di kpénkũnne di to ke dɔ̀̀ mɛyɛi nke pɛ̀̀tɛ̀̀ di yembè do dɔ̀̀ mɛ̀̀.

27 Sedemii a yóó tì mbè nàkémú timəu, bè mɛ nyí yóó da kɛnté, a yó mbè yumu òmòu mɛ nyí yóó yie.

28 Kàa né bè nàké ke dò: Di tú kubotí kùù í yíé nkù nku Kuyie nkpeti, ke í yíé nku tié, òmòu ténke í wetí, mēwetímmè kpeti ténke í kpaá di nò miēke.

Meyei mmè doti Isidayeribe bè yete mēè kpéi nKuyie

29 Díndi Sedisadēmmu èi kòbe,
kuónè di yùtì di soké tì ke benkú di cǎǎmmè ke tú n
kòbe,
úténko ti tetǎpéitè ñnkè kékuó ndikúdabònnì.
Di kó kuwuò di íinko m miēke nke n ténke í di dó, di
n dootóomu.

30 Kè ti Yiè nKuyie nyíé kébéi nke dò: Sudaa kó kuwuò nkòbe dǎdò isòke kperere nde dèè í wenni bè tanné be bǎntenkaanitè nte n cǐtè n yètìrì yu dè ke tè sǐnkùnnè.

31 Ke maá yebǎwũǎtǎrè Tofeti ditònnì borè Inǎmmu biriku ke tuò be bí initidaaì nè initipòì m me nyí tì mbè nàké, ñ keté ke í tì totì n yèmmè.

32 Nè de kpéi mí ndi Yiè nKuyie mmù béi, de yiè kèrínímu kè bè ténke í yó nyu Tofeti ditònnì borè ke tú Tofeti. Bè me nténke bá nyu Inǎmmu biriku ke tú Inǎmmu biriku bè yó ndè yu ke tú kukùbiriku nku, bè yó ndè kùrì becírìbè mbe mēfiè ndónté mēè kpéi tipùtì tetì.

33 Tinàtì nè tikpasǐntì dè bo pété de kó kuwuò nkòbe ké mbè cǎu bá òmòu í ntì kǎúnnè.

34 M bo duó nkè yebaa ndeè Sudaa tenkè nè Sedisadēmmu èi de miēke, wèè puoke bǎmbà nè wèè yenke be kó iyie mbo dèè, ke yé de kó ketenkè yóó naámmè tidobontì.

8

¹ Kè ti Yiè nKuyie mbéi nke dò: De kó yemàrè miéke bè bo kǔté Sudaa kpààtibè, nè sikpààtibìi kó yekũð, ikuó niùbè nè bèè nàá m pãānãānti nè Sedisademma eì kàbe tábè kpeye,

² ké yè còúnko diyìè nè otànkù nè siwãã kè dè nyièní ke yè sǒnku, dènde bè do ninku dèè ìikè ke dè bàá, be kũð yó nde cóú, bá bè báá yè aké kékũnné bè bo naá ntikùtì ketenkè ìnkè.

³ De yiè bèè bo nkpaá ke fòu Isidayeeri be miéke bè bo dǒke mukũũ nkè dèe pèèté bè dómè mufòmmu. De kó feyanfè yeife kàbe m bo bè bèti kè bèe ciété kэмbo be bíékè, be bíékè. Mí ndi Yiè nKuyie Mpaakedaa mmíu béi.

Isidayeeri kó itookperí í dò nkébanté

⁴ Beke be ke tú n yè nkòo nìtì do ò ãã í nyitàá?

Yáà kòo nìtì yeté kuce ò ãã í nwètení ke tũnne kusààkù?

⁵ Dè né dò mme kè Sedisademma kàbe yete n kpeti? Dè dòmmè kè bè yetíróo ke bo ntũ nkuce kuyeiku ke í dǒ kéwètení m borè?

⁶ N kémúmu be náānti ke sǒ nhòmòu í náá nkè dè co kuce,

òmòu í dèmmu o caàrìmè kpéi,

òmòu í békú omáà ke tú n dǒò ba?

Bá wè ò né tũ mme yei nkó kuce nku

tesāntè tèè baati mudòò te kǒme.

⁷ Bá fecònfè fè yému dimònni fè ãã tote dì dihei,

tenónkpete nè tekpàncéndéitè

nè kukunaakù dè yému de kũñní dìi mònni

n nìtibè bie me nyí yé bè bo wètenímè m borè.

Meyààbìsìcì nyembè

⁸ Di bo yĩme ke ntú: Ti cìmu
ke m̀ake ti Yiè nKuyie nkuó. Kè ì né tu siyáàbìsí
kpeyi,
ke yé bèè ì wãũ bè tumè siyáàbìsí yembè ke ì cèèri.

⁹ Meciì nyembè di ifei nyi bè ãtiremu
timátì tiì bè pĩ,
bè sènkèrì mí mbe Yiè nKuyie n náàntì nti
be ciì nné ténke tú òmmè?

*Kuyie mpããnáàntì náam̀bè nè ikuó niùbè bè yé nke
duómè
(Wénté Sedemii 6:12-15)*

¹⁰ Dèè kpéí nte mí ndi Yiè nKuyie nkè n tu betòbè bo
tièke be pobè,
betòbè bo fietè be paa nkétieke,
ke yé bemou besám̀pòbè nè bedièbè bè d́o tucuuti nti,
bèè nàà m pããnáàntì nè n kuó niùbè
bè náá nsiyáàbìsí yembè mbe.

¹¹ Bè í wúó mmeyei mmèè duò n kó benitìbè dèmarè,
ke náá nke tú demou dè kèrí séi,
dèmarè me nyí kéri, demou kè dè cààri.

¹² Ifei na mbè pĩmmè be d̀òrì ì sòke kpéí,
ifei me nyí bè bo,
bè keté ke í yé bè tu dè ifei.
Dèè te kè bè yó nkòké becírìbè mièke,
m bo íté kécómmú dìi m̀onni ké bè poté.
Mí ndi Yiè nKuyie mmũ bí.

*Kuyie mm̀ontémè kù do d́o dè ku nitìbè borè
(Ti Yiè nKuyie mbéi nti)*

¹³ N d́o kətíí n nitìbè mbe,
bè ò̃ t̃ò̃ f̃nyĩ nè fikíè de be ké yè tìimmè.

Bè me nyí cáátí dèmarè, be fãàtì m̀tèmu.
 Dèè te kè n yóó Ìtinné de kó feyanfè,
 kéduó mbe èi bepòòbè.

(Benitibè b́éi ntì)

¹⁴ Ti kari die nke pĩ mba?

Tí k̄atenè yehèkè iduotí fité yè kémbaà mukũũ.
 Ti Yiè nKuyie nkuù tããté ke bo ti kuò.
 Kuù ti niinko meniè mmèè ã mutie mùù kòù,
 ti kù cáke mèè kpéí nte kè kù ti d̀òò memme.

¹⁵ Ti do baà diwèì ndi di me nyí k̄oríní,

ti do yé ke tú ti m̄ammú yóó dèèmu,
 kè mù né d̄ake yetíróo ke duò ti k̄m̀b̀ù̀tì.

¹⁶ Ti yoní sisẽĩ n̄òroo nku Danni tempẽ

sikp̄arìsẽĩ kó yedab̀ù̀ò,

nyèè dàátí kè k̄utenkù kum̄ou k̄obe k̄òntì au.

Bè k̄erínímu ke p̄òntì diheì,

ke caàri dèè bo di mièke,

ke k̄òù di ǹitibè.

(Ti Yiè nKuyie mb́éi ntì)

¹⁷ N yóó di duónko yedautè nyè.

Kè yè ndi d̄ommù, mí ndi Yiè nKuyie mm̄í b́éi.

Sedemii yèmmè cààrèmmè

(Sedemii b́éi ntì)

¹⁸ N yèmmè mèè cààrè kè dè n duó mmum̄ammú,
 we mbo m bántè?

¹⁹ N ǹitibè dab̀ù̀ò nyèè yìèní itemm̀ankè im̄ou kè bè
 móú meteèmmè,

ke kuò nke tú: Ti Yiè nKuyie nténke í bo Siyõõ èlà?

Ti ténke í m̄ake okp̄ààtàà?

(Ti Yiè nKuyie mb́éi ntì)

Dè d̄omme kè bè n yóu

ke tũnne yebòkè bè do í yé yè

ke pèikùnnε m miεke?

(Sedemii béi ntì)

²⁰ Kudisēēkù pēētēmu,
ditenwaà auté ke bo deèmu,
kè ti kraá ke mu nyí pēté medeetímè.

²¹ Dè nkòute mediè mme,
meyei mmèè do n nìtìbè me kpéí.
Dè n dimu kè n kōm̀b̀ù̀à̀t̀i duò mediè.

²² Detie ndèè tàànnè yemuò,
dè í kraá Kadaadi tenkàà?
Betàmbè í kraá de kó yehékàà?
Dè dōmme kè bè í taà n nìtìbè?
²³ Kè n yuu do ntú tebinte,
kè n nuò ndo ndò ndinébòrì,
n na nkuò nkuyie nnè keyènkòo
n nìtìbè kó mukũũ!

9

Kubotì kùù sũ siyáábìsí

¹ Áú! Kè n do bo pété difii marì dikpáà miεke,
becièmbè diεku dì n na nyóu n nìtìbè,
ke ke nkòte ke bè déténe.
Bemuò bè bùtinnému Kuyie ke tũnne yebòkè,
bè tu siyáábìsí yembè kó ditĩnnì ndi.

² Ti Yiè nKuyie ntu: Be nóndié nkòù mependòmmè
kōme mme.

Dè í tú nè timóm̄m̄nti miεke nke bè baatémè diheì.
Be kperε demou tu tidənnitì m̀á̀à kperε nde,
bè í banté be Yiè nKuyie.

³ Bá wè wèè d̀ò̀d̀ meyòd̀mmè nè o népo
ò me mbáá duó nhomáà o tebite,
a kou weè ò̀d̀ da kotε,
nè wè di n̄iti weè da wátìrì.

⁴ Bá wè kòò cií nho kou,

òmàù í náá ntimóm̄m̄nti,
 be nóndié nyì manténè siyáàbìsì,
 be yei ntontému.

⁵ Bè ò nyóó íté meyei mmie mmieke kéta metēmè
 mieke nke,

kényetì si nyáàbìsì mieke kéta sitesì mieke.

Bè í dó ké m banté, mí mbe Yiè nKuyie mmî búi.

⁶ Nè de kpéi kè ti Yiè nKuyie M̀p̀ak̀ed̀aa búi nke d̀:

Bè ò ò p̄nné m̀èè botí m̀es̀ò̀ nké m̀è wénk̀unne
 m̀èè botí nku n yóó bennémè kuwò nyeku kuù
 nkòbe,

ke yé n yí yàmè m bo bè yīmè.

⁷ Bè nóndié ndò mmewáàd̀m̀m̀è m̀m̀e ke kòù.

Bè í náá ntimóm̄m̄nti bè náá ntì tu mesòmmè
 m̀m̀e.

Bè ò nnáá nnè betòbè kunaatí kpeti nti,

nè be yèmmè mieke ke né bè díí timátì.

⁸ Kè n né báá íté kécóm̄m̄ kèpoté de kó benitibàà?

M báá yóu m bo potémè de kó kubotí kòbe kèpèite.

Mí ndi Yiè nKuyie mmî búi.

Sedemii kuòmmè ke sáútí

⁹ N kuòmmu yetārè kpéi ke sáútí,

ke kuò ndikúdabònnì dinaac̄enni kpéi,

ke yé demou dè còútémè páíí,

bá òm̀ò̀ ténke í dè keri.

Ti ténke í yo iwũò dabùò nsinòò nè tikpasĩnti

dèmarè í kpaá,

demou dè cìétému ke coké.

¹⁰ Kè Sedisademmu náá ntidobontì,

sikpamòó kó diàri,

Sudaa ekè yóó p̄ntemu kédéíté,

kédòúnko bá òm̀ò̀ bá nyè ã.

¹¹ We ntu meyèmmè yiè nwèè bo na kébanté tii?

Ti Yiè nKuyie ntì nàké we?

De yiè nti nàké mùù te kè dihei pònte páíí.

Ba nte kè dì còuté ke naánko tedòntè

bá òmòù ténke í dè kerì?

¹² Kè ti Yiè nKuyie nyíé nke b́éi nke d̀ò: Bè dootóo m̀è kpéí nke n kuó, n do b̀è duó nyí bá b̀è í k̀énté n kpéti, b̀è í t̀unnè n kuó ỳemmè.

¹³ B̀è t̀unnè be m̀ómm̀ombe be k̀ó meỳemmè m̀me ke fié iwũó yeb̀okè Baadibe be yembè b̀è benke yè.

¹⁴ Dèè te mí m̀be Yiè nKuyie M̀pakédaa, bembè Isidayeriibe tũ nkù kè n tu m bo b̀è díí m̀med̀ommè kè b̀è ǹi m̀mutie mùù k̀òù.

¹⁵ M bo b̀è tanné ibotí tei miéke b̀è do í ýé ì bembè nè be yembè, k̀ét̀nkoo mudoò de bíékè kè b̀è mbè k̀òù kè b̀è dèè.

¹⁶ Mí ndi Yiè nKuyie M̀pakédaa m̀í b́éi.

(Benitibè b́éi ntì)

Totínè di ỳemmè t̀ì yóó di tuákení ti kpéí,

ỳunè bekúdadònkòmbè,

cokénè kécénní b̀èè nò mmukúdadònkòmmù mesàà nkè b̀èè k̀atení.

¹⁷ Kè b̀èè cokéní mecãá kédentè dikúdadònnì,

késaute ti kpéí,

ti m̀ómm̀ombe kè ti tiité yedabùò

kè ti ǹonnieti ncouní ti nuò.

(Sedemii b́éi ntì)

¹⁸ Yedabùò nyìèní Siyõõ èi ndi ke tú:

Bè ti pòntemu, ti di ifei nyi,

b̀è pònte ti c̀éí nsi kè ti dò nkéyè dihei.

¹⁹ Díndi benitipòbè kénténè,

keènè ti Yiè nKuyie ntu mù:

Benkenè di k̀ó besapàmbè b̀è kuà m̀mè yekúdadùò,

kè b̀èè benke betòbè yekúdadùò nkuòmè.

20 Mukũũ mmuù siéké ti cěĩ kó sibòo,
 ke taà ti kó sikipàaticěĩ mieke,
 kè bè kòu ibí dihèi mieke,
 kè bedapàmbè kǝ nyekǝàtè yemou mieke.

(Ti Yiè nKuyie mbéi ntì)

21 Kè ti Yiè nKuyie nní nnáké mí nSedemii ke dò:
 Mí ndi Yiè nKuyie mî tu:
 Becírìbè beè còú còú ke dò mbè ðð còúmmè tinaàkùtì
 ketenkè,
 bè ðð kǝũ tidiiti kupaku kényáké kè tì ncóú còúmè.

Mecii mmám̄mm̄mm̄ tú a bo yǝtémè Kuyie

22 Nte mí ndi Yiè nKuyie n tú mù:
 Wèè ciì ò bá mp̄tì ò ciimè,
 wèè ã dikǝmbùò ò bá mp̄tì ò ãmè dikǝmbùò,
 wèè mǝke o kperε ò bá mp̄tì ò mǝkemè o kperε.
 23 Kè wèè dó kemp̄tì ò mp̄tì ò ciimè mme ke m
 banté,
 ke yé n túmè di Yiè nKuyie nke dǝori mesàà,
 ke tũ ntimóm̄m̄nti ke dǝori dèè sié ketenkè ìnkè,
 dendε deè n naati mí ndi Yiè nKuyie mmî béi.

Kuyie ncaummè bèè cǝmmù tikǝntì mǝà kó mucǝmmù

24 Kè ti Yiè nKuyie mbéi nke dò: De yiè kraanímu
 kè m bo íté kécóm̄m̄, kèpoté bèè cǝmmù bè me nyí
 m bǝá.

25 N yitimu ke bo cómmú Esibiti kǝbe, nè Sudaa
 kǝbe nè Sodǝmmu kǝbe nè Am̄niiibe nè Mǝabiibe
 nè bèè kó dimàà kuò be temp̄átì*, bèè bo dikp̄àà
 tedǝntè kperi bíékè. De kó íbotí tú bèè í cǝmmù

* **9:25 kuò be temp̄átì:** Iwuò ntei bèè í tú Sifube beè do dǝori de kó
 ibǝokú ke dǝunè be kó ibǝokú yǝmmè, kè Kuyie nyete Isidayeeribe
 bo ndè ndǝrimè.

bèmbε nè Isidayεεribε kó kuwuo nkabe bèè cāmmù mucāmmù ke né í m báá.

10

Kuyie nnè sibɔatenkaanì dè báá benné

¹ DÍndi Isidayεεribε kénténè di Yiè nKuyie ntú mù:

² Kù tu:

Di báá tūnne ibotí tɛi kabe dɔori dè
di báá yà mebɛnkùmè cāmmè mamè dɛĩnkè
kè di kɔmbùàtì do,

bèè í yé Kuyie bεè kɔmbùàtì dè duò.

³ Ibotí tɛi tū nyɛbəkè nyɛ detetirè kpeye,

bè ã yà mutie mmu dikpàà kékãũ,

kòo yántìi cíéké tetenkaanìtè,

⁴ kè bèè tɛ dàri meso nyoo mebierime,

kédeè káyà sikãũ nè mààtóò ké tɛ baaké

kéfíi kè tɛ bá nnampú.

⁵ Dε kó sibɔatenkaanì dònne timátì nti

bè ã cónné tì kupaku kè tì bo ndéèrì sinoo,

dε kó sibɔatenkaanì í nɔ nke náá

kè bè sì tauti ke yé sì í nɔmmè ke ceñtì.

Di bá nsì yĭ̀kù, sì í nɔ nke dɔori mɛyɛi,

sì mε nyí yóó na kédòò mesàà.

⁶ Ti Yiè nKuyie, òmòù í da dònne,

α δεumu kàa yètìrì feí kàa kpeñnì.

⁷ We mbo dɛmarè ke í da dé?

Fṣṣ tu ibotí imou kóo kpààti,

fṣṣ dò nti nda dé,

bèè cìi ibotí imou miεke

nè yekpààtiyò yemou miεke òmòù í da dònne.

8 Βεμου βε yeimmu òmòù í ciì,
βε kòò kémbáá sitenkaanì deè benkú bè yeimmè.

9 Βε sì dàrì Tadisisi εì kó timátì péítì nti.
Ofaasi εì kó mesəə mme bè sì dàrì mè,
beyántìbè βεè sì dòò κε sì sàri tiyaàwũòtì nè tìi dò
mebèrìmè.

Demou memme de tu oyántì kó mutōmmú mmu.

10 Tì Yiè nKuyie nkuu mènke tú Kuyie nku κε bo,
κε tú okpààtì sáà.
Kè ku miεke peike ketenkè ð nhaumu,
ibotì me nyí daati κε commu ku ìkè
ku miεke yonke dìi mōnnì.

11 Nákénè βε κε tú; Sibəətenkaanì siì í dòò ketenkè
nè keĩnkè. Sibəətenkaanì bè tu sì Kuyie tēmatè í yó
nkpaá bá temáà ketenkè ĩnkè.

12 Tì Yiè nKuyie ndòò ketenkè nè ku kó muwērí mú
mmu,

nè ku yenfòumè mme kù fiímmè ketenkè,
κε pité tiwetì nè ku ciì.

13 Kε βεί nku nùù memáà
kè meniε ntíi keĩnkè,
kuù ð ñ nyewetè itemmànke kè yèε deke tiwetì,
kuù ð nte kè fetaafeε kperi kēmmíí nkéni,
kuù ð ð dennení kuyaakù ku kàrì.

14 Benitìbè βεμου bo banté bè í ciìmè,
ifei bo bè píñnè bè yìenko timátì
κε uti siì bəətenkaanì,
sì tu siyáàbìsì kpesi nsi,
muwemmu í bo si miεke.

15 Sì tu detetìrè ndε mutōntetìmù,
demou de bo paà tì Yiè nKuyie mbo sì poté dìi yìè.

16 Sakəbu kəβε tũ nKuyie nkù ku kperε í me ndo,
kuù dòò kutenkù,

kuù tããté Isidayεεriβε κε βè te,
kuù yètìrì tu ti Yiè nKuyie Mpakεdaa.

*Sedemii nàkémè mεyεi ndotimè Sedisadεmmu
(Sedemii béi ntì)*

¹⁷ Sedisadεmmu εì κῶβε βè di pìmu,
kpéénnè di nentì kέínné.

¹⁸ Ntenè ti Yiè nKuyie ntu mù:
M bo denne benìtìbè dihei,
m bo βè èũté tipî̀tì timῶu,
bá βè báá na kέyenté.

(Sedisadεmmu εì κῶβε βέi ntì)

¹⁹ Ti tùòti ice nyi!

Ti mῶnne δεumu κε γού mediè,
ti yèmmè do dò nti γόó na kétῶmu δε κό kuyḕiku.

²⁰ Nte tínti kè ti touti pñ́té,
kè iwḕi tῶũ.

Ti bí ciétému, ì ténke í kpaá,
òῃῶu ténke í bo wèè bo íi nti tuo,
wèè bo wḕte kέ ti ānné medéè.

(Sedemii mbéi ntì)

²¹ Benìùbè κό mεyεtímè mme,
βè yεimmu βè í wammú βε Yiè nKuyie.
Dεè te kè βè yī̀ke, kè βèè do ni kè βè ciété.

²² Keènè kunῶroo kuù kèríní kubakù youú,
κε tùòkení κε dèè,
κε bo pῶnte Sudaa ekè,
kè dεε dῶúnko kέnaá nsikpamῶó κό diārì.

Sedemii bàámmè Kuyie nyIsidayεεriβε kpéi

²³ Ti Yiè nKuyie nti yému κε dò,
nhonìtì í te o fῶmmu,
onìtì báá na kέnni o fῶmmu.

²⁴ N Yiè nKuyie á n tié,

a né bá n tiénnè kemieke,
kè mɛ̀è dɔ̀ke n yí yó nkpaá.

²⁵ Yóu kàa miekee do ibotí tɛ̀i ñnkè nke,

bɛ̀è í da yé, iwuɔ nyìì í yu a yè̀tìrì,

ke yé̀ bè fè̀kemè a kó benìtìbè Sakɔ̀bu kó kuwuɔ
nkɔ̀be kperɛ,

ke mènke fè̀ke be kperɛ demou páíí,

kè be tenkè dɔ̀únko.

11

*Isidayɛɛribɛ tãtemè metaummè Kuyie ndo bè dɔ̀nè
mè*

¹ Kè ti Yìè nKuyie nní mbéinnè ke dò:

² Kénté metaummè kpeti n yóó da náké tì, kékɔ̀te
ké tì náké Sudaa tenkè kɔ̀be nè Sedisadɛmmu èì
kɔ̀be.

³ Á bè náké ke tú mí nKuyie nyIsidayɛɛribɛ tũ nkù,
mí yé nkè wèè í yie mmetaummè kó tináàntì tii, nde
yìè mbo yà.

⁴ N dènnení dìì mɔ̀nnì di yembè Esibiti bè do borè
ke dò mbè bo fehããtofɛ mieke, n de mbè náké kè n dò
bè nkémú n náàntì ke dɔ̀rì ti yé mmù, menme bè
bo ntúmè n nìtìbè kè nní mbè te.

⁵ Kè n dɔ̀dò n dɔ̀únnè dìì nùù be yembè dìì tu: M
bo bè duómme ketenkè menaamiè nnè mɛ̀cekùò ndè
pũ̀ò ndè, ketenkè di mè mbo kè yíe. Kè n tẽ̀nné ke dò:
N Yìè nKuyie dè mme ndò.

⁶ Kè ti Yìè nKuyie nyíé ké m béinnè ke dò: Pĩ̀kè de
kó tináàntì timou Sudaa tenkè nè Sedisadɛmmu èì
ke dò: Kénténè metaummè kó tináàntì kéndɔ̀rì tì yé
mmù.

7 Nè n dènnenímè di yembè Esibiti tenkè n yí yóu m bo mbè caummu kè n tu bèe kénté n náaàntì nè yíenní m baa bè caummu kè n tu bèe kénté n náaàntì.

8 Bè me nyí kènté, bè keté ke í dajú mbe to de bíékè, bá wè kòò tũ nho tookperí kó kuce, de mònni ndi n dòòmè n do yè nkè bè yete metaummu kó tináaàntì tii yóó bè tũàkení.

9 Kè ti Yiè nKuyie nyíé ké n náké ke dò: Sudaa kòbe nè Sedisademmu kòbe bè dàkemu ke n yete.

10 Bè wète ke ta be yembè do dɔəri mèè yei mme mudɔ̀rìmu, ke yete n náaàntì, ke tũnne yebòkè ibotí tɛi kɔ̀me ke yè feu iwũɔ̃. Sudaa kòbe nè Isidayeeribe bè t̃t̃temu metaummu n do d̃d̃nèmmè be yembè.

11 Dè kprí nte mí mbe Yiè nKuyie nkè m béi nke tú: M bo bè b̃anté meyei, mbá bè báá na k̃eyenté, ké nni nkuɔ̀nnè, m me mbáá kénté.

12 De mònni Sudaa kó yehékè kòbe nè Sedisademmu èi kòbe bo kuɔ̀nnè yebòkè bè tuò nyè tihúúntì yè me mbáá na ké bè deeté meyei mbo bè tũàkení dii mònni,

13 ke yé d̃indi Sudaa kòbe di ekè sũ ke màmmè di bòkè me mmà, ice sũ Sedisademmu èi ke màmmè dibɔ̀ Baadi isíé kperi kó yehúúnt̃rè di tuò nyèè ìnkè tihúúntì yè me mmà.

14 De mònni f̃ó nSedemii a bá ntú a bo m b̃anté be kprí, yoo á n kuɔ̀nnè ké n sautenè be kprí ke yé meyei mbo bè do dii mònni kè bè nni nkuɔ̀nnè n yí yóó keè.

Isidayeeribe túmè ti Yiè nKuyie nkóo odifè sàawè

15 N kòbe n dó bè d̃d̃ri ba n c̃f̃t̃è mieke?

Bè t̃ãaté meyei mme ke mè d̃d̃ri,

di yemmè dò ndi n fié ì wũɔ̃ kó imaa mbo di d̃étinnè meyei

mmèè di doti kè di na kényānkaà?

¹⁶ Mí ndi Yiè nKuyie n do di yu

ke tú odifìè tie sààmù mmu
mùù pèité yebe sààyè.

N né bo duó nkè fetaafeè mù pee

kè mùu cóúté kè mu bakεε kéké.

¹⁷ Ti Yiè nKuyie Mpakedaa wèè do di fií nwèè nàá
nke tú meyei ndi doti díndi Isidayεεribe nè Sudaa
kabe di tuòmmè tihúúnti yebakè Baadibe ke íinko o
mieke.

Bè dàkemè ke bo kuò Sedemii

¹⁸ N Yiè nKuyie nkuù tì nni mbenke kè ntì yǐtété,
kè kù m benke bè n dónè tì kè n tì yà.

¹⁹ N do dònne fepeyòñfè nfe bè kòrinè fè mukòù,
bè do dakii n kpéi nke bá n yí yé ke bè tu: Tí kǒñnè
mutie nè mu be kè bè ténke bá nnáá mmu kpéi
ketenkè ìnkè.

²⁰ N Yiè nKuyie Mpakedaa beénti me nwennimu

o kóò kényé onitì yèmmè nè o toti tì
nwe nduó n kpeti weè yóó pèite m pèi.

²¹ Anatòti èi kabe dó ké n kuòmu ke náá nke tú:
Kàa í dó ti bo da kuòmè yóu a bo nnáámmè Kuyie
mpǎǎnààntì.

²² Dèè kpéi nte kè ti Yiè nKuyie Mpakedaa béi nke
tú ò bo bè poté kè bedapàmbèè kú mudòò mieke, kè
dikònni kuò be bí initidaaì nè initipòì.

²³ Dèmarè ténke bá nkpaá be èi, ò yóó bè banté
meysi mmè ò bo íté kécómmú dìi mǎnni ké bè poté
bembe Anatòti èi kabe.

12

¹ N Yiè nKuyie nha náá ntimómmǎnti nti m báá na
ke da nenninè,

n né dó kébéimmu sámpó a beénti ñnkè.

Ba nkpeí nte kè beyeibe kperε yíé?

Ba nte bèè yetε a kpeti kè bè bo diwèi miεε.

² A bè fíimmu kè be cĩε nta ketenkè kè bè sènti mesàà nke pèi yebe.

A yètiri bomu be nò miεε kè be yèmmè né da déténe.

³ N Yìè nKuyie, a n wúómmu ke n yé,

a yému ke dò n yèmmè bo a bíékè,

cánné be ipe bè kòrinè ì i kòùdieku i kōme,

bate be dikòuyiè kpéi.

⁴ Dè yó nkááké de kè dihei yè yedabùò mmieke?

Timúti tii kpei depa nkè iwūō kō ndiheì miεε,

benitibè bèè bo dihei miεε be kó kuyonku kpéi kè

bè né náá nke tú Kuyie nyí wúó nti dōori dè.

⁵ Kè Kuyie nní tènéné ke dò:

Kàa neiné bèè kèri be naàcèi ke òu,

a bo yĩme kéna kébetenè siséĩ?

Kàa bo mbo dihei meonpùmè kperi ndi kè dè da naati,

dè bo nda dòmme meháarimè bo tanní dìi mōnni?

⁶ Bá a cĩètè kòbe nè bè di wē ndi cicε bè bo da fíté. Bè

wēnnénè a kòùbè mbe kè bè da úú. Kè bè da kpentinè menáankùò nha dòò meyoðmmè.

Kuyie ndootóomè ku cĩètè nè ku nìtibè

⁷ Kè Kuyie mbéi nke dò:

N dootóomu tēcĩètè tèè do tú n kperε,

m peité n nōu nsi n nìtibè Isidayεεribe ñnkè,

n yèmmè do naatinè bè,

m bè ānné be dootitòbè nōu miεε nke.

⁸ Bèè do tú n kòbe bèè náá ntimuntūnti n kpéi,

ke kontí ke n wanti.

Deè te kè m bè ní.

⁹ N nìtibè bèè do tú n kòbe beè naá
ndi mmònni dikoribii kè icírí dì duò.
Pīēkénè kè tikpasīnti tii nkédi dibanni.

¹⁰ Βενααεῖμβε beè bàté m paku ke kùò fínyī kó detie,
beè nàu deραα nsààrè kè dè danné ke naá ntedòntè.

¹¹ Kè dè naánkò tedòmpéitè ke duóo n yùkè kè dè dò
mmesémmè,
kè dihei dáuńko bá òmòu í boti de kpeti.

¹² Sitāpíe simou ĩnkè nke befèèbè tùòkenímè,
ti Yiè nKuyie nkó kuyēĩku kuù bè do itemmànke
imou,

bá òmòu í sùó.

¹³ Nte díndi ke òò buotí tidiiti bè tu tì bédéè
kè tì yè tipotì,

di me mbáá cōnte dēmarè.

Ifei ìì di bonè di dèi tii diiti

ti Yiè nKuyie mmieke keè di yè,

dèè kpréi nte.

Kuyie nyè nkù yóó dòòmè Isidayeeriibe pēetitòbè

¹⁴ Nte mí ndi Yiè nKuyie n nàké tì n nìtibè pēetitòbè
bemou kpréi. Bè tu beyeibe mbe n kpréi, bè kàáké n
kperε n duó ndè nde n nìtibè Isidayeeriibe. De yembè
n yóó bè ùtiremou ketenkè bè fíikú dè, kēfietε Sudaa
wuò nkòbe bemou.

¹⁵ De kó difònkúò mesémmè yóó bè nni
mpīnnèmu, kè n wēte ké bè tēńńení be tenkè, bá
wè o èì.

¹⁶ De mònni kè dè sǒ mbè tūnne n nìtibè
Isidayeeriibe kó ice, ke pariku nè n yètiri ke tú
Kuyie mbomu bè do benke mèè botí n nìtibè kè bè

m̄parikunè dibə̀ð Baadi kó diyètìrì, m bo bè kànnè n nìtìbè cuokè.

¹⁷ Bè mièkè kè kubotí makù kə̀bè m̄ nyete n kpeti n né kù uuté páíí kè kù kùə̀. Mí ndi Yiè nKuyie m m̄i béi.

13

Fenaàkònfè kó m̄benkùmè

¹ Kè ti Yiè nKuyie nní m béinnè kè d̀: Kə̀te kédonté fenaàkònfè bè d̀d̀nè fè mupààkonkperímù ḱyí kè né nyé kè báá fè mèú m̄menie.

² Kè í tũnne n Yiè nKuyie nni nnàké tì kékə̀te kédonté fenaàkònfè ḱyí.

³ Kè n Yiè nKuyie nyíé kè m béinnè kuce m̄edérímè kè d̀:

⁴ Íté kétúóté fenaàkònfè a donté fè ḱyí, kékə̀te kukó nhEfadati kè fè s̀nn̄e yepèrè fíè.

⁵ Kè n kə̀te kè fè s̀nn̄e Efadati n Yiè nKuyie nni nnàké kè yè ndè ndòmmè,

⁶ kè d̀e yíé kémə̀nte kè ti Yiè nKuyie nd̀: Íté kékə̀te Efadati ḱwə̀te kétúóté fenaàkònfè n do duó nkàa s̀nn̄e fè.

⁷ M̄em̄me kè n yíté kékə̀te Efadati ḱwammú n do fè s̀nn̄e dè kè fè t̀óté, kè né nsó nfè càkè kè ténkè í d̀ò nkédə̀nè m̀mamù.

⁸ Kè n Yiè nKuyie nwə̀te kè m béinnè kè d̀:

⁹ Mí nha Yiè nKuyie mm̄i béi nke tú: M̄eè botí nku n yóó cakemè Sudaa kə̀bè do pətìnè d̀, d̀èè do tú Sedisademmu kə̀bè kó tefentè m bo dè càkè.

¹⁰ Kubotí yèiku nku, bè í d̀ó kékèè n náànti, bè baà sàké b̄e tookperí yèiyi mièkè nke, kè taunkonè b̄emàà yebəkè, kè ninku kè yè bàá. D̄e kó kubotí kə̀bè

kpere wēti fεè naàkōnfè kpere nde bè ténke í yó ndò nkédòòhè dèmarè.

¹¹ Kè ti Yiè nKuyie mbéi nke dò: Bè òò yi mètè botí fenaàkōnfè n do me nyi Isidayεεribe nè Sudaa kó kuwuò nkòbe, n do dó bè ntú n nìtibè mbe kéndéúkùnkò n yètìrì kéntú n kòbe bè me nyí kènté n kpèti.

Kuyie ndònnenèmè ku miεke menaà

¹² Kè Kuyie nni mbéinnè ke dò: Kòte ké bè nàké ke dò, mí ndi Yiè nKuyie nyIsidayεεribe tū nkù mū tu: Sicèe bo ke bo mpíéké menaà mme. Kè bè da tēñné ke tú: Ti yému sicèe bomè ke bo mpíéké menaà,

¹³ nha né bè nàké ke dò: Mí ndi Yiè nKuyie n tú: M bo nii mmenaà ndihèi dii nkòbe bεmòu, kétaunnè bekpààtibè bèè kàri okpààti Dafiti kó dikpààtikàri ìnkè nè ikuó niùbè nè bèè nàá m pāñáàntì, nè Sedisadεmmu εi kòbe bεmòu.

¹⁴ Benitibè bo mbokù betòbè cicεbè nè be bí, mesémmè báá bè nni mpínnè, m báá bè cīé, m báá bè kuó mmesémmè, m bo bè kùò páíí.

Ti dòmmè kékénté Kuyie n kpèti kè dè kpaá ke tóké

¹⁵ Kénténè kényònkùnnε di to, bá mmòkenè sifeí, di Yiè nKuyie nkuù nàá.

¹⁶ Ndéúkùnkònè di Yiè nKuyie ndi tū nkù yètìrì, kè kù mu nyí duònní keyènkè, kè dè di bìtòo, kè di bétírì yetàré yetàré ìnkè keyènkè, di do baa diyìè dii bo yènnímè, kè kù né duó nkè dè di bìtòo sàũ keyòòkènyènkè kòmε.

¹⁷ Kè di í kènté itié m bo ta didabònni m maa borè, kékòmmú tinònni eti mediè.

Di kó tefentè dietè kpéí,
 m bo kammú mediè.
 Ke yé bè yóó pĩmmúmè Kuyie nkó benitibè kékònnè.

Kuyie nnàké tì tekpààtìc̣ētè kpéí

18 Kè ti Yiè nKuyie nní mbéinnè ke dà:
 Náké okpààti nè o yǝ onitipokpààti kè bèe kari
 ketenkè,
 ke yé dikpààtìpìi í kraámè be yǝ ìnkè.
 Dì do ketenkè nke.

19 Kubakù cǎnku bíékè kó yehékè kpretínnému,
 òmǝu ténke í kpeti dihei kó yecàkè,
 ke yé bè bè pĩmmúmè bemǝu ndi bè í sùò nhòmǝu.

Isidayεεribe dimè ifei

20 Íinnè di yǝ káyà di dootitǝbè kèrínímè,
 kubakù yóu bíékè.

Benitibè n do di bǎnne bè cuó nke?
 Benitibè bèè do tú di kó disǎnni.

21 Dì do naatinè bè bo di na dii mǎnni ké di baaté,
 dè bo ndi dǝmmε?
 Dε kó kuyonku bo ndònnè kupεitεyonku ǝǝ pĩ mmèè
 botí onitipòkù.

22 Dε mǎnni kè di mbékú dimàà mùu kpéí nte
 kè tii nkó dimàà di tùòkení.
 Di yei mmeè deuté deè te kè bè kàtè di yaàbòrè,
 ke kǝute di naàcènkíè.

23 Onitisùu báá na kéceete o kǎnti ti dǝmmè,
 dimannì me mbáá na kédeite di yǝrè.
 Díndi bèè manténè meyei ndi báá na ké mè yóu kédǝò
 mesàà.

24 N yóó di cíemmu kè di cíté,
 kuyaakù ǝǝ cíe mmèè botí tedǝntè kó timútì.

25 Kè ti Yiè nKuyie nyíé kébéi nke dò:
 Díndi Sedisademmu èi kòbe ntenè n tããtè tì di kpéi,
 n di baanè tì tinti.
 Ke yé di n yèmmèmu ke m bùtínné ke tūnne yebòkè.
 26 Míi mómumu n yóó káté di ã yèè yaàbòrè kékáá ndi
 ìkè,
 ke di cónnóo detetìrè kè bèe ya di fei.
 27 Di kó mubòtūmmù yetārè ìnkè kōmu tontému,
 dè dò nhonitidù ò ntūmmè mme otòu pokù,
 dinaadaà ò ntūmmè fènaanife ke kònti.
 N yàmù ifei kperè di dōri dè díndi Sedisademmu èi
 kòbe.
 Di bo yà! Di kó meyei nyóó deè àndaà ndi?

14

Kuyie mbéinnè tì Sedemii kutayietí m̀nni

1 Kè ti Yiè nKuyie nni mbéinnè mí nSedemii
 kutayietí m̀nni ke dò:

2 Sudaa kòbe bo yekúdabùò mmièke nke,
 be ekè yeè naá ntidobontì,
 kè be yèmmè cààrè kè bè kàri ketenkè.
 Kè Sedisademmu kòbe kó isáútli dèke kèìnkè.
 3 Bekótíbè tũ ò mbesám̀pòbè mudúò kukó
 kè bè kũūnní nè yedó yetetiri,
 kè dè bè di kè bè sīī nsīī.
 4 Kè be tenkè kpéi ke pàá,
 ke yé fetaafè í niùmè,
 kè betenkútìbè yèmmè cààrè kè bè sīī nsīī.
 5 Kè siyóó péi ke dokòo si bí,
 ke cokù timúti í kpaá mèè kpéi.
 6 Dikpàà kóo sãmmarímú còm̀mú yetārè ìnkè
 ke yò mmuyaá sikpamó kōme,

kè si nùò nhonté timúti í kpaá mèè kpéí.

(Benìtibè béi nti)

⁷ Bá kè ti yei nti bekùnè

ti Yiè nKuyie nha pĩ mmutōmmú a kó diyètìrì yàà
bo cake mèè kpéí,

ti da bùtínnému kuce mèpéu,

ti da cààrèmu.

⁸ Isidayεεriβε bùó f̄́ nwe,

f̄́ò bè dεεrí, be yeñcààrìmè m̀̀nnì.

Dè ȳ́mε kàa í dake be εì kpéí,

ke do nhop̀̀d̀̀ wèè bàté ke bo yíé nkép̄̀ēté pike.

⁹ Bá nd̄̀w̄̀rì ke dò nhoǹ̀tì dè di wè,

ke dò nhokp̀̀ar̄̀nū̀anti wèè c̄́tε ke t̄́nke í yóó na
kédεεté betòbè.

F̄́ó nti Yiè nKuyie nha bomu ti cuokè,

ti tú a k̀̀be m̀̀be, a báá ti b̀̀ntóo.

¹⁰ Kè ti Yiè nKuyie mbéi nke d̀̀: Dε kó benìtibè
n̄̀nnè bè bo nc̄̀nnì c̄̀nnìmè m̀̀mε, bè í dó kécómmú
dib̀̀rì dimáà. Di mm̀̀nnì m̀̀ bè p̄̀mmu. N
d̀̀nten̄̀ímu be yei nk̄̀péí, n yóó bè yiet̄̀ímu be yei.

¹¹ Kè ti Yiè nKuyie nyíé ké m̀̀ béinnè ke d̀̀: A bá
nni mbáá be nn̄̀tibè kpéí ke tú m̀̀ bè d̀̀̀ mesàà.

¹² Bá kè bè boú dinùù ke úú n yí yóó keè, kè bè n
feu iwũ̄́ ke tuò ke m̀̀ p̄̀ã ntidiiti kó yep̄̀rè n yí yóó
dè c̄̀uté. N yóó bè b̀̀nté mudoò mmu nè dik̀̀nnì nè
mutenkũ̄́ kè bèε kú bem̄̀u páíí kédεè.

¹³ Kè n kù t̄́nné ke d̀̀: Áú n Yiè nKuyie! Bèè
ȳ́ mbè nàá nha p̄̀ãnáàntì beè bè nàá nke tú bè bá
nȳ̀èkù mudoò bè mε mbá nȳ̀èkù dik̀̀nnì kàa yóó
bè duómmu mεom̄̀p̄̀mè dε kó diheì miεke.

¹⁴ Kè n Yiè nKuyie nni mbéinnè ke d̀̀: Bèè ȳ́
mbè nàá m̀̀ p̄̀ãnáàntì bè nàá nsiyà̀b̀̀sì nsi, m̄̀í í

bè tǎnkoo, mî í bè duó nde kó dinùù, mî í tì mbè nàké. Bè yē mbè yà mēè benkùmè tu siyáàbìsí nsi, mebòkǎme, be móm̄m̄m̄be kó mesòummè mme bè di náámmè.

¹⁵ Dèè te mí ndi Yiè nKuyie nkè n tú: Bèè yē mbè nàá m pǎānāàntì ke náánnè n kó diyètìrì m me nyí bè tǎ. Bèè tu mudoò nè dikònnì dè í tatiní diheì, mudoò nè dikònnì dèè yóó bè kùò.

¹⁶ Kè benitìbè bè yē mbè nàá mbè m pǎānāàntì, bè bo duó Sedisadεmmu èi miεke, mudoò nè dikònnì de kpéí, be pobè nè be bí initidaaì nè initipòì dè bo kú, kénduó duó bá bè báá pété bè bo bè kǔnné dè. N yóó bè yietímu be yonku kó tiyeti.

¹⁷ Náké be ke tú:

N na ndó n nuò nyì sũũ ntinɔnnieti,
kè nní nkuò nkeyènkè nè kuyie,
ke yé kuyēĩku kuù domè n nìtìbè ke bè kòùte,
kè de kó dikòutirì de u mediè.

¹⁸ Kè mudoò yó nkòù ditowaà kàbe,
kè dikònnì kòù bèè bo diheì.
Bèè nàá mmí nKuyie m pǎānāàntì nè ikuó nùùbè bè í
banté mùù terè nde.

(Benitìbè béi nti)

¹⁹ Ti Yiè mmènke sàà dootóomu tínti Sudaa kàbe
páííà?

Kù ti pēmmu kè dè dèèà?
Ba nné te kè kù ti poté kuyēĩku kuu mbá kù í miεrí?
Kè ti baa diwèì bá ti í dè yàù,
ti yé ke tú ti yóó miεté kè kufōwáá nné dǎke tì auté.

²⁰ Ti Yiè nKuyie nti bantému ti caàrìmè,
ke yà ti yembè kǎme,
ti tú becaàrìbè mbe.

²¹ A yètìrì yàà bo cake mēè kpéí.

Báá senkèrì dihèi a kpààtikàrì borè nè di kpetì.

Dentení metaummè a ti dòn mè ke báá mè tôte.

22 Sitenkaanì ibotí tɛì tũ nsi mièke tɛmatè bo na
kɛduó nkè fɛtaafɛɛ niá?

Tiwɛtì tì duònní fɛtaafàà?

Fʒ nti Yìè nKuyie nti búó fʒ nwe fʒ dè dòn demou.

15

1 Kè nYìè nKuyie nsɔtɛ ku náan̄tì ke béi nke dòn:
Bá kè Mɔyiisi nè Sammuyɛɛri kè bè m bàmú be
nnìtibè kpéí, n yèmmè í wɛtíní be bíékè. Bèti be kè
bèe dété n yìkè! Kè bèè fũte m borè.

2 Kè bè da beke ke tú:

Ti bo kɔte ke?

A bè nàké ke tú,

n yɛ nwèè dò nkékú, ò yóó kúmu,

kè bè dò nkékuò wè, bè yóó ò kùomu.

Wèè dò nkékúnè dikònnì ò yóó di nkúnè.

Wèè do nkéta tidaatì ò tì tatimu.

3 Mí ndi Yìè nKuyie m̄i béi! Tiyɛ̄tì tìnàà tinti n
yóó ti mbè potému, tì tu: Bè bo kúmè mudoò mièke.
Simɔ́ bo bè dɔmmúmè, tinòtì bo bè cɔmè, tikpas̄intì
bo bè dimè, dè bo bè di ké bè dèè páíí.

4 M bo bè dòn dè bo do kutenkù kó yekpààtiyɔ
yemou kɔmbùàtì Esekiasi birɛ Manansee Sudaa
kɔbe kóo kpààtì do càke mèè caàrìmè Sedisademmu
mè kpéí.

Dè bimè Kuyie nkè kù bàanì

5 Kè ti Yìè nKuyie mbéi nke dòn:

Díndi Sedisademmu kɔbe,

òmòu bo wèè bo di kuó mmesémàà?

We mbo saute di kpéí?

We mbo fétinne o fiè kémbékú dè di dòmmè?

6 Di m bəntóomu, ke m bütínné,

kè mme n yòute n nòutè ke bo di poté kékuo,
dè m bimu, n di kuó mmesémmè ke òumu.
Mí ndi Yiè nKuyie mmû búi.

⁷ Dεε te kè n tùóté m pienkù ke còmmú dihèi mànkú
ke di ye,

kè di pàà di bí kè n di kùò di í yíémmè ke yóu di yei.

⁸ Kè bekúpobè sũũ ndi cie mubirímú dòmmè dàmmèrì
nũ.

Tibiyòtì tii kèè kuyie ncuokè ti bí kumè,

kè kufòwáá ntì auté kè meyeñcaàrìmè ti do.

⁹ Onitipòkù wèè do mọke ibí iyiekè kòo ì pàà.

Kè dè ò kpeí kòò bìltoò kuyie ncuokè,

kòò ta mesémmè mieke.

Bèè bo yenté kénkraá, m bo tǎnkoo be dootitòbè kè
bèè bè kùò.

Mí n di Yiè nKuyie mû búi.

*Sedemii kuónnèmè Kuyie kè kùu yáúkùnnε o kǎnti
(Sedemii búi ntì)*

¹⁰ N tùòti icε bé!

N yò, ba nte kàa m peité?

Dihèi dimòu mieke òmòu í n dó,
bemòu bè n dónè dikpànni ndi.

N yí pènte òmòu kpeε,

òmòu me nyí m pènte dèmarè,

bá wè kòò né tú m bo yà.

(Ti Yiè nKuyie mbúi ntì)

¹¹ Mû duó nkàa dootitòbè da bòúté,

meysi nnè meyeñcaàrìmè da do dii mǎnni.

¹² Timátì bo kééte kubakù cǎnkú bíékè kó dicíèà?

Timátì bo kééte disòwũðà?

¹³ Díndi Sudaa kó kuwuò nkòbe,

di kó tikpàtì nè di kpeε di mọke dè,

bè bo dè éi fààrè.

Meyei ndi dòò mè dihei diməu mieke me kpéí.

¹⁴ M bo duó nkè di dootitəbèe di pĩmmú

kékònnè dihei di do í yé dì.

M mieke kèè di yè ke di cóú.

(Sedemii béi ntì)

¹⁵ N Yiè nKuyie nha báá yé n kpéí,

n yé n kpéí nké n deeténè n dootitəbè,

fóò bo peite bèè n fěũnko,

a báá ti wěnné kunasáá a minnímə deu mēè kpéí,

n yé ke dò mbè n sáá fóò kpéí nke.

¹⁶ A ð nkàa béi nha náàntì, n ti ànné n yèmmè mme,
a náàntì tiì do tú n kó diwèì, n kó kuyeənaatí.

N Yiè nKuyie Mpakədaa bè yu a yètìrì ndi ke n càǎné.

¹⁷ N do í katinè mudaá nyembè kè ti daú,

fóò m pĩ ke bè nni ncàǎné,

a mieke kèè bè péi ke toǎnì.

¹⁸ Ba nte kè n kó mēfěũtímè í məke kumànkú?

Dè dòmmè kè n kó tiyēītì í dó kémieté?

A n soutému kukó nkùù kó menie nkũũ ku kōme.

¹⁹ Kè ti Yiè nKuyie mbéi nke dè:

Kàa wētení m borè m bo wēte ke da dòò n kóo tǎntì,

kàa bààtì tiì wenni, ke náá ke yóu tiyēiti,

n yóo wēte ke da duómmu n náàntì.

Sudaa kəbe bèè dò nke da tũnne,

fóò í dò n ké bè tũnne.

²⁰ M bo da kpénkùnnè be ìkè

kàa ndò ndisəwũđ kó kuduotí,

bè bo nda kũmmù, bè me mbáá na ké da dòò dèmarè,

ke yé n yó nda mbonèməmu ke da dērí ke da

coonko.

Mí nha Yiè nKuyie m mú béi.

21 N yó nda deérímu beyeibe nou mieke,
ke da fiete bekperíbè nou mieke.

16

Meyei mmèè doti Isidayeeri be tookperi kpéi

¹ Kè ti Yiè nKuyie nní mbéinnè ke dò

² m báá túóté onitipòkù m báá pié ibí initipòì nè
initidaaì ku ntempè mmieke.

³ Nte ti Yiè nKuyie nni nnàké tì kè dè ntukúnè ibí
bè yóó pié ì Sudaa kó kutempè mmieke initidabí nè
initipobí i yòbè nè i cicebè be kpéi.

⁴ Ti Yiè nKuyie ntú bè yóó kú mutòntònkũũ mmu,
bè báá pété wèè bo kómmú be kũũ nnè wèè bo bè
kũnné. Bèè yó ntú tikùtì ketenkè ìnkè, mudòò nè
dikònni deè yóó bè kònnè. Tinàtì nè tikpasĩntì kè dèè
bè pété kédì.

⁵ Kè ti Yiè nKuyie nyíé ké m béinnè ke dò: Báá kote
tekúciǽtè matè kéntú a bo kuó, a bá ntú a bo bè toténè
mesémmè. Nè de kó benitibè ti ténke í mọke tinépotì,
n yí bè mọkenè diwèi, n yí yóó bè kuó mmesémmè.
Mí ndi Yiè nKuyie mmũ bí.

⁶ Bekperíbè nè besánpóbè bè yóó kúmu bemou, bá
bè báá pété wèè bo bè kũnné òmòu báá kuó mbe kũũ,
òmòu báá dúóké omáà * yoo wèè kuó o yùtì kébenke
o yeñcaàrimè.

⁷ Òmòu báá neite mucie tekúciǽtè kọbe òmòu me
mbáá donté menaà nkéduó nwèè cice ku yoo o yò
ke bo ò bántè.

* **16:6 dúóké omáà:** Kannahā kó ketenkè mieke kòo niti ku bè 55
dúóké bemáà ndi ke bo benke be yèmmè cààrimè. Kuyie mme nyi
yie nde kó meḍààrimè kó kubotí, kénáké Isidayeeri be ke dò bè bá ndè
ndòòri kè bèè yete ké ndè dòòri be tenké.

⁸ Fṣ nSedemii, a me mbáá kote tebancfētè matè, a báá bè wēnnénè kékari yoo dí wēnné kénkari kényò mmenaà.

⁹ De yiè siyíi nè tipíètì dè bo deè, mupotúòmù kó iyie nyí yó nkpaá, di yóó dè yàmu nè di nuò nke kpaá fòu, mí ndi Yiè nKuyie Mpaakedaa Isidayeeribe tũ nkù mûi béi.

¹⁰ Fṣ nSedemii, a bo bè nàké dìi m̀nni m mè nda nàké tì bè yóó da bekemu ke d̀: Ba nte kè ti Yiè nKuyie ntínti Isidayeeribe ti tũ nkù yē nde kó meyei nti tuəkəní? Ti kù yeténè ònde? Ti kù càrè ba kunku ti Yiè nKuyie?

¹¹ Á bè nàké ke tú: Mí mbe Yiè nKuyie n tú be yembè beè n dootóo ke tũnne yebəkè ke yè feu iwũḍ ke ninku ye ìkè ke yè bàá, bè m b̀tinnému bè í tũ n kuó.

¹² Di mómm̀mbe kè di n càke kè dè pēētè di yembè kperè, bá wè kòo kpénk̀nne o to, òm̀u í kém̀m̀ú n kpeti.

¹³ Deè te kè n yóó di denne di nheì miεke ke di kotenè diheì di í yé dì d́ndi nè di yembè. Kè di nkè pĩ nyebəkè tōmmú keyènkè nè kuyie, bá n ténke báá di kuó mmesémmè.

Isidayeeribe yóó wēte kékpénténímè be ei

¹⁴ De kó yewè kpaanímu, yè bo tuəke dìi yiè bè ténke níi báá yí: Ti Yiè nKuyie mbomu kunku kùu dènnení Isidayeeribe Esibiti kó ketenkè, mí ndi Yiè nKuyie mm̄i béi.

¹⁵ De yiè bè níi bo yí ti Yiè nKuyie mbomu kùu dènnení Isidayeeribe kubakù youú bíékè kó ketenkè, bè do be bèti kè bèe kote kè. N yóó ke mbè ínní ké bè tēnnéní be ei n do duó ndi be yembè.

Kuyie nyemmè kù yóó duó nkè bèe p̄ĩmmù beyeibe

¹⁶ Kè ti Yiè nKuyie m b́ei nke d̀: N yóó t̀nkoo bek̀èibè mbe kè bèe ũŕi Isidayeεribε, de kó dif̀nkúò kè n t̀nko bepaawambè kè bèe bè wammú yet̀arè nè sitáá de ĩnkè nè yep̀èrè fiè.

¹⁷ N wúómmu be borime d̀ommè mè báá na késari, be yei nfeĩmu páí n ỳikè,

¹⁸ n yóó bè yietĩmu be yetĩmè nè be caàrimè kénóó kuce mèdémè, ke yé̀ bè s̀nkùnemè n tenkè nè sibəatenkaan̄i isəke kpesi s̀i í f̀òù. Ke t̀ isəke kperε ke píe n tenkè.

Ibotí iməu yóó bantémè Kuyie

¹⁹ Kè mb́ei nke d̀:

N Yiè nKuyie nf̀òò tu n kó tεc̄kpetè, n kó kup̀èrikù, n kó dis̀r̀i nh ɔ̀ s̀ari d̀ meyeñcaàrimè yiè.

Ibotí iməu itinĩmu itemm̀anke iməu ke bo kətení a borè,

kébéi nke d̀: Ti yembè do tũ ndè tu detet̀rè kperε ndε.

Dè í teénnè mùmamù.

²⁰ Onit̀i bo na kéd̀ò Kuyie naà?

Onit̀i d̀ò d̀ báá na ḱéntú Kuyie.

²¹ Kè Kuyie nd̀: Dὲ kpŕi nte kè n yóó bè benke n kpet̀i nè n w̄r̀ímú

kè bèe banté ke d̀ mm̄i yèt̀r̀i tu be Yiè nKuyie.

17

Kuyie nfeimmè Suda kəbe kó meyei

¹ Kè ti Yiè nKuyie mb́ei nke d̀:

Suda kəbe di kó meyei nẁari nè dicíè ndi,

mè ẁari nè timát̀i kpet̀i kó tek̀ũ̀tè nte,

mè wàri di yèmmè miεε nκε,
 κε wàri di wũõtòrè kó γεβàkè ìnkè mè báá yie nkéũté
 μεcãã.

² Kè dè bo yie nkè di bí ndenniní di wũõtòrè kpéi
 nè itedéi di fiíkú ì detie nyò nè sitãã ìnkè.

³ Yεtãrè ìnkè nè kubiriku,
 di kó tikpàtì nè di kπεε di mακε dè m bo duó nkè bèε
 dè εί,
 di maá mèε kpéi γεβωwũõtòrè κetenkè κεμου
 miεε.

⁴ M bo duó nkè di dootitòbè di pĩmmú
 κetenkè n duó nkè di γεμβè κε miεε
 ké di kònnè dihei di do í yé di,
 di íi m miεε nκε kè kè di còúté κε kpaá cóú.

*Wèè bùtínné Kuyie nè wèè kù duó nhomáà bε kó
 mucóntimu*

⁵ Onìtì wèè bùtínné o Yiè nKuyie
 nκε búó onìtì κε wanti weè borè μετεèmmè,
 δε yìè mbo yà!

Mí ndi Yiè nKuyie mmũ bí.

⁶ De yìè mbo ndònnè tetietε tèè còmmú tedòntè ìnkè,
 δε yìè mbáá yà diwèi marì bìtì.

Ò bo ndònnè tetietε dòmmè tedònkpetè ìnkè,
 mukókúó nkó κetenkè, òmòu í borè.

⁷ Wèè με nni nduó nhomáà mí ndi Yiè nKuyie
 nκε m búó δε yìè mbo yà μεsàà.

⁸ De yìè mbo ndònnè mutie mùu còmmú menie
 ntaké,

kè mu cĩε nta inéεε borè,
 kè kuyiinkù tùòkení mù òó í nyĩèkù,
 mu fãàtì ò ndò nsuòò nwe sãã,
 bá kè fetaafè yietí mù òó í nyĩèkù,

mu be ãã í nkuoté bitì.
 9 Onitì yèmmè kómmú ke pèèté demou,
 mè í dò nkéna késéi,
 we mbo na kébanté tì bo mè miéke?

10 Mí ndi Yiè nKuyie n wúómmu onitì yèmmè,
 ke yé o yèmmè miéke kpeti,
 ke yóó yietí bá wè o dàòrìmè dòmmè,
 bá wè o tómmú màmmè.

11 Wèè dòò dèè í wenni ke pàrikè,
 ò donnè tenahéftè tèè kòte ke okè tènnte kunòrikù kó
 yeiyè,
 o kpàti itimu ke bo ò yóu,
 ke wè nyóó dentenè ke bi kuyeinkù.

Ti Yiè nKuyie nkuù máà duó mmufòmmu

12 Dikpààtikàrì tikpetì kperi marì dùi sǐ nyeteeyè sǎǎ,
 Kuyie ncǐètè bo ti cie ke me ndò.

13 Ti Yiè nKuyie nyIsidayεεribe bùó fǐ nwe,
 bèè da dootóo ifei ìi yóó bè pǐ,
 bèè da bùtínné bèè yètè wàri bèmbe kudònkù,
 ke yé be dootóomè fǐ nti Yiè nKuyie nkùù tu
 mufòmmu binte.

Sedemii kuónnèmè Kuyie

14 N Yiè nKuyie m miékúnne kè m miété,
 n deeté kè n cooté,
 fǐò te kè bè n sǎntí.

15 Benitibè m bèkúmu ke tú:
 A Yiè nKuyie nha náá nkùù kó tináànì,
 de kó tináànì pǐ mba tì bo dòò mè?

16 Míi me nyí da sukú ke yé nha duònní meyei
 a yému a mómmuò n do í dómè meyei m bo
 tuòkenímè,

n nàké tì timou a tì wùómmu.

17 A báá yóu kè n ta kukõmbòdoroo miεke,
fóò tu n kó disòrì, n yóó sòri dè meyei n kó diyie.

18 N dootitòbè beè dò nkédi ifei,
dè í tú mî bo ì di,
beè kõmbùàtì dò nkéduò,
dè bá ntú mí,
yóu kè meyei mbè bàté kè bèe péíté péíté.

Kuyie ndèntemè Isidayεribe teomputè yiè kpéí

19 Kè ti Yiè nKuyie nni mbéinnè ke dò: Sedemii
íté kékate bèè baké dihei be kó dibòrì Sudaa èi
kó bekpààtibè yiè di ke di ntaà, a yóó me ndòò
Sedisademmu èi kó yebòrè yemou.

20 Á náké Sudaa kó kuwuò nkòbe bemou nè bèè
bo Sedisademmu èi ke taà o bòrè ke dò: Díndi
bekpààtibè nè besòmbe bemou. Kénténè ti Yiè
nKuyie ntú mù:

21 Ti Yiè nKuyie ntu: Dí ndake ke níí báá tò ditou
teomputè yiè kétannèní Sedisademmu.

22 Di me mbáá tò dèmarè di cǐí miεke káyènnè
teomputè yiè, di níí báá pǐ mmutõmmú mamù, dí
dì càńné kè di ntú n kperi. N tì nàké di yembè ke yē
ndè ndõmmè mme.

23 Di mè nyí tì kèè, di í kènté de kpeti, ke
kpénkúnne di to, di í yie nke bo tì keè, ke yete n di
tié ntì.

24 Kè di mènke kènté mí ndi Yiè nKuyie n náá
ntì, ke yóu di bo ntòumè yetuò teomputè yiè ke
tannìkoní dihei, kè de kó diyie càá nke tú n kperi
kè di í pǐ mmutõmmú mamù de yiè.

25 De mònñi bekpààtibè nè sikipààtibíi bèè kàri
Dafiti kó dikpààtikàri bè bo ntaà de kó dihei kó
dibòrì ke deke sisǐi nè sikipàrisǐi kέwènnénè Sudaa

kɔbɛ nè Sedisadɛmmu kɔbɛ. Dɛ kó diheì bo mmɔkɛ bɛ̀ɛ̀ dì ã sáá.

²⁶ Sudaa tenkè kó yehékè yemɔu kɔbɛ nè yehékè yèè tákénè Sedisadɛmmu nè Bensamɛ kó ketenkè kɔbɛ kénɔ kétuɔkenè Sefedaa yetārè ìnkè kɔbɛ nè bɛ̀ɛ̀ bo Nɛkefu bíékè, bɛ̀ bo nkɔríní mí mbe Yiè nKuyie n cīètè ke n feu iwũɔ ke tuɔ, ke n feunè metaummè kpɛyi ke m pãã ntidiiti kó yepārè ke n tuɔ ntihúúnti, ke n feu nè disãnni kó iwũɔ.

²⁷ Kè di mɛ nyete n kpɛti ke í cãnné teom̃pùtè kó diyie n kpéi, kè di tɔu yetuɔ teom̃pùtè yiè ke yiènè diheì m bo bɔnténí muhãá nkè mùu cóúté sikpààtìcēĩ bá mù báá kú bitì!

18

Oyaamarì nè tiyaatì de kó medonnimè

¹ Kè ti Yiè nKuyie nni mbéinnè ke dɔ̀:

² Íté kékɔte oyaamarì cīètè, n yóó ke nda náké n dɔ̀ ké da náké tì.

³ Kè n yíté kékɔte oyaamarì cīètè kénsó nhò maà tiyaatì.

⁴ Kòò dɔ̀ kémaá kùù nenkù yete, dè ã mbo kékɛténèmè oyaamarì. Kòò ceete kémaá kunenkù tekù ò dómè.

⁵ Mɛ̀m̀m̀e kè ti Yiè nKuyie nni mbéinnè ke dɔ̀:

⁶ Díndi Isidayɛɛribɛ di yèmmè dò m báá na ké dì dɔ̀ oyaamarì yie mmè ndòòmàà? Tiyaatì ãmè oyaamarì nɔu miɛke di mɛ nhã n nòùtè miɛke, díndi Isidayɛɛribɛ mí ndi Yiè nKuyie mmũ bíi.

⁷ Mònni marì nh ãã tãátɛmu ke bo uuté kubotì makù yoo dikpààtiyuu marì ké dè pònte kédéíté.

kè dè wè̃te ke be naati kè bè daú ke bókii be ya.

¹⁷ M bo duó nkè be dootitòbèe bè cie
diyie yiení kèè bíkè kó kuyaakù ɔ̃ fuute kè mutáá
nciété mèè botí.

Meyei mbo bè do dii yie m bo bè bùtinné m báá bè
wè̃è̃te.

Bè dākiiimè ke bo kuɔ Sedemii

¹⁸ Kè benitibè mabè nnáá nke tú: Ti dakenè kényà ti
bo yimè képí nSedemii, ti í yóó mónté ikuó niùbè bèè
bo nti tiè, ti í yóó mónté mecii nyembè bèè bo nti duò
nyitié nsààyi, Kuyie mpãñáaantì náambè bomu ke
bo nti náá nKuyie nkpeti. Ti wammúnè tináaantì tii
bo nte kè tí ò kùɔ. Bá nyiénnè ò di náá nti timɔ.

¹⁹ Mí nSedemii kè m béi nke dò:
N Yiè nKuyie ndaatení n kpéí,
keè bèè í dós n kpeti bè nàá nti n kpéí.

²⁰ N dòò mesàà kè bè bo n ténne meyeinaà?
Bè keú difòtìrì ndi ke bo m bantóo di mieke.
A báá yè n do karimè a borè ke da báá mbe kpéí,
nkè dè bo yie nkàa mieke báá bè do.

²¹ Nè de kpéí duó nkè dikònnii tanní képoté be bí,
yóu kè bèe bè kùɔ kè be pobèe pàà be bí nè be daabè,
kénaá mbekúpobè.

Yóu kè mutenkũũ ntanní kè bèe kú,
kè mudoò kònnè be kó bedapàmbè.

²² Duó nkè benitiyibeè bè do kè yedabùò ndátinné
be cèí

bè keú mèè kpéí ndifòtìrì ke bo m bantóo,
ke buò nyiwèí n ce mieke.

18:17 diyie yiení kèè bíkè kó kuyaakù: De kó kuyaakù ɔ̃
nkpeñimu ke tònni ke buò ndetie.

23 N Yiè nKuyie nha yé̄mu bè dàkiimè n kpéí
 ke bo n kuɔ, a báá bè cǐ́é mbe yei,
 a báá ũté be yei.
 Yóu kàa miεkeε bè do.
 Bɔ mbe ketenkè a báá bè yóu.

19

Kuyie ndònnenèmè Sedisademmu tεcètè tètè pònte

¹ Kè ti Yiè nKuyie nni mbéinnè ke dò: Kɔte kédonté
 tεcètè kàa dèè a yú Isidayεεribe wuɔ nkó bekótíbè nè
 ikuó nùbè.

² Kè dí yè beyaamaribè kó dibòrì kékote Inommu
 biriku kàa pǐéké n yóó mē nda náké tì:

³ A pǐéké ke dò: Díndi Sudaa kó kuwuɔ nkó
 bekpààtìbè nè Sedisademmu εì kɔbe ntenè mí ndi Yiè
 nKuyie Mpakεdaa n tú mù: N tú n yóó bɔnté meyei
 mme di nkàrì kè benitibèε tì kèè kè dèε bè di kè be to
 nseití.

⁴ Bè m bùtinnému, ke sǐnkùnnε n kó dikàrì ke dè
 tùò nti húúntì yebókè bεmbe nè be ye mbè nè Sudaa
 kó bekpààtìbè, bè do í yé̄ yè, ke cou bèè í cààrè
 mùmamù be kó meyĩ ndihèi miεke.

⁵ Bè maá dibɔð Baadi nwe yewũòtòrè ke feu be bí
 ke tuò nye ïnkè. Nè m bomè n yí bè duó nde kó dinùù,
 n yí tì mbè nàké, n keté ke í tì totí n yèmmè.

⁶ Kè ti Yiè nKuyie mbéi nke dò: De yiè kpaanímu
 kè bè ténke í yó nyu de kó dibòrì ke tú Tofeti yoo
 Inommu biriku, bè bo ndè yu ke tú kukòùbiriku.

⁷ M bo duó nSudaa kɔbe nè Sedisademmu kɔbe
 kè bèε yǐεke bè do dó kédòò tì di nkàrì, m bo duó
 nkè be dootitòbèε bè do mudoò ké bè kùɔ. Tinòtì nè
 tikpasĩntì kè dèε bè di.

8 Βε εὶ bo dɔ́únko kè benitìbè ndi yàu kè be kɔ́mbùòtì duò kè bè tu wúó! Wúó! Wúó, ké wɛte ké mbè naati kè bè ndaú ke bókii yeyɔ meyei mmèè dì tùòkení me kpréi.

9 Βε dootitɔ̀bè bèè í mɔ̀ke onitì kó mesémmè bè bo bè pi, ké bèε cááké bεmómmbεbe be bí initidaai nè initipòì. Bè bo ta mèè fèùtìmè nè mèè áárìmè bo ndeu kénτε kè bèε cááké betɔ̀bè.

10 Sedemii kàa tì pī̀éké ke dèè á pɔ̀nte tεcètè a tɔ̀ tè bèè da neínè be ìkè ké bè nàké ke dò:

11 Mί mbe Yiè nKuyie Mpakεdaa n tú m bo pɔ̀nte be kó kubotí nè be εὶ bè ðð pɔ̀ntemè tiyaamatì, bá de kó yeyā̀kè ténke báá yie nkétau.

Bè bo nkūrì becírìbè Tofeti ke yé mefiè nténke í yó nkpaámè kupíkù tekù makù.

12 Kè ti Yiè nKuyie mbéi nke dò: N yóó me ndòò di nhèi nè bèè bo di mieke di kperε bo naánnè Tofeti kó dikàrì kperε dòmmè.

13 Sedisademmu kó sicéí nè Sudaa kpààtibè kpesi bè tùò nsì ìnkè tihúúntì siwā̀ kpréi nnè bè cou sì yebòkè menaà sì bo sīnte kεnaá nTofeti εὶ kperε dòmmè.

14 Mem̀me mí nSedemii kè n wɛtení Kuyie ndo n tɔ̀ ndè Tofeti kéta kécómμú Kuyie cī̀tè dánkù kébéinnè benitìbè bεmɔ̀u Kuyie m pā̀nā̀ahti ke dò:

15 Ti Yiè nKuyie Mpakεdaa Isidayεεribε tū nkù tu kù yóó duò nkè meyei nkù nàké mèè kpréi nkè mèε domu di nhèi nè sihekεsí sì dì tòkénè bè kprénkunnε mèè kpréi mbe to ke í yie nke kènté kù nàké tì.

20

Bè pī̀r̀mè Sedemii ke bou

¹ Μερὸμε ikuó nùtì Pasuu Imεε birε wèè baké bèè bàà Kuyie ncfètè ò kèèmè mí nSedemii n náámmè Kuyie mpāānāāntì,

² ké m bentε ké m pī nkéboú kέpítínné Kuyie ncfètè kó dibòrì didéri bè tu di Bensamεε kpεri ké m pūtínné.

³ Kè dεε wenté kè Pasuu m píte, mí nSedemii kè nhò nàké ke dò: Ti Yiè nKuyie nténke í yó nda yu ke tú Pasuu, kù yó nda yu ke tú Kukōmbòdorí nku.

⁴ Ti Yiè nKuyie ntu: Kù bo da bonté kukōmbòdorí f̄́ nnè a népobè, kù bo di ānné di dootitòbè nου miεke kè bè ndi kòu, a yóó dè yàmu nè a nuò. Díndi Sudaα kòβε kù bo di ānné Babidōnni kóo kpààtì nου miεke kòo di pīmmú kékōnnè ké di kuò nè disiè.

⁵ Di nhei kòβε mαke dè demου, be tōmmú kó mucóntimu mumου, be kpερε desààrè bè tá dè. Sudaα kó bekpààtìbè kó tikpàtì timου, be dootitòbè borè εί, bè borè tò demου kékōnnè Babidōnni.

⁶ F̄́ mPaseuu nè a c̄f̄ètè kòβε bemου bè bo di pīmmú kékōnnè Babidōnni, a yóó ke nkú, bè yóó ke nda kūnné f̄́ nnè a népobè a do náá mbè siyáàbìsì ke tú Kuyie mpāānāāntì.

Sedemii seimmè Kuyie

⁷ N Yiè nKuyie nha n ciitému ke n na a m pīr̄nè muwērímú mmu ke nh auté, kè benitìbè n daú yewe yemου, bemου kè bè nti ientii.

⁸ Kε yé m baa ð n yóó béimmè ke tú:

Meyei mbo di do, bè bo di f̄́ũ.

N Yiè nKuyie nha kó tināāntì kpéi nte kè bè ð ntũũ ke n daú.

Ke n sáá ntipî̀tì timou.

⁹ Kè n yĩ m báá béi nha náaàntì, m báá kããte a yètìrì,
dè ndò muhãá mmamù còú m miẽke,
kè n dò m bo minné káyĩẽke.

¹⁰ N yomu benìtìbè bẽmou wéúmè ke tú:

N tú: Meyei nkéríní, meyei nkéríní
ke donnìnko be kãm̀bùòtì tipî̀tì timou,
ke n népobè sààbè tu tí ò dáa, ti ò dáa
bè bàa m bo yetémè mme kèdo
ke náa nke tú: Ti yóó ò namu kèpẽite.

¹¹ N Yiè nKuyie mme nni mbonèmu ke tú okpà̀rìteu
kperì,

dèè te kè bèè n fẽũnko kè beè yóó duó,
bè yóó yĩẽkemu kèdi ifei,
dè kó ifei bo mbo sáà, ì báá deè.

¹² N Yiè nKuyie Mpàkedaa f́ nwèè wèi wèè wetí,

ke yé o yèmmè nè o yè̀ntotí,
a yóó bè pè̀itemu n kpéi.

Ke yé n duómmè n kperè f́ nwe.

¹³ N dièmmu ke sántí n Yiè nKuyie,

ke yé kuù ã̀ dèetémè ocĩrì,
kóó fiète beyeibe nou miẽke.

¹⁴ Kuyie ncã̀ bè m pèitè d̀i yìè.

N yènní d̀i yìè n yõ pautì miẽke dè kó diyìè báa yà
mẽsàà.

¹⁵ N cã̀mmu wèè nàké n cice ke tú:

A pokù pèitè denitidabirè kè diwèi benné kóó pĩ.

¹⁶ Dè yìè mbo ndònnè dihèi Kuyie mpà̀nte d̀i bá
mẽsèmmè í kù bo,

ò níi bo keè mudoò kó tcheutè dikũnweh̀nì,

kuyie ncuokè mudoò kó yedabùò.

¹⁷ Kuyie nkàa do nyóu kè n kú n yó pouti miéke tá?
N yó pouti na ntú n kó kufōti, kè n na nkpaáo ke í
yènní.

¹⁸ Ba nte kè n yènní n yó pouti ke bo nyau mefēũtímè
máa nè meyeñcaàrìmè?

Ke m bo ifei miéke sãã ke yàa kúnè?

21

*Kuyie mpããnáãnti náãntò nàkémè bè yóó pಂತemè
Sedisademmu*

¹ Nte ti Yiè nKuyie ndo m béinnè ti okpààti
Sedesia tōnní dii mōnni Madikia biré Pasuu nè
Maasesaa biré Sofonii ikuó niùti m borè kè bè bo n
náké ke dò:

² Babidōnni kóo kpààti Nebukannesaa weè ti do
mudoò. Beé nKuyie nkè ti yà kù bo dōò tidietì ké wè
nti dētinnè.

³ Kè m bè tēñné ke dò: Dí náké okpààti Sedesia ke
tú:

⁴ Ti Yiè nKuyie nyIsidayeeribe tū nkù tu di tō
tìi kpàrinenti ke cokùnè Babidōnni kóo kpààti m
bo duó nkè di kó behãpòmbè bèè yè ke dokùnè
Babidōnni kóo kpààti nè o kàbe bèè cētinne diheì kè
bèè kónté, kétanní diheì miéke ké di do.

⁵ Kè n cómmú ké di dokénè m mómmuə kè dí yà n
nonyōnni dōmmè nè n kpeñnìmmè m miéke keè di yè
ke di còuté mediè.

⁶ M bo bōnté mutenkũũ nde kó diheì benitìbè nè
iwũã kè dèe kú demou.

⁷ Kè Kuyie nni nsóké ku náãnti ke béi nke dò:
Sudaa kàbe kóo kpààti Sedesia nè o tũmbè nè
besombè bèè bo yenténè mutenkũũ nnè mudoò

nè dikònnì m bo bè ãnné Babidɔnni kóo kpààti Nɛbukannɛsaa nɔu miɛkɛ nè bè dootitɔbè bèè bè dónè mukũũ mbe nɔu miɛkɛ. Bè bo mbè kòu nè yese bè báá súó nhòmòu. Bè báá kuó nhòmòu mesémmè, kunáá mbá mbè bonè òmòu.

⁸ Náké be ke dò: Mí ndi Yiè nKuyie n tú bèe tãáté mufòmmu yoo mukũũ.

⁹ Wèè bo mbo dihei miɛkɛ mudoò muu yóó ò kònnè yoo mutenkũũ yoo dikònnì kè wèè mɛ nkàte ke duó nhomáà Babidɔnni kɔbe bèè di pi ò báá kú deè yó ntú o kó mucóntimu.

¹⁰ N yíté ke wèètemu de kó dihei bíékè ke bo di dòò meyi dè í tú ke bo di dòò mesàà. De kó dihei kɔbe doti Babidɔnni kóo kpààti nɔu miɛkɛ nke kòò bo bè cóu mmuháá. Mí ndi Yiè nKuyie mmũ bíi.

Kuyie nnáké ti tekpààtic̄t̄èt̄é kpéi

¹¹ Díndi Sudaa kóo kpààti kɔbe kénténè di Yiè nKuyie ntú mù.

¹² Díndi Dafiti yaábí ntenè di Yiè nKuyie ntú mù:
Dí mbekù bá dii yiè kè dè nwenni,

kédeeté bè f̄éũnko wè,

kòò fiète nè wèè ò f̄éũnko.

Kè mɛè dɔke m miɛkɛ bo di yènní

di dòò mèè yei nkpréi,

ké di cóuté muhãá nkɔme bá òmòu báá na ké mù kùò.

¹³ Díndi bèè bo Sedisademmu tãri yómmè

ke s̄ĩ nkubiriku,

ti ta titɔbè mbe.

Mí ndi Yiè nKuyie mmũ bíi.

Díndi bèè nàá nke tú

òmòu báá na ké ti do mudoò kéta ti c̄kperí miɛkɛ.

¹⁴ N yitoomu ke bo di yietí di dòò mèè yei,

mí ndi Yiè nKuyie mmû búi.

M bo bənté muhãã ndi kó kutúúkù detie mbè tu dè
sétiri de kaku,
kè kùu cóúté páí kétaunnè dèè kù təkénè.

22

¹ Kè ti Yiè nKuyie nyíé ké m béinnè ke dò: Cúté
kékəte Sudaa kəbe kóo kpààti cǐètè kénáké ti nnáànti.

² Náké be ke dò: Fó nSudaa kəbe kóo kpààti wèè
səoté ke kari Dafiti kó dikpààtikàri ìnkè nè díndi bèè
tu o tũmbè nè bèè kó dimàà taà tekpààticǐètè,

³ ntenè ti Yiè nKuyie ntu mù: Mbekùnè tibeénti
kè dè siè ke ní deəté bè fěũnko wè, kóo fiète, di bá
nfěũnko bèè tu bepòòbè nè iciribí nè bekúpobè ke
fekù be kperε. Di bá nkòu bèè í càke mùmamù dihè
dii mmiéke.

⁴ Kè di yie nke tũnne de kó yetannò Dafiti yaàbí bo
ntú bekpààtibè kénkari o kpààtikàri. Bè bo ndekù
sisēi nè sikipàrinaasēi bembε nè be kó betũmbè nè
benitibè ke taà tekpààticǐètè miéke.

⁵ Kè di me nyí yie nke tũnne de kó yetannò, mí ndi
Yiè nKuyie m béimmu, ke pàrikè kè de kó təcǐètè bo
pənte kénáà ntidobonti.

⁶ Nte mí ndi Yiè nKuyie mbéi ntì kè dè ntukúnè
Sudaa kəbe kó tekpààticǐètè:

Fó nSudaa kəbe kóo kpààti n wúo nha cǐètè
kè tè donnè Kadaadi tãri kó kutúúkù nku,
ke dò nDimaa tãri yómmè.
N né béimmu ke pàrikè
ke tú m bo tè dòò tədəntè kó dikpáá
òmòu í ã di.

⁷ N yóo ínní bεpòmbè mβε a kpéí nnè titōnnenti,
kè bèe kōũ sètiri deí kó yεsā̀nkè
ke yè còu mmuhǎ́.

⁸ De mmònni kè iwuo nteì kàβε mpēnkù de kó
dihèi borè ke békú betàbè mùù kpéí nte kè mí ndi
Yiè nKuyie kè n dòò mie nde kó dihèidiè.

⁹ Kè bèe bè tḗnné ke dò: Bè dootóo metaummè be
Yiè nKuyie ndo bè dò̀̀nèmè mme ke ninku yὲ̀̀kè
ìkè ke yè feu iwũ̀.

*Bè nàké ti Sadummu kpéí nwèè còuté Sosiasi
tikpà̀ti*

¹⁰ Kè ti Yiè nKuyie mbéi nke dò:
Díndi Sudaa kàβε, báá kuónnè wèè ku,
mesémmè báá we ndi pīnnè
pètìnke kuónnè bè pī nwè ke kònnè o kpéí,
ke yé ò ténke í wētínímè.

Ò ténke í yóo yà dihèi bè ò peité dì.

¹¹ Nte ti Yiè nKuyie nnàké ti Sosiasi birε
Sadummu * kpéí, Sudaa kàβε kóo kpà̀̀ti, wèè
do sòoté o cice Sosiasi kpà̀̀ti kù tu ò me nyítémè di
nhèi ò ténke í wēténí.

¹² Bè ò pī nke kà̀nne kòò yóo ke nkú, ò í wētíní
ténke ke bo yà di nhèi.

Kuyie nkpannè ti Sosakimmu

¹³ F́́ nSosakimmu a bo yà,
f́́ nwèè duó nkè bè da maá sikipà̀̀̀tìcǐ
bá a í dǎ̀ri dèè sìé,
ke duó nkè bè maà ke sòkù tidà̀ntì
a me nyí bè duò nha dò nké bè duó ndè,

* **22:11 Sadummu:** Okpà̀̀ti Sosiasi yè̀̀̀tìrì tərì ndi Sadummu (wé́nté
2 Bekpà̀̀̀tìbè 23:31).

ke pĩńné benìtìbè mutǎmmú detetìrè
bá a í bè yietì.

14 Fǎ nwèè nàá nke tú:
M bo maá tekpààtìcǐètè dietè
kékéké tidieti dietì
kékeú sibòo ké sì diti sétìrì kó tidabεεtì,
ké tì tò mmεwũò kè mè ndò nfetònfè.

15 Okpààtì a cice do yommu ke yǎ betòbè kǎme,
ke me nní ndǎori dè bèkúmè,
kémbekù kè dè sié,
kòo kperε demou yìé.

16 Kòo nkommu beçĩribè nè besénnìbè,
kòo kperε demou yìé
wèè dǎòrì memme weè n yě,
mí ndi Yìè nKuyie mĩ béi.

17 Fǎ mme nwanti amáà kó mesàà mme,
ke kǎu bèè í cààrè mùmamù,
ke fǐũnko benìtìbè mediè.

18 Nè de kpéi nte mí ndi Yìè nKuyie nkè nda
nàánnè fǎ Sosiasi birε Sosakimmu Sudaa kǎbe kóo
kpààtì kpéi nke tú:

O bo kú òmǎu báá kuó nho kũũ,
òmǎu báá saute o kpéi,
ke dò: Áú n tebite! Áú n tǎũ!
Dikúdabònnì báá kuó nho kpéi nke dò:
Áú n yiè! Áú okpààtì!

19 Bè bo ò kũnné feǎfè tēmè
bè bo ò fũrí kédenne Sedisademmu èi kédootóo.

Sedisademmu èi kǎbe yóó dimè ifei

20 Sedisademmu èi kǎbe, dekenè Dimaa tǎrì kǎpĩǎké,
perεnè metamme Basǎã tǎrì,
kéwekii mediè Abadimmu tǎrì ñnkè,

ke yé di natitòbè bəmou domèmu.

²¹ N do yóo di béinnè kè dèmarè í di kóonnè,
kè di yete ke dò:

Di báá kénté,

di borime mme nè di bémmè.

Di í yie n náàntì diyie marì.

²² Kuyaakù kuu kau bèè kó dimàà tu a kó benitìbè,
kè bè pīī ndi natitòbè bəmou ke kũũnnè,
di kó meyei mmeè te kè di di ifei ke kēke.

²³ Díndi Sedisademmu èi kòbe
di kó diheì maánè Dimaa túúkù kó idéi nyi,
kè di cēī sàrinè sètìrì kó detie nkó tidabèetì ke fité,
kuyonku bo di do dìi m̀nni
kuperitéyonku ã ã pīmmè onitipòkù,
di bo kəmmú de yie.

Kuyie nnàké tì Sosakimmu biré Konniyau kpéí

²⁴ Mí ndi Yiè nKuyie m bomu kè mí béi, bá kè
Sosakimmu biré Konniyau † do dò mmumámáá kè
nh ò ũ n ǹtè youte m bo ò ũté, mí ndi Yiè nKuyie
mmī béi.

²⁵ M bo ò duó mbèè dó kóò kùò, bembè o bùtì duò
bè, n yóo be nhò duó. Nebukannesaa Babidōnni kóo
kpààtì, ò tati weè nou miēke, wenwe nè o kòbe.

²⁶ Wenwe nè o yā wèè ò peité n yóo bè dootóo
dihèi terì marì miēke nke, bè í bè peité dè, kè bè ke
nkú.

²⁷ Kè bè nyáá mbè bo wētenímè diheì bè me mbáá
na kéwētení.

† **22:24 Konniyau:** Konniyau do di dìi m̀nni tikpàtì kè bèè ò yu ke
dò Yeoyakimmu nwe (wénté 2 Bekpààtìbè 24:8).

28 De kóo Konniyau, ò naá nkuyõũ nku bá òmòu ténke í ò dóà? Yáà ba nte kè bè ò dènne dihei wenwe nè o bí? Ke bè dootóo dihei bè do í yé di?

29 Áú n kó ketenkè kòbe! Kénténè ti Yiè nKuyie ntu mù.

30 Ti Yiè nKuyie ntu dí wāri o yètìrì bekrààtibè yètè bo dìi pátìri miéke ke dò ò í mǎke debire, o kperè yè detetirè nde, o yanfè miéke òmòu í yóó naá nhokpààti kékari Dafiti kó dikpààtikàri kèbaaté Sudaà kòbe.

23

Bepēcēmbē yeibe nè opecēnti sààwè bè cǎá ndè

¹ Kè ti Yiè nKuyie mbéi nke dò: Di bo yà díndi bèè ni n kó benitibè. Di dōnnè bepecēmbē yeibe mbe bèè ãõ yóu ipe kè ìi cīte kécíété.

² Nte mí ndi Yiè nKuyie díndi Isidayeribe di tũ nkù m béi ntì bèè ni n nìtibè be kpéí. Dìi cíe m pe ke ì bèti, di í dààte m pe kpéí, n yóó íté kécómmúmu ké di poté di yonku nè di dǎ̀rìmè yeime kpéí. Mí ndi Yiè nKuyie mmíu béi.

³ N yóó wēte kətímmu m pe ìi kraá kraá yehékè ì do ciété kэмbo yèè miéke kéwēte ké ì ténné i cónni kè ìi pié késũ.

⁴ N yóó wammúmu bepecēmbē bèè yó nyi cēmmù kè ì ténke bá nyĩ̀kù, kufōwaa nténke bá nyi bo, fèmafè ténke báá feti. Mí ndi Yiè nKuyie míu béi.

⁵ De yiè kpaanímu di bo tuǎke dìi yiè, kè n dennení Dafiti wuǎ mmieke okpààti sààwè, ò yó ntú okpààti wèè ciì wènwe, kémbekù kè dè wenni, ke dǎ̀ri dèè siè dihei miéke.

Mí ndi Yiè nKuyie mîi béi.

⁶ De kó yewe miéke Sudaa kɔbe bo cooté,
Isidayeεribe bo mbo, tîmatî bá mbè kɔ́nnè,
bè bo nda yu ke tú: Ti Yiè nKuyie a dɔ̄ri dè sîému.

⁷ De yiè mènke kraanîmu mí ndi Yiè nKuyie mîi
béi, de yiè bè ténke ní í yóó parikè ke dò ti Yiè nKuyie
mbomu kuù dènnenî Isidayeεribe Esibiti.

⁸ Bè ní bo parikè kè dò ti Yiè nKuyie mbomu kuù
dèitenî Isidayeεribe kó kuwuɔ kubakù yóú bíékè kó
yehékè miéke nè itempē mbè do ciété ké mborè kè bè
wète ke bo be kó ketenkè miéke.

*Sedemii kpànnèmè bèè sou nke tú bè nàá nKuyie
mpããnáãnti*

⁹ Mí nSedemii kè m béinnè Kuyie mpããnáãnti
náam̀bè ke dò:

N yemmè meè cààrè mediè kè n kũḥ kèké kè n kònti
au,

kè n sàáténè onìtì wèè muó mmenaà,
onìtì menaà mbènnè wè,
ti Yiè nKuyie nkùù dò mpáíí kù n nàké tìi kpéí nke
tú:

¹⁰ Dihèi dimɔu kɔbe dɔuti dɔutinè betɔbè mbe,
mí Kuyie m bè cɔ̄̄mu
kè bè ti yedabùò.

Timúti kpeímu dinaacēnni.
Benitibè buróo meyei mbíékè maa ndi,
be kònti yau meyei ndò̄rìmu bíékè nke.

¹¹ Bèè nàá m pããnáãnti nè ikuó niùbè bè naá
mbeyei be mbe,

ke dɔ̄ri dèè í wenni nè n c̄fètè miékoo.
Mí ndi Yiè nKuyie mîi béi.

12 Nè de kpéi be kó ice bo anke,
 de bo bè biite kè bè ntuàti ke duò,
 m bo bè bonté dii mōnni meyei,
 m bo bè poté dii mōnni.
 Mí ndi Yiè nKuyie mmû búi.

*Kuyie nkpannemè bèè sou nke tú bè nàá nku
 pããnáànti*

13 Kè ti Yiè nKuyie mbúi nke dò:
 Bèè bo Sammarii ke náá m pããnáànti, n yamu be kó
 tiyènti,
 nè dibɔ̀ Baadi kó muwɛ́rímu mmu bè nàámmè ke
 fétinko
 n nìtìbè Isidayɛɛribe.

14 Bèè bo Sedisademmu ke náá m pããnáànti kè
 bembɛ kpeɛɛ né náá nyisɔke,
 bè dauti dautinè betɔ̀bè mbe ke náante siyáàbìsí,
 ke yáúkunko meyei ndò̀rìbè kònti,
 ke bè diítí bá bè í yóó na kébanté be yei.
 Nè Sodɔmmu èi kɔ̀be be pókù nku,
 nè Komɔ̀ èi kɔ̀be bè dòmму só.

15 Dèè te mí ndi Yiè nKuyie Mpakɛdaa kè n tu:
 M bo nii mmɛ̀dòmму bèè bo Sedisademmu ke náá
 m pããnáànti,
 bè bo yã mèbè̀rìmè,
 ke yé nè beè borè nde meyei nyiè̀nìmè ke tori
 besɔmbɛ.

Bèè sou nke tú bè nàá Kuyie mpããnáànti

16 Mí ndi Yiè nKuyie Mpakɛdaa mû búi nke tú:

Di báá kénté bèè di sou nke tú bè nàá m pããnáànti,
 bè di soummu, bè di náá mbe yèmmè dó tì nti,
 tì í bonní mí ndi Yiè nKuyie m borè.

17 Bèè nàá, bèè sènkèrì bèmbè n nàáàntì,
 bèè di nàá nke tú n yē ndi yó nyo ndiwèlì mǎá,
 ke nàá mbèè yete n kpèti ke tū mbemóm̄mm̄mbè be
 kó itié,

ke tú m̄eyei mmamè í yóó bè tū̀̀kení.

18 N do nàá kè be we mbo ke wúó?
 We ndo kém̄m̄ú kékèè n tú mù?
 We ndo dake n nàá ntì kpéí?

We ndo tì kèè?

(Sedemii béi ntì)

19 Kuyie nkó kuyaaakù kuù kèríní,
 ku mièke kèè yènní,
 kuyaaakù kperíkù kuù iténí ke puotì beyeibe.

20 Kuyie mmièke í yóó do kè kù mu nyí dǎ̀̀ kù wúó
 nke bo dǎ̀̀ tì,
 di yóó dentè kè tì bantému.

(Tì Yiè nKuyie mbéi ntì)

21 De kó benitibè bèè nàá m pǎ́́nàáàntì bè sǎ́́nté
 ke cokùmu, n yí bè tǎ́,
 bè sǎ́́nté ke náámmu n yí bè béinnè.

22 Kè bè do mbo n nàá ndè, bè na nnamu kénáké n
 nìtìbè n nàáàntì,
 kè dè nte kè bèè yóu ice yeiyi kèwēténí m borè.

Tì Yiè nKuyie mbomè kutenkù kum̄ou

23 Mí ndi Yiè nKuyie m bomu tip̄it̄ tim̄ou:

N wúómmu detǎ́́nnè ke wúó ndedétirè.

24 Òm̄ou bo na késari kupíkù makù kè n yí nhò yàà?

Mí ndi Yiè nKuyie n di bekemu.

M bomu tip̄it̄ tim̄ou ketenkè nè keĩnkè.

Mí ndi Yiè nKuyie m̄i béi.

Tì bo mbaàtìmè m̄eyòbii nnè tiyòfèntì

25 Kè ti Yiè nKuyie mbéi nke dò: N kèèmu bèè yē mbè nàá m pããnáàntì bè nàá ntì. Yie nníí dò: N yà tidòuntì. Kòò tòù dó: N yà mebenkùmè.

26 Dè yó nkááké de bèè yē mbè nàá m pããnáàntì kè bèè yóu bè bo nnáámmè siyáàbìsì nè be yèmmè dó tì?

27 Bè nàá mbè yàù tì dòuntì ke dó n nìtìbè beè n yē. Be yembè do n yèmmè kètũnne dibòò Baadi.

28 Kè wèè yà tidòuntì wèè náké o dòuntì, kè n duó nwè n náàntì wèè tì nàké n tì nhò duó nkè tì dõmmè.

Di báá wēnné tiyòfèntì nè meyòbii,
mí ndi Yiè nKuyie mî béi.

29 N náàntì dò mmuhãã mmu ke tuò,
ke do ndieñkèrì ke può ndipèrì.

Mí ndi Yiè nKuyie mî béi.

30 Dèè kpéí nte mí ndi Yiè kè n kpànnè bèè tu bè nàá m pããnáàntì, ke yuukunè betòbè n náàntì.

31 Nè de kó benìtìbè bèè yē mbè nàá m pããnáàntì bè ãã sǒnté kéhaatoomu kédeè ke dò mí ndi Yiè nKuyie mî yē, nè be titòbè mbè.

32 N kpànnèmu de kó benìtìbè bèè yē mbè nàá m pããnáàntì, bè mðke sifeí nsi, bè di sóúmmu ke di náá ntidòuntì siyáàbìsì kpeti ke fétinko n nìtìbè. Mî í bè tǒ, n yí ikú òmòu, bè náàntì í teénnè tìmatì. Mí ndi Yiè nKuyie mî béi.

Kuyie nnáàntì tu ditòu ndi ku nìtìbè kpéínnáà?

33 Kè ti Yiè nKuyie mbéi nke dò: Kòo nìtì mòu yoo wèè nàá m pããnáàntì yoo ikú nùtì mòu da beke ke tú: Ti Yiè nKuyie nda tóu nhòntì náàntì? Á bè tēñné ke dò: N yē mbèè naá nditòu n kpéí kè n yóó bè dootóo.

³⁴ Kè m pããnáàntì náàntòo m̀òu yoo ikuó ǹùtì yoo beǹitìbè mièkè kòò m̀òu yĩ mí ndi Yiè nKuyie nhò toú nditòu mari, de kóo ǹitì m̀i mómumuò n yóó ò poté wenwe nè o c̣ĩṭèṭè.

³⁵ Ntènè di dò nkè ní beke tì ditòbè: Bá wè ò ǹi beke otòu kè d̀ò Kuyie nti ṭènné ònti, kù ti béinnè ònti?

³⁶ Ditannùu d̀i tu: Kuyie nti toú nku náàntì di bá ndi nàá, ke yé bá wè weè tu o kó ditòu, ke yé di cààrèmè mí ndi Yiè nKuyie M̀pakèdaa díndi Isidayeeribe di tũ nkù n kó tináàntì nti.

³⁷ Wèè tu ò nàá m pããnáàntì a ní ò beke ke d̀ò: Ti Yiè nKuyie nda ṭènné ònti? Kù da nàké ònti?

³⁸ Kè di me ntu: Ti Yiè nKuyie nti toú nku náàntì bá nè m me ndi nàkémè ke tú di bá nnáá nde kó ditannùu.

³⁹ Nè de kpéi n yóó di yetemu páíi ke di dootóo, kè di déténè díhèi n do di duó ndi díndi nè di yembè.

⁴⁰ N yóó duó nkè dí di ifei nyi ṣãã, bá di báá yè i mièke diyìè mari, di báá ì yè nnè di bo mbomè.

24

Kuyie ndònnenèmè Isidayeeribe yetebe sààyè nè yèè càkè

¹ Kè Kuyie nní mbenke kè n yà yemámmùyákè yèdéyè kè fikíè kó yebe píéké ye mièkè kè yè ìkú ti Yiè nKuyie c̣ĩṭèṭè ìkè. De do ṣ́ mBabidònni kóo kpààti Nebukannesaa p̣ĩm̀m̀ú Konniyau Sosakimmu bire Sudaa kòbe kóo kpààti nè o kó betũmbè nè beyántìbè nè bemaábè ke bè kònnè Babidònni.

² Kè dimámmùyàà mari kó yetebe tú yesààyè ke wenni mediè, kè diteri kpèye càkè, bá ke í dò nkédi.

³ Kè ti Yiè nKuyie nní m beke ke dò: Sedemii a yà ba? Kè n kù tḗnné ke dò: N yà fikíè kó yebe nye kè yèmayè wenni mediè nkè yeteyè càke bá yè í dò nkédi.

⁴ Kè ti Yiè nKuyie nní mbéinnè ke dò:

⁵ A wúó nyetebe sààyè kè dè da naatimè, n wúó nSudaa kàbe n dènnè bè be èì, kè bè bè pī́nmú ke kònnè Babidōnni kè dè n naati meè botí, kè n dó ké bè dḗ mēsàà.

⁶ N yóó bè wènté fḗnōnsààfè nfe, kéwḗte ké bè tḗnnéni be èì ké bè kànnè ke ténke báá bè pònte, n yóó bè fí́mmu ke ténke báá bè uuté.

⁷ N yóó bè duó mmeyèmmè mme kè bè m banté mí mbe Yiè nKuyie nkéntú n kàbe kè m bè te ke yé bè yóó wḗtenimè m borè nè be yèmmè memou ndi.

⁸ Bè ãḗ dḗdḗ mēè botí yetebe yèè càke ke í dò nkédi n yóó me ndḗ Sedesia Sudaa kàbe kóo kpààtì nè o tūmbè, nè besōmbe bèè kpaá Sedisadēmmu nè bèè bo Esibiti. Bḗmou n yóó me mbè dḗdḗ mí ndi Yiè nKuyie mmū́ bḗi.

⁹ M bo bè dḗdḗ dè nè m bo bè bōnté mēè yēi m bo do yeboté kṓmbùḗtì, m bo bè cíe nkè bèè taá yèè ekè miēke bè bo mbè sḗnku, ke bè sǎ́ǎ́, ke bè bōmmù kusī́nkù.

¹⁰ N yóó duó nkè mudoò muù bè do kè dikōnnì tanní nè mutenkū́ nkè bèè kú ketenkè m bè duó nkè bḗmbe nè be yēmbè kédeè.

25

Kuyie mbéi ntì Sedisadēmmu èì nè Sudaa kàbe bḗmou kpé́i

¹ Sudaa kàbe kóo kpààtì Sosiasi bire Sosakimmu kpàtì benni naannì miēke nke Kuyie nni

mbéinnèmè Sudaa kàbe bεmαu kpéí. De do s̄́ mBabidənni kàbe kóo kpààtì Nebukannesaa bo o kpàtì benni ketirì miεke nke.

² Mí nSedemii kè m béinnè Sudaa kó kuwuo nkàbe nè Sedisademmu kàbe ke dò:

³ Nè Aməə bire Sosiasi Sudaa kàbe kóo kpààtì kpàtì benni tεpíítè nè ditáánni kéntə kétuəkenení yíe, dè màke yebie nsipísidé nè yètāāti ndi, n di náánnèmè di me nyí dó ké n kénté m me nyí yóu m bo ndi náánnèmè Kuyie nni nduó ntì di me nyí n kènté.

⁴ Ti Yiè nKuyie ntūənnímu ku kó betəmbè bèè nàá nku pāānāāntì s̄́ā, di me nyí yie nke cānneńi di to ke bo kénté. Di í yie nke kèè.

⁵ Bè do di náámmu ke tú bá wè wèe yóu kuce kuyeiiku, nè o dəərimè yeime kè dèe yie nkè dí mbo dihei di Yiè nKuyie ndi duó ndi nè dimənni, díndi nè di yembè ké ndi te s̄́ā.

⁶ Di báá tūnne yebəkè kənninku ye ìkè ke ye bàá, di bá mbáá ndi dò dè nè di nəu ke íinko Kuyie mmieke kè dèe yie nkè kù báá di caàrè.

⁷ Ti Yiè nKuyie ntì ndi nàkəmu di me nyí yie nku kpeti, ke səké ke ninku di dò dè nè di nəu de ìkè ke íinko ku miεke kè dè di təuní meyi.

⁸ Dεè te kè ti Yiè nKuyie ntú: Di mè nyí yiemmə ke kènté ku kpeti,

⁹ kù yóo íinnímu kubakù yóu bíékè kó iwuo nyiməu kè ku kóo təntì Nebukannesaa Babidənni kóo kpààtì nyi ni ke ìi do di nhei nè yehékè tεyè yèè di fité, ké di kùə páíi kè di eì dəúnko kénaá ntidobontì, kè ibotí tēi níi di yà kè dèe ì di kè ì mmààrì i yə. Kunku ti Yiè nKuyie nkuù béi.

¹⁰ Kè diwèì kó yebaa ndeè kè mupotúòmù kó

iyie nténke bá mbo, dinàà ténke bá nkuò, fitírè kó kuwenniku ténke bá mbo.

¹¹ Kè dihei dimou naá ntidobonti, kénto kétuakenè yebie nsipísiyiekè. De kó iwuo nyimou kè ìi bóuté Babidanni kóo kpààti.

¹² Kè yebie nsipísiyiekè pèèté kù bo poté Babidanni kóo kpààti ò dòò mèè yei nkpeí. Kunku ti Yiè nKuyie nkuù bée. Be ei bo naá ntidobonti kédóúnko sáá.

¹³ De mōnni kù bo duó nkè meyei mmemou ku nàké mèè kpéí kè mèe do de kó dihei, meyei mmèè wàri di mpátiri miéke ku kóo tōnti mí nSedemii n nàké mèè kpéí yebotè yemou kpéí.

¹⁴ De mōnni kè Babidanni kòbe múnkèe bóuté ibotí tēi nè bekpààtikperibè, kù yóó bè fòmmu meyei mbè dòò mè.

Kuyie nnàkémè kù yóó bekénèmè yebotè

¹⁵ Ti Yiè nKuyie nyIsidayeeriibe tū nkù m béinnèmu ke yī: Nto febòòfè fie, m miéke kó menàà nhā dè kékote ké mè nì nyebotè n da tō nyèè borè,

¹⁶ kè yèe yà kémuó nkénháá mmudoò n yóó bè bōnté mù miéke.

¹⁷ Kè n cōuté febòòfè n Yiè nKuyie nnòutè miéke, kékote kè fè nì nyebotè yemou, n Yiè nKuyie nní tō nyèè borè,

¹⁸ kétúóté Sedisademmu nè Sudaa be kó yehékè nè ye kó bekpààtibè nè ye kó betūmbè ke bè pōnte ké bè cōu, kè be tenké naá ntidobonti, kè benitibèe dè yà kè dè bè di kè bè mmààrì be ya. Meyei mmèè bè do me kpéí, di me nwùó nkè de dòmmè yíe.

¹⁹ Kè n dèè memme ké fè nì nhEsibiti kóo kpààti nè o tūmbè nè sikipààtibìi nè o nìtibè bemou.

20 Nè ibotí tèi iməu nè Uusi èi kó okprààtì nè Fidisii èi kou nè Asikanəə èi kou nè Kasaa kperi kou nè Ekunəə èi kou nè bèè kraá kraá Asidəti tenkè miεke.

21 Edəmmu èi nè Məabu kperi kəbe nè Aməniibe.

22 Ke túóté Tiiri kperi kó bekrààtibè nè Sitəə èi kəbe nè dàméèrì yàà kó yehékè kəbe.

23 Nè Dedanni èi nè Temaa kperi nè Buusi nè bèè kuò be tempáátì be tenkè kəbe.

24 Nè Adabii èi kó bekrààtibè bəməu nè bèè bo dikpráà tedəntè kperi bíékè.

25 Nè Simudi èi kó bekrààtibè bəməu nè Edammu èi kəbe bəməu nè Medii tenkè kəbe bəməu,

26 kətúóté bèè bo kubakù yóú bíékè, metómmè kəbe nè dədétirè kəbe, kutenkù kuməu kó yekprààtiyə duómè cénke kè bè yà bəməu Kuyie mmiεke kó dibòò ke dèntenko Babidənni kəbe kóo kprààtì.

27 Kè ti Yiè nKuyie nni nnáké ke dò: A bè nàké ke dò: Di Yiè nKuyie Mprakədaa Isidayεeribe tū nkù tu: Dí yà kémuó nkétó kéduó bá ke báá na kéíté, kù yóó di bənté mùù doò kpréi.

28 Kè ti Yiè nKuyie nyíé ke dò: Kè bè yete bè bo cəutémè febòòfè kéyà, á bè nàké ke tú: Mí ndi Yiè nKuyie Mprakədaa mî tu bèe yà kè bè í dó bè dó.

29 N yóó keté kébənté meyi mme dihei n yètìrì yu dì, kè bembε yèmmè né dò n yóó bè cooná? M báá bè coo! Ke yé n yóó tannénímè mudoò kutenkù kuməu ndi. Mí ndi Yiè nKuyie Mprakədaa mî béi!

30-31 Kè ti Yiè nKuyie ndò m bè nàké ke dò: Mí ndi Yiè nKuyie nkprànnímu kéĩnkè, m péúnímu n cēsààtè miεke, n kra nkutenkù kpréi nke, kè m píèfè dònne

bèè nàù fínyĩ kó yetebe * be kofe ð ndòmmè kè m píèfè
tùòkù itemmànkè imòu.

Ke yé mí ndi Yiè nKuyie mî tannémè yebotè
tibeénti,

ke bekùnè benitibè bemòu ke kòu beyeibe.

Mí ndi Yiè nKuyie mmî me nyé.

³² Ti Yiè nKuyie Mprakedaà béimmu ke tú:

Meyei mmèè tanní kutenkù ke cánni yebotè,
kuyaaakù kperikù kuù iténí kutemmànkù.

³³ De yiè Kuyie mbo kuò bè bo ncóú kutenkù
kumòu mièke òmòù í yó mbè kuò, òmòù í yó mbè tòú
ke kûri, bè bo naá ntikùtì ketenkè ìnkè.

³⁴ Díndi bèè ni benitibè poténè yekúdabùò,
díndi bèè cèmmù benitibè nduònè kébintí ketenkè.
Dikòu yiè dii tùòke kè bè bo di kuò yepedakè kòme.

³⁵ Bèè ni benitibè di í mòke di bo coké kékòte kè,
bèè cèmmù benitibè di bo sòri ke?

³⁶ Keènè bèè ni benitibè bè kuòmmè,
dí nyo bèè cèmmù benitibè bè ùúmè,

ke yé ti Yiè nKuyie nkòùmè be pecēnku.

³⁷ Ti Yiè nKuyie mmieke keè yènní kupecēnku
ke dè yē nfíúú ke yē nkáré.

³⁸ Ti Yiè nKuyie nhòotenímu diciríciripànni kòme,
ku mièke keè bè yènní,
kè kù bè bənté mudoò kè be eì dəúnko.

* **25:30-31 bèè nàù fínyĩ kó yetebe:** Bè do 55 keú dipèri ndi kè dè ndò
nkuyiè kè bèè uté yetebe de mièke, kénnaù kè ye nie ncuuti kuyiè kó
kuyóú ke taà difòtìri mièke. Kè bè ní nnaù de kó yetebe ke diè.

26

Bè yěmmè bè bo kuᵛ Sedemii wèè nàá nKuyie mpāānāaᵛtì

¹ Sudaa kᵛbe kóo kpààtì Sosiasi bire Sosakimmu kpàtì ketírì diì m̀nni, kè ti Yiè nKuyie nní nnáké ke d̀:

² Sedemii kᵛte, mí nKuyie n cīètè towaà, ḱpíéké kénáké Sudaa ekè yemᵛ kᵛbe bèè k̀r̀nì n cīètè mubáammu, tináaᵛtì n da nàké tì, a báá súó ntìmatì.

³ Kè dè naati bèe keè ḱwētení m borè, ḱyóu be yei, kè n ceete n yěmmè ḱyóu n do d́o ḱe bè d̀d̀ m̀è yei mbe d̀d̀r̀m̀è yeime ḱpí.

⁴ Náké be ke tú: Mí ndi yiè nKuyie m̀i tu kè bè í k̀nté n kpeti ke t̀nnè n kuó m bè duó nyì,

⁵ ke yie n kó betᵛmbè bèè nàá m pāānāaᵛtì bè bè nàá ntì, n kó betᵛmbè n t̀d̀nko bè sáà, bè me nyí yie mbe kpeti.

⁶ M bo d̀d̀ te ncīètè n d̀d̀m̀è Sidoo eì*, kè yebotè ní ndó ḱebonté kusĩnkù ḱyú te yètìrì.

⁷ Ikuó niùbè nè bèè nàá nKuyie mpāānāaᵛtì nè benìtibè b̄emᵛ kè bèe keè mí nSedemii n tì béimmè Kuyie ncīètè towaà.

⁸ Kè nní nyóó deè ti Yiè nKuyie nni nnáké tì, ikuó niùbè nè bèè nàá nKuyie mpāānāaᵛtì nè benìtibè s̄ombe kè bè m p̄i nke b́ei nke d̀: A d̀ nkékuᵛmu! A d̀ nkékuᵛmu!

⁹ Dè ȳime kàa nàá nKuyie mpāānāaᵛtì ke tú te ncīètè bo nàá nSidoo kpete d̀ommè, kè diheì naá ntidobontì, bá òmᵛù bá ndè ã?

* **26:6 Sidoo eì:** Sidoo eì do tú mubáammu kó diheì ndi, kè bè dè bàá nKuyie nkè metaummè t̄u de bo, be dootitabè bè na diì m̀nni ḱétuóté metaummè t̄u kè Sidoo eii do.

Kè benitibè bemou m munné Kuyie nciētè miεke.

¹⁰ Kè Sudaa εi kó sikpààtibí nè bèè baké dihei kè bèε ti kèè, káitε tekpààticīētè kékote Kuyie nciētè kékari te bōrì bè tu di dibōrì pànnì.

¹¹ Ikuó niùbè nè Kuyie mpāānāānti náam̀bè sɔmbe kè bèε náké sikpààtibí nè benitibè sɔmbe ke dò: Onitì yie ndò nkékuɔmu, ke yé ò náké ti dihei dii nkpréi ti í wennimè, di kèemu di mómɔmbe nè di to ò náké ti.

¹² Mem̀me, mí nSedemii kè m béinnè sikpààtibí nè benitibè bemou ke dò: Ti Yiè nKuyie nkuu n tōnní kè n náké di me nkèè ti teciētè tie nkpréi nè dihei dii nkpréi.

¹³ Di mm̀onnì tūntenè di borime nè di dɔ̀r̀imè kékénté di Yiè nKuyie ndi tū nkù tu mù, mem̀me kù bo yóumè meyei kù do yé nkù yóó di dɔ̀ m̀.

¹⁴ Kè dèè tu n kpeti, mí m bo di nou miεke nke, n dɔ̀nè di p̀ns̀ir̀imè, dèè di wenni.

¹⁵ Di né nyé ke dò nkè di n kùɔ kè n yí cààrè mùmamù, de kó meyei mbo di yɔ̀ ìnkè nke, di kó dihei dimou nè bèè bo di miεke, ke yé Kuyie nkuu m̀enkε n tōnnimè di borè kè m bo di náké m me ndi náké ti timou, kè dí kèè nè di to.

¹⁶ De m̀onnì kè sikpààtibí nè benitibè bemou kè bèε náké ikuó niùbè nè bebeémbè ke dò: Onitì yie nyí dò nkékuɔ, ò ti náá ntì, ò ti nàánnè ti Yiè nKuyie nti tū nkù kó diyèt̀r̀i ndi.

¹⁷ Benitibè bèè tu bekótibè kè bèε íté kébéinnè dit̀nnì ke dò:

¹⁸ M̀deseti εi kou Misee wèè nàá nKuyie mpāānāānti ò do ānnému Esekiasi Sudaa kɔbe kóo kpààti kó dim̀onnì kēnnáá nSudaa εi kɔbe ke tú: Ti Yiè nKuyie Mpakedaa béimmu ke tú:

Siyõ ò bo naá ndikpáà kè bèe dè kùúítí,
 kè Sedisademmu ò pònte kénáá nyedombirè,
 Kuyie ncīètè bo naá nkutúúkù.

¹⁹ Esekiasi Sudaa kàbe kóo kpààti nè o kàbe, bè do kùò Mìsea? Bè pètìnke do yàte Kuyie nku ké kù bàntè, kè kùu bónkùne ku miéke, ke yóu ke í mbè dḁḁ kù do yē nkù yóó bè dḁḁmè. Kè ti kùò onìti yie nti caàri timàà ndi.

Sosakimmu kùòmè Udiya Kuyie mpāānāànti náàntò

²⁰ Kòo nìti mḁu múnkεε buoté kéntú Kuyie mpāānāànti náàntò Semmaya bire Udiya, Kidiyati-Yeadimmu ò kou, kénnáá nKuyie mpāānāànti kénkpannè di nhèi nè di kó benìtibè mí nSedemii m baa me dḁḁrimè só.

²¹ Okpàati Sosakimmu nè o kàbe yekḁmbò yembè nè o kó betūmbè, bemḁu kè bèe keè ò nàké tii pāānāànti kéndó kóò kùò.

²² Kè Udiya tì kèè kè kufḁwáá nhò pī kòo coké kékote Esibiti, kòo kpààti Sosakimmu tḁ Akibḁo bire Edinatāā, kòo nneínè benìtibè kè bèe kote Esibiti,

²³ Udiya wammù kóò pī nkékotenèní kóò duó nhokpàati Sosakimmu kòo ò kùò nè disiè, kóò dḁu nkufḁti bè āā kù benìtibè bemḁu.

²⁴ Mí nSedemii, kè Safāā bire Ayikammu nni nkānké kè bè í nni mpī nke duó mbenìtibè kè bè n kùò.

27

Kuyie mpāānāànti náàntò nàkémè yebotè yóó bótémè Babidanni kóo kpààti

¹ Sosiasi birɛ Sosakimmu naá ndì m̀ǹǹǹ Sudaa k̀ɔbɛ k̀óo kp̀ààtì k̀ɛ̀ ti Yiè nKuyie nnì mbéinnè mí nSedemii k̀ɛ̀ d̀ò:

² D̀òò k̀unaàd̀òd̀òrìd̀òú ǹè iwēī k̀éndúúkú,

³ k̀é k̀ù ǹaǹkɛ Edɔmmu èi k̀óo kp̀ààtì ǹè M̀ɔabu èi kou ǹè Am̀oniibɛ èi kou ǹè Tiiri èi kou ǹè Sitōō èi kou bè t̀ōnnì bè Sedisadɛmmu Sudaa k̀ɔbɛ k̀óo kp̀ààtì Sosakimmu * borè.

⁴ A bè ǹàk̀é k̀è bèɛ ǹàk̀é bɛ k̀ó bɛkp̀ààtìbè k̀ɛ̀ tú: M̀í ndi Yiè nKuyie M̀pakɛdaa díndi Isidayɛeribɛ di t̀ū nk̀ù tu.

⁵ Ǹè n k̀ó muwērí mú diem̀ù miɛkɛ nkɛ ǹè n k̀ó muwērí mú mmu n d̀òò m̀è kɛtenk̀è ǹè oǹtì, ǹè iwūō ǹè tiwanwantì, d̀èè k̀ó dim̀àà bo kɛtenk̀è ñnk̀è kɛ dɛ dùò n d̀è d̀óǹè wè.

⁶ Yɛ mm̀òr̀è miɛkɛ m̀í ãnné ku ntempē Babidənni k̀óo kp̀ààtì Nebukannesaa ǹəu miɛkɛ wenwe n k̀óo t̀ōntì, nh ò dùómmu tikpasĩntì k̀è ti bo mpĩ nho t̀ōmmú.

⁷ Yɛbotè yem̀əu yè bo ò b̀òúté, wenwe ǹè o birɛ ǹè o yaàbirɛ k̀émbaənè dɛ k̀ó dim̀ənnì bo tuəkɛm̀è k̀è bè m̀únkɛ b̀óúté ibotí t̀èi péu ǹè bɛ k̀ó bɛkp̀ààtìbè péu bèè bè k̀pɛ́ǹǹè.

⁸ K̀è kubotí mak̀ù k̀ɔbɛ yoo dik̀p̀ààtìyuu marì k̀ɔbɛ yete kɛ í d̀ó k̀éb̀óúté Babidənni k̀óo kp̀ààtì, k̀è wèè í d̀ó k̀ébuuté o k̀ó k̀unaàd̀òd̀òrìd̀òú mí ndi Yiè nKuyie m m̀í yóó dùó nk̀è mudoò bè do yoo dik̀ənnì yoo mutenkũũ. N yóó dùó nk̀è wèè bè kuò k̀édeè.

⁹ Díndi di báá yie mbèè tu bè di náá mí nKuyie m p̀āǹáàntì bɛ k̀pɛtì yoo bɛyuwúòmbè di náá ntì ǹè bèè tu bè ỳàu tidəùntì ǹè bèè wèi siwãã ǹè

* **27:3 Sosakimmu:** Yɛp̀átɛ péu yu dɛ k̀óo kp̀ààtì kɛ tú Sedesia nwe kɛ yé bè náá ntì ǹáàntì diɛ nti do d̀òò Sedesia k̀ó dim̀ənnì ndi, dɛ k̀ó tináàntì do yóó ẁāri kɛ s̀ó nSosakimmu kumu.

benitinòmbè bè di náá ntì ke tú di í yóó bóuté Babidònni kóo kpààti.

¹⁰ Bè di náá ntì pããnáàntì tu siyáábìsí nsi ke dó ke bo di détinne dihei, bè dó n di betimu kè di kú.

¹¹ Kè kubotí kùù kòbe yie nke buuté Babidònni kóo kpààti kó kunaàdòdòrìdòú ke pĩ nho tãmmú mí ndi Yiè nKuyie m bo bè yóu kè bè mbo be èi ke di kuuti.

¹² Mí nSedemii kè m múnkèè tì nàké Sudaa kòbe kóo kpààti Sedesia ke dò: Fó nSedesia nè a nìtibè di dò nkébuutému Babidònni kóo kpààti kó kunaàdòdòrìdòú kempĩ nho tãmmú wenwe nè o nìtibè kè dèe yie nkè dí nfòu.

¹³ Di bo yóu kékú mudoò mièke nke nè dikònni nè mutenkũũ nti Yiè nKuyie nnàké ke tú dèe yóó kònnè kubotí kùù kòbe bo yete ke í mpĩ mBabidònni kóo kpààti tómmáà?

¹⁴ Kuyie mpããnáàntì náambè bèè di náá nke tú di í yóó bóuté Babidònni kóo kpààti bè di sóummu di báá bè kènté.

¹⁵ Ti Yiè nKuyie m béimmu ke tú: N yí bè tònkoo ke tú bè nnáá nnè n yètìrì, bè di náá nsiyáábìsí nsi ke yunè n yètìrì kè m bo di beti kè di feti díndi nè di kó benìtibè bèè tu bè di náá m pããnáàntì. Mí ndi Yiè nKuyie mĩu béi.

¹⁶ Mí nSedemii kè n nàké ikuó niùbè nè benìtibè bèè dè bo ke dò: Ti Yiè nKuyie ntu di báá yie mbèè di náá nku pããnáàntì ke tú Kuyie ncĩètè kó tinenti bè do tùóté tì kékònnè Babidònni bè bo tì tẽnnéni bàmbà, siyáábìsí nsi.

¹⁷ Di báá kènté be kpeti, mpĩnnè Babidònni kóo kpààti tómmú kè dèe yie nkè di nfòu. Di báá yie nkè dihei náá ntidobontì.

18 Kè de yembè mènke tú Kuyie mpāānāānti náam̀bè, kè ti Yiè nKuyie Mpakεdaa weè mènke bè nàánnè bèe kù bàántè tinenti tii bo Kuyie ncíētè nè tekpààtìcīētè kè ti báá kò mBabidōnni.

19 Ti Yiè nKuyie Mpakεdaa nàkém̄u Kuyie ncíētè kó yēsānkè kpéi, nnè kunankú dieku nè inààke ò ncómmú yèè tàrè nè tinenti sōnti tii kraá dihei dii mmieke ti kpéi.

20 Okpààti Nebukannesaa do í tùóté dè ò pī ndii mōnni Sosakim̄mu bire Sosakinni Sudaa k̀be kóo kpààti nè Sedisadem̄mu kó behaik̀nkótibè nè Sudaa eì k̀be.

21 Ti Yiè nKuyie Mpakεdaa Isidayεeribe tū nkù nàkém̄u tinenti tii kraá ku cīētè nè tekpààtìcīētè de mieke ti kpéi nke tú:

22 Bè bo ti eì kékōnnè Babidōnni kè ti nke m̀bo ke kém̄m̀unè ku mōnni bo tuokemè kè kùu ti tēnníní diε.

Ti Yiè nKuyie nkuù ti béi.

28

Kuyie mpāānāānti náāntò Sedemii nè Ananniya bè nēnnimè

1 Sudaa k̀be kóo kpààti Sedesia kpàti benni dinaanni mieke otānkù nummuwè, dii benni dimáá mieke kè Asuu bire Ananniya Kuyie mpāānāānti náāntò Kabaōō eì kouu m béinnè mí nSedemii ti Yiè nKuyie ncíētè mieke ikuó niùbè nè benitibè hem̄ou iikè ke d̀:

2 Ti Yiè nKuyie Mpakεdaa Isidayεeribe tū nkù tu ku kèétém̄u kunaàd̀d̀r̀id̀ú Nebukannesaa Babidōnni kóo kpààti di buú nkù.

3 Dè kpáá yebie nyèdéè ndi kè kù wēte kéténnéní ku cīètè nenti Nēbukannesaa Babidōnni kóo kpààti do tò tì timōu kékōnnè o cie.

4 Kε múnkεε kpēnnéní Sosakimmu bire Ekonniya Sudaa kabe kóo kpààti nè Sudaa kabe bè do pīmmú bè kékōnnè Babidōnni. Kε yé kù yóo kéétémè kunaàdòdòridóú Babidōnni kóo kpààti di buú nkù. Kunku ti Yiè nKuyie nkuù búi.

5 Mí nSedemii kè n tēnné Ananniya ikuó nùti benitibè bemōu ìkè bèè do bo Kuyie ncīètè miεε ke dò:

6 Kuyie ñcōuté a nùù kédòò a búi nti, kéténnéní die nKuyie ncīètè nenti timōu nè bè do pīmmú bè bemōu kékōnnè Babidōnni.

7 Né kénté kékeε n yóo di náké tì fǒ nnè benitibè bèè bo die ndimōu.

8 Kuyie mpāānāaṅtì náaṅbè bèè tì niiténèní mí nnè fǒ, bè nàkému Kuyie mpāānāaṅtì yehεkè diεyè péu nè yekpààtiyò diεyè péu kpéi, bè me mbaa do náá mmudòò kpéi nke nè meyei nkpéi nè mutenkũũ nkpéi.

9 Kuyie mpāānāaṅtì náaṅtò wèè bo náké ke dò: Diwèi kèríní, ò náké tì bo dòò dii mōnni ndi bè bo bantémè ke dò nKuyie nkuù mènke ò tōnni.

10 Mεmε Kuyie mpāānāaṅtì náaṅtò Ananniya buutémè kunaàdòdòridóú mí nSedemii n do bukú kù, kékéété,

11 kébúi mbenitibè bemōu ìkè ke dò: Ti Yiè nKuyie nkuù tu nè yebie nyèdéè kè kùu kéétému kunaàdòdòridóú, okpààti Nēbukannesaa do di buú nkù.

Mεmε mí nSedemii kè n yíté.

12 Kuyie mpããnáàntì náàntò Ananniya kèéte dìi m̀ǹǹǹi kunaàd̀d̀d̀r̀ìd̀óú n do bukú kù kédeè kè Kuyie nní mbéinnè ke d̀ò:

13 Kote kénáké Ananniya ke d̀ò: Ti Yiè nKuyie ntu a kèéte kudóú nku ke né yóó kù cèetenè timáti kòku.

14 Ke yé ti Yiè nKuyie Mpakεdaa Isidayεεribe tũ nkù béimmu ke tú kunaàd̀d̀d̀r̀ìd̀óú timáti kòku nku kù buúm̀m̀è yebotè kè yè bo mbuú Nebukannesaa Babid̀ǹǹi kóo kpààti kè yè me nhò bùó, kù ò duónnèmu ketíke dikpàá kó tiwanwantì.

15 Mí nSedemii n ti ndèè kénáké Ananniya ke d̀ò: Ananniya kénté n tú mù, Kuyie nyí da t̀ǹǹǹi, nè amàà ndi a soutémè Kuyie nk̀òbe kè bè yie nsiyáàbìsì.

16 Nè de kpéi ti Yiè nKuyie ntú kù da dèitemu ketenkè ìnkè. Di mbenni miεke nke a yóó kúmè, ke yé f̀ò̀ò̀ sukúmè benitibè kè bè yete be Yiè nKuyie nkpeti.

17 Kè de nyóó yí betààbè bèdébè kè Kuyie mpããnáàntì náàntò Ananniya mènke kú.

29

Sedemii do wàri dìi pátiri bè pĩ mbè ke kònnè Babid̀ǹǹi

1 Mí nSedemii kè nní mbo Sedisadèmmu kéwàri dipátiri okpààti Nebukannesaa pĩ mbè ke kònnè Babid̀ǹǹi, n do di wàri bèè tu bè mbe bekótibè nè ikuó niùbè nè Kuyie mpããnáàntì náam̀b̀è nè benitibè bem̀òu. Okpààti Nebukannesaa do pĩm̀m̀ú bè kékònnè.

2 N do yóó wàri de kó dipátiri ke s̀s̀ nhokpààti Yekonniya nè o yò onitipokpààti nè tekpààtiçfèè

kó bekótìbè, nè Sudaa kɔbe kó sikpààtibíi nè Sedisademma èi kɔbe nè bèè do tú bedabeyyaàbè nè bemáábè kè bè múnke bè p̄rímú ke kònnè Babidɔnni.

³ Kè n di duó nSafãã birɛ Edasaa nè Idikiya birɛ Kemadiya. Sudaa kɔbe kóo kpààti Sedesia weè do bè t̄ Nebukannesaa Babidɔnni kɔbe kóo kpààti borè, mí nSedemii kè m bè duó ndipátiri kè di wàri ke tú:

⁴ Mí ndi Yiè nKuyie Mpakɛdaa dín̄di Isidayɛɛribe di t̄u nkù m̄i nàánnè n duó nkè Babidɔnni kóo kpààti p̄rímú bè ke kònnè, ke tú:

⁵ Maánè sicéi kénhã, fíikúnè detie ndi pénnè kényo ndɛ be.

⁶ Túókénè benitipòbè kè bè dí pié ibí initidaaì nè initipòì, túókénè benitipòbè kèpuó ndi bí kè bèɛ pié initidabí nè initipobí, piénè de bíékè ke sũũ ndi báá kèkè,

⁷ nwantinè n duó nkè bè di p̄rímú ke kònnè d̄iì èi di bo nnaatimè, ké nni mbáá mí ndi Yiè nKuyie ndɛ kó diheì kpéi nke yé de kó diheì kó kunaatí tùmè di kɔku nku.

⁸ Ke yé mí ndi Yiè nKuyie m béimmèmu ke tú: Di báá yóu kè bèè tu bè nàá m pããnáànti kè bè ndi sou, di bá ntũ ndi yau t̄i d̄ouh̄ti kpɛti.

⁹ Bè yó ntú bè di náá nt̄i bonní mí ndi Yiè nKuyie m borè ndɛ, siyáàbìsí me nni nsi m̄i í bè t̄ɔnní. Mí ndi Yiè nKuyie mm̄i béi.

¹⁰ Nte mí ndi Yiè nKuyie n tú mù: Babidɔnni èi kó dikpààtiyuu bo mm̄oke d̄iì m̄ònni yɛbie nsip̄is̄iyiekè n yóo wēētenímu di bíékè ké dí d̄ò mesàà, ké dí t̄énnéní Sedisademma.

11 Mí ndi Yiè nKuyie n yému n tãáté ke bo dɔ̀ò tì di kpéí. N tãáté tì tu mesàà nkpeti nti tì í tú meyei nkpeti. Di yèmmè bàà dè n yóó de ndi dɔ̀ò. Mí ndi Yiè nKuyie mmî b́ei.

12 De m̀nni kè di k̀tení ke m bántè, n yóó yíemmu kécɔ̀uté di báammì.

13-14 Kè di wammú ké n yà, di yó n wammúmu nè di yèmmè meməu, kè n yóu kè di n yà. Mí n di Yiè nKuyie mî b́ei. De yiè di bo n yà, kè n wēte ke t́ennéní bè do p̄r̄mú bè kékònnè Babidɔ̀nni kédɔ̀ò tidaatì m bo dí dennení tip̄t̄i timəu. Ibotí iməu n do di cíe nkè di taá ì miéke ke dí t́ennéní di do borè kè bè di p̄r̄mú. Mí ndi Yiè nKuyie mmî b́ei.

15 Mí ndi Yiè nKuyie n di náá nke yé di yèmmè dòmmè mî di duó m p̄ānāàntì náam̀bè Babidɔ̀nni miéke.

16 Ntenè mí ndi Yiè nKuyie n di náá nti kè dè ntukúnè okpà̀tì wèè k̀ari Dafiti kó dikpà̀tik̀ari nè di k̀abe bèè kpaá bo Sedisademmu, bè í p̄r̄mú bè ke kònnè Babidɔ̀nni.

17 Mí ndi Yiè nKuyie Mpakɛdaa mî b́ei nke tú: N yóó duó nkè mudoò muù bè do, kè dikònni tanní kè mutenkũ̀ nni mbo. Be kperɛ bo dontenè f̄inyĩ kó yebe yèè p̄ā̀ke ke t́enke í dò nkédi.

18 N yóó duó nkè bè mbè duò mudoò mmu, kè dikònni tanní be tenkè nè mutenkũ̀. Be kperɛ kutenkù kuməu kó yekpà̀tiyɔ̀ bo dè keè kè d̄e do ye k̄mbù̀t̄i. M bo bè c̄s̄, dè bo di yebotè be kpéí k̄w̄te ke ye p̄ mmudaá. Yebotè n yóó bè tanné yèè miéke ye bo mbè s̄enku.

19 Bè í yie mmèè kpéí nke ke k̀nté n tũ̀nko m p̄ānāàntì náam̀bè s̄ā̀ kè bè nàà nti. Mí ndi Yiè

nKuyie mmî béi.

²⁰ Díndi tidaatì bè p̄írmú bè ke kònnè Babidənni, keènè mí ndi Yiè nKuyie n tú mù:

²¹ Ntenè mí ndi Yiè nKuyie Mpakɛdaa, díndi Isidayɛɛribɛ tũ nkù m béi ntì kè dè ntukúnè Kodaya birɛ Akabu nè Maaseya birɛ Sedekia. Bedé memme bè sóumu ke tu bè nàá m p̄āñáāntì, bá bè me ntúmè múi bè t̄ōnní. M bo bè ānné Nebukannesaa Babidənni kóo kp̄àtì n̄ou miɛke, koo bè puotí kékúo di ìkè.

²² Díndi Sudaa kəbe bè p̄írmú bè ke kònnè Babidənni di ní bo nnáa mbe kpéi ndi dós diì m̄ōnnì kéb̄onté kus̄inkù, di ní bo yí: Kuyie nda d̄ò kù d̄òmmè Sedekia nè Akabu Babidənni kóo kp̄àtì c̄ou mbè muh̄ãã.

²³ Ke yé bè d̄òmmè Isidayɛɛribɛ ci dè ke d̄ounè betəbè pobè, ke sóu nke tú bè nàá n kp̄eti, m me nyí bè t̄ō. N dè yému dem̄ou ke dè w̄uó. Mí ndi Yiè nKuyie mmî béi.

Semmayə w̄arimè dipátiri Sefayaa Sedemii kpéi

²⁴⁻²⁵ Memme kè ti Yiè nKuyie Mpakɛdaa, Kuyie nyIsidayɛɛribɛ tũ nkùu n duós mmí nSedemii tináāntì kè dè ntukúnè Semmayə Nɛedammu naàm̀nkù kou. Semmayə weè do w̄ari dipátiri kéd̄uənnì ikuós niùbè Maseya birɛ nè Sofonii nè ikuós niùbè t̄obè, nè Isidayɛɛribɛ s̄ombe bèè do kp̄aa Sedisad̄emmu, kè di w̄ari ke tú:

²⁶ Ti Yiè nKuyie nkuù duós nkàa c̄outé ikuós niùti Yeoyada f̄òtiri ke baké ku c̄iētè. F̄ò d̄ò nkéndake bèè tu bemaà ku p̄āñáāntì náam̀bè be kpéi, kè wèè í yé o

yē mmù a táú nho naàcèi mēfīmmē kēpítínnè o fòníí timátì,

²⁷ dē né dòmmē kàa í kpannè Sedemii Anatòti èi kou, wèè di náá nKuyie mpāānāāntì?

²⁸ Ò yē nhò tu Kuyie mpāānāāntì náāntò nwe ke ti wāriní dipátíri diē mBabidōnni, ke ti nàké ke tú ti í yeti mēcāā nketike, ke tú ti maá sicēī kēmbō, kēfíí kú dētie nti pénnè kè dè mpeí kè ti yo.

²⁹ Kè ikú nìtì Sofonii kaa nde kó dipátíri mí nSedemii kè n keè.

Sedemii tēnnémè dipátíri Semmaya

³⁰ Mēmmē kè ti Yiè nKuyie nni mbéinnè ke dō:

³¹ Tō nkè bèe nàké bè pīmmú bè ke kōnnè Babidōnni ke tú: Mí ndi Yiè nKuyie mmū yē Nēedammu èi kou Semmaya mè nyēmmè ò tu m pāānāāntì náāntò, mī mē nyí ò tō, ò mè ndi ciitémè kè di yie nho kó siyāābisí,

³² mí ndi Yiè nKuyie mmū bēi, n yiti ke bo cómmúmu Nēedammu èi kou Semmaya kpéi nnè o fukoo. O kó kufuku miēke onìtì bá nkpaá bá omāā ke bo di cuokè, ò báá yà mēsàà n yóó dōmè n nìtìbè, ke yé ò sukúmè n nìtìbè kè bè n yete. Mí ndi Yiè nKuyie mī bēi.

30

Kuyie nnàké tì Isidayēeribe kó dikpààtiyuu kpéi

¹ Kè ti Yiè nKuyie mbéinnè mí nSedemii ke dō:

² Mī ndi Yiè Kuyie ndíndi Isidayēeribe di tū nkù, mī tu á wāri n da nàké tì timōu dipátíri miēke ke dō:

³ Mí ndi Yiè Kuyie n tú, de yiè kpaanímu kè m bo tēnnéní n nìtìbè Isidayēeribe nè Sudaa kōbe, kēwēte

ké bè duó ndiheì n do duó ndì be yembè kè bèe di tieke. Mí ndi Yiè nKuyie mî béi.

⁴⁻⁵ Nte ti Yiè nKuyie nni nnàké tì mí nSedemii Isidayeeribe nè Sudaà kòbe be kpéi, tì tu:

Ti yo metammè mamè mme,

mè me nyí tú diwèi kōme,

mè duò tikōmbùòti nti ke ãã kufōwáá.

⁶ Bíékénè, wénnínè,

benitidaabè peímaà?

Dè né dommè kè benitidaabè ceú ceú be ka,

ke dò nhonitipòkù wèè dó képeité ò ò ndòmmè,

kè be ìkè sòu sòu hemou.

⁷ Meyei ndiemè kó diyie ndi,

diyie yeiri ndi,

di kó kubotí mu nyí buoté,

meyèncààrimè meè kèríní Sakòbu kpéi,

de yiè n né yóó bè deetému.

⁸ Kè ti Yiè Mpakedaa dò: De yiè bo tuòke dìi yiè, m bo kéété kunaàdòdòrìdòú bè di buú nkù, ké di píté iwěi.

Bèè í tú Isidayeeribe bè ténke bá ndi baké.

⁹ Kè di mpí ndi Yiè nKuyie ndi tū nkù tōmmú, kè n di duó nDafiti yaàbire kè dè ntú di kóo kpààti kè di pĩ nho tōmmú.

¹⁰ Kè ti Yiè nKuyie nyíé kébéi nke dò:

Díndi n kó betōmbè Sakòbu kó kuwuò nkòbe di bá nyíèkù,

díndi Isidayeeribe di kōmbùòti bá nduò,

n yóó di deetému kédennení di yaàbí itempè ndétiyi mièke, di tú dè tidaati.

Díndi Sakòbu yaàbí di wētínímu,

ke bo kari di tenkè bàmmùù kéom̀pè,

òmǎù ténke í yó mbo wèè bo di kǎkénè.

11 Mí ndi Yìè nKuyie ndi bonèmu ke yóó di deeté mǐ
bèi!

N yóó kuòmu ibotí n di cíe kè di taá ì mièke páí
kédeè.

Díndi bìe n yí yóó di kuò kédeè,

n né yóó di tiému dè bèkúmè,

n yí yóó na ké n di wúónkoo ke dò ndi í càke dèmarè.

12 Di kó dikǎutirì í dò nkétaà,

di kó dimǎnni í dò nkémieté,

mí ndi Yìè nKuyie mǐ bèi.

13 Omǎù í ðake di kpeti,

ke bo taa ndi muò,

mutie mamù me nketé ke í bo mùù bo di taa.

14 Di natitǎbè di yèmmu,

bè ténke í denniní di kpéi,

n di poté ke dò ndi tú n dootitǎbè mbe,

n di poté kuyèiku ðiekù nku,

di yei ndeuté mèè kpéi,

di càke kè dè deumu.

15 Ba nte kè di kuò mmeçaàrìmè mèè di tùðkení me
kpéi?

Di kó dimǎnni í dò nkémieté,

di yei mmeè deuté deè te,

di càke kè dè deumu deè te kè n di dòò memme.

16 Bèè di kǎù yíe n yóó bè kùòmu,

bèè di dokùnè yíe m bo bè ðǎò tidaaatì,

bèè di ei yíe nyóó bè éímu,

bèè di senku yíe n yóó duó nkè bèe bè sènkèrìmu.

17 Ke yé n yóó yǎǎremè mutie di muò,

n yóó miékùnnemu di kǎutiyè.

Mí ndi Yìè nKuyie mǐ bèi!

Díndi Siyḏḏ èi kḗbe, òmḗu ténke í di kaànnè,
ke di yu ke tú bè dènnè bè be tenkè.

18 Kè ti Yiè nKuyie nyíé kébéi nke dḗ:

N yóo wēte kéténnénímu tidaatì Sakḗbu kó yefe
mieke,

mesémmè mèè m bonè be kó sicéí,
di kó diheì wēti ke bo fííkúmu di dobontì ìnkè,
kè tekpààtìcḗtèè fííkú te fḗtìrì.

19 Kè di ndiè ke n sāntí,

ke íútí nè diwèi,

kè n duó nkè dí sũũ nke ténke bá nkéñni,

kè n di déúkunnè bá di kó diyètìrì ténke báá kèke.

20 Díndi Sakḗbu yaábí di wēti ke bo naámmu di do
dòmmè,

kénfííkú n yìkè,

kè n yíté kécómmú kéfěũ mbèè do di fěũmmu,

21 di kóo kpààtì yó ntú di botí kou nwe,

di kou weè yó ndi baké,

kè n duó nkòo nni ntókénè,

kè dè í tú memme we m bo dáátí kékḗtení m borè?

Mí ndi Yiè nKuyie míi me nyè.

22 De mḗnnì di bo ntú n kḗbe,

kè nni ndi te kè di n tũ.

23 Mí ndi Yiè nKuyie mmieke ìtému kuyaakù diékù
kḗme,

ke fímmú fefḗdónfè diefè kḗme ke bo do bèè cààrè be
yḗ ìnkè.

24 Mí ndi Yiè nKuyie m mieke di còútému,

kè í yóo bonke ke í pĩ nkè do dò nképĩ mmùu
tāmmú,

dè yó nkéríní kè di tì bantému.

31

¹ Kè ti Yiè nKuyie mbéi nke dò: De kó yewe miéke mí ndi Yiè nKuyie m bo tieke Isidayeεribe wuə nyiməu, kè bè ntú n kəbe.

Kuyie nnàkémè kù yóó kannémè Isidayeεribe be tenkè

² Mí ndi Yiè nKuyie m béimmu ke tú:

Díndi kubotí kùù yenténè mudoò ke bo dikpàà miéke,

di yàmu n kó mesàà.

Díndi Isidayeεribe di kũnti meom̃pùmè èi ndi.

³ Nè dimənnì ndi n di benkemè m mǎà,

n di nàké ke tú n di dǎmu sǎà, deè te kè n kó mesàà nyí iiti di ñnkè.

⁴ N wēti ke bo fíimmu díndi Isidayeεribe n dó bè kè di nfííkú,

di wēti ke bo túótému yebàrè sààyè nè diwèi,

di yóó neinèmu behaubè kè dí yè kémbie nke au.

⁵ Di wēti ke bo buətímu Sammarii tǎri ñnkè detie mbè tu dè fínyĩ,

díndi bèè dè buətí kè dí ntǎũ de be.

⁶ De yiè kpaanímu kè bèè bàà yebòrè kè bè bo pǐéké,

bè yóó nákému bèè bo Efadaimmu tǎrè ñnkè ke dò:

Íténè kè ti kəte Siyṣṣ tǎri ti Yiè nKuyie nti tũ nkù borè.

⁷ Ntenè mí ndi Yiè nKuyie m béi ntì:

Nyíútínè Sakəbu yaəbí kpéi,

nyānkunè diwèi wèè baké yekpààtiyə o kpéi,

ndiènnè ke sǎntí mí ndi Yiè nKuyie nke tú:

Ti Yiè nKuyie ndeəté a nìtibè,

deəté Isidayeεribe səmbə.

⁸ Kubakù yóu bíékè kó dihèi ndi m bè ínnímè,

m bè dèitení itemmànkε nyi κε βέ τii,
 tiyũ̀ònti nè yεkpĩ̀ε,
 βερourópombè nè tibíyõtì,
 bèè wētiní βε εi βε tĩnní í yó nsénní.

⁹ Bè yó nwētiní κε kəntimu κε m báá,
 kè m bè kpàake kékéténè kuce sààkù kùù sié,
 bè í yóó bété kùù ìnkè, kè m bè kətenè menésààmè
 borè.

Mĩ tu Isidayεεriβε cice kè Efadaimmu tu n kóo po.

¹⁰ Díndi yεbotè keènè mí ndi Yiè nKuyie ntú mù,
 ké tì nàké yεbotè yèè bo mεdétimè κε dò:
 Mí ndi Yiè nKuyie mmĩ do di cíε ndíndi ny-
 Isidayεεriβε

κε wēte κε di tínní,
 κε yó ndake di kpéi o pecēnti ò ndakemè o pe kpéi.

¹¹ Mĩ ndi Yiè nKuyie mĩ di deeté díndi Isidayεεriβε,
 mĩ di fiète kubotí kuù di kpeínìnè ku n̄ou mieke.

¹² Di kũntimu Siyõõ tārì κε bo nyíúnè diwèi,
 κε bo ndeitiní κε dó mí ndi Yiè nKuyie nkó mesàà,
 dèè tu tidiitì nè menàà nnè mekòpàmmè,
 ipe nè sibóò nè inààke.

Di bo ndònnè kupúú sààkù bè yóòrì kù,
 di ténke bá mbo meyeñcaàrìmè mieke.

¹³ De m̀ònni besapàmbè bo nyānkunè diwèi
 bedapàmbè nè bedakótibè kè bè nwē nke au,
 m bo ceete di dabùò nkè yèε naá ndiwèi
 kè di bántè kédeite di áárìmmè kè di yèmmèε narike.
 Mí ndi Yiè nKuyie mĩ béi.

¹⁴ De yiè ikuó niùbè bo de nyiwũõ kó mekùò,
 kè n nìtibèε tuó,
 mí ndi Yiè nKuyie mĩ béi.

15 Kè ti Yiè nKuyie mbéi nke dò:
 N yo metammè mamè Damaa èi,
 yekúdabùò nyèè yìèní nè iwúótii,
 Dasèedi bí ìi ku kòò kuò,
 bá ke í dọ bèè ò bántè.

16 Kè ti Yiè nKuyie nhò nàké ke dò:

Cíéké, kéúté a nɔnnieti,
 n yóó da cúmu a òùtì kó tikuuti,
 mí ndi Yiè nKuyie mmî b́éi:
 a nìtìbè itinímu di dootitòbè cie ke kũntiní.

17 Diwèi kèrínímu a yaàbí kpéí.

Mí ndi Yiè nKuyie mî b́éi!

Ì wētínímu i tenkè.

18 N kèèmu Efadaimmu wuò nkòbe kuòmmè,
 ke sáútí ke tú:

Ti Yiè nKuyie nha ti poté mediè mme,
 ke ti tiè mbè òó poté mèè botí kunaàwàátíkù,
 ti yúònní a borè kè ti na kéwètení,
 ke yé fòò tumè ti Yiè nKuyie nti tũ nkù.

19 Ti do da bùtínému,

bàmbà ke me nwètení,
 ti bantému ti caàrìmè ke pī nti nò,
 ifei ìi ti pī nkè ti sīnéné,
 ti dòò dè ti dapànti mònni de kpéí.

20 Kè ti Yiè nKuyie mbéi nke dò:

Efadaimmu kòbe n sàà bè cùmmaà?

Yáà n sàà bè dọ kè dè tontému?

Nh ò nkè n kèè bè nàámmè be kpéí diwèi dii m pī,
 kè mesémmè ní mbè nni mbonè,
 kè m bè dọ mediè.

21 ãnnénè mecannimè,

fííkúnè idéí,

dòònè kunaàsinyakú di ce,

totínè di yèmmè di tũ nkùu cè kèwētení,
 díndi Isidayeeribe n dó bè,
 wētenèní yehékè yèè tu di kpeye ye mieke.

²² Díndi Isidayeeribe n dó bè,

dè yó nkááké de kè di yóu mufirimù?
 Díndi bèè í dó kényie n kpeti,
 di mmònni dè cèètemu di tenkè mieke,
 kòo nitipòkù beí nhonitidù!

*Isidayeeribe yóó wēte kémòstenèmè Kuyie
 mmetaummè*

²³ Kè ti Yiè nKuyie Mpakedaa Isidayeeribe tũ nkùu
 beí nke dò: M bo ténnéni dìi mònni bè do pĩmú bè
 kékònnè kédòò tidaatì, bè bo nnáá nSudaa tenkè nè o
 ekè mieke ke tú:

Fó nSiyòò ditàsààrì timómmònti borè,
 ti Yiè nKuyie nda dòò mesàà.

²⁴ Kè Sudaa kòbe mbo a mieke. Betenkútibè nè bèè
 cēmmù iwũò kè bè nwē nke bo a ekè mieke.

²⁵ Ke yé mĩ duómmè menie nsinéyēĩ kùò bè, ke duò
 ntidiiti dikònni kùò bè.

²⁶ Mí nSedemii kè nh entení kénsó mmunòndòmmú
 n dòò mesàà mme.

²⁷ Kè ti Yiè nKuyie mbéi nke dò: De yiè kpaanímu
 Isidayeeribe nè Sudaa kòbe kè bè bo pié késũũ
 nketenkè, kè iwũò pēté késũũ.

²⁸ N do wēètení mēè botí be bíékè ké mbè u, ke bè
 pùò nke déi ke bè dòòri meyei, n yóó wēètení meè botí
 be bíékè ké bè maá, ké bè fíí, mí ndi Yiè nKuyie mmĩ
 béi.

²⁹ De mònni òmòu ténke bá nnáá dináaanhántírì dìi
 tu:
 Cicebè càáké yesĩē bényè
 kè ibí nù nyārike.

30 De m̀̀nǹ̀ǹ̀ b́́a ẁ̀e ò yóó kú o yei nkpŕ́í nke, ẁ̀e c̀̀aáké yēsĩē b́́enỳ̀e ẁ̀e ǹ̀i nyóó ý́aríkē.

31 K̀̀e ti Yìè nKuyie mb́́eí nke d̀̀: De yìè kpaań́ímu k̀̀e m bo ẁ̀e k̀̀etaunǹ̀e Isidayeeribe ǹ̀e Sudaa k̀̀obe.

32 D̀̀e t́́enk̀̀e í yó ntú metaumm̀̀e ndo d̀̀d̀̀ǹ̀em̀̀e be yemb̀̀e m b̀̀e d̀̀e d̀̀e d̀̀i yìè Esibiti ke d̀̀enne. De kó metaumm̀̀e b̀̀e m̀̀e t̀̀t̀temu b́́a ǹ̀e m̀̀i me mb̀̀e tem̀̀e. Ḿ́i ndi Yìè nKuyie m̀̀i me nỳ̀e.

33 K̀̀e ti Yìè nKuyie mb́́eí nke d̀̀: Nte de yìè n yóó b̀̀e d̀̀d̀̀ǹ̀e m̀̀e taumm̀̀e: N yóó ānǹ̀e n kuó be miēke nke, k̀̀e ì ẁ̀ari be ỳ̀emm̀̀e miēke k̀̀e m b̀̀e te mí nKuyie k̀̀e b̀̀e ntú n k̀̀obe.

34 De yìè òm̀̀ou t́́enk̀̀e b́́aá tié n kuó o kou, yóó o kou ò tié nke d̀̀ ẁ̀e n ý́été mí ndi Yìè nKuyie. B̀̀e yóó nyi ý́emu bem̀̀ou, ibí sámp̀̀oi ǹ̀e bekóti b̀̀e, mí ndi Yìè nKuyie mm̀̀i b́́eí, n yóó b̀̀e c̀̀ēm̀̀mu be yei, n t́́enk̀̀e b́́aá dentení me kṕ́eí.

35 Ḿ́i ndi Yìè nKuyie m̀̀i ānǹ̀e diyìe k̀̀e d̀̀i ò ntũũ nkémí,

ke duó nkòo t̀̀ank̀̀u ǹ̀e siwàã k̀̀e d̀̀e ò mmí keỳ̀enk̀̀e.

M̀̀i ò̃ nampe d̀̀am̀̀eèr̀̀i k̀̀e yenéfinfir̀̀e íté,

ḿ́i nẁ̀e ỳ̀etir̀̀i tu Mpakedaa m̀̀i b́́eí nke tú:

36 K̀̀e dende c̀̀eète d̀̀i yìè,

meim̀̀e Isidayeeribe kó kuwuo nt́́enk̀̀e í yó ntúm̀̀e n k̀̀oku.

37 Kòo ǹ̀iti bo na k̀̀ebenǹ̀e k̀̀eink̀̀e okùm̀̀e m̀̀am̀̀e,

k̀̀esíék̀̀e ketenk̀̀e c̀̀umpume mam̀̀e,

de m̀̀nǹ̀i m bo dootóo Isidayeeri kó kuwuo nk̀̀obe

b̀̀e d̀̀d̀̀ d̀̀e kó dim̀̀a de kṕ́eí.

Ḿ́i ndi Yìè nKuyie m̀̀i b́́eí.

38 Kè ti Yiè nKuyie mbéi nke dè: Dε yiè kpaanímu kè Sedisadεmmu εi bo wεte kémaá, mí ndi Yiè nKuyie n kpéi, kéketénè Ananεedi kó didènni borè kénto kétuokénè dibòri bè tu di kuduotí kentímè kó dibòri, 39 késòoté kétāũ kuhōũ kùu beúnè kétuoke Kaarebu tāri, kékónté kékótenè Koa kperi, 40 kédíténè kubiriku bè buònkò kù beçírìbè ke dè cóunkò deyεire, kénto kétuokénè kukó nSetinoo kεpēēté kétuoke dibòri bè tu di sisēi kó dibòri diyìè yìèni kèè bíékè kperi. Dè yó ntú bè cànné dènde mí ndi Yiè nKuyie n kpéi, bè ténke báá di uuté, bè me nténke báá di pònte bìti.

32

Kuyie mpäänáànti náàntò Sedemii dontémè kupaku

1 Kè ti Yiè nKuyie nní mbéinnè mí nSedemii Sudaa kòbe kóo kpààti Sedesia kpàti benni pínni miεke, ke sǒ Nebukannesaa bo o kpàti benni tepítè nè diniínni.

2 Dè do sǒ mBabidōnni kó behāāpòmbè beè pi Sedisadεmmu εi. Dε mōnni kè bè m pī mí nSedemii ke kànnε Sudaa kóo kpààti kó tekpààtiçētè kó kudànkù.

3 Sudaa kòbe kóo kpààti Sedesia weè do m pī nkékannε kè nní nkari. Kòo n nàá nkétú dè dōmmε kè n nàá nke tú ti Yiè nKuyie nyē nkù yóo duó ndihèi Babidōnni kóo kpààti kòo di tieke,

4 okpààti Sedesia í yóo cooté. Bè yóo ò pīmmu kéduó Babidōnni kóo kpààti kè bèε yà betòbè kénáké.

⁵ Kè bèè kònnè Sedesia Babidɔnni kòo nke mbo ke kèmmúnè kù bo yàmè o kpɛti. Bá kè di dokùnè Babidɔnni kɔbe di báá bè na.

⁶ Kè ti Yiè nKuyie nni mbéinnè ke dò

⁷ n cice nantè Sadummu birɛ Anamɛɛdi kèríní m borè, ke bo n náké kétú n donté o paku kùu mɛ mbo Anatɔti, kényé mî tumè o cîètè kou wèè baaténí ke dò nké kù donté.

⁸ Mɛm̀mɛ n cice nantè Sadummu birɛ Anamɛɛdi kòtɛnìmè m borè tekpààticîètè kó kudànkù kéntũ nti Yiè nKuyie nni nnàkémè ké n náké ke dò: Donté m paku kùu bo Anatɔti Bensamɛɛ tempɛ, ke yé f̂òò tumè n cîètè kou wèè baaténí ke dò nké kù donté. Donté ku kètieke. Kè m banté tì tumè ti Yiè nKuyie nkɛti nti.

⁹ Mɛm̀mɛ kè n donté n cice nantè Sadummu birɛ Anamɛɛdi kó kupaku kùu bo Anatɔti, kóò yietí mɛdítíbii tepítè nè mèyiekè,

¹⁰ kɛw̄ari yedontépáte kè yè mbo yèdéyè. Kè n yĩkú mɛçannimè kè benitìbè nwúó nkè m benné mɛdítíbii ncéékù tebiètè ñnkè.

¹¹ Kè n túóté didontépátiri n yĩkú dì n kó mɛçannimè kèpōnné, n w̄ari d̄ii mieke ikuó yèmmè nè d̄iteri d̄ii féo.

¹² Kè n duó ndidontépátiri Baduki Nediya birɛ Maseya kó dɛyaàbirɛ, kè n di nhò duó n cice nantè birɛ Anamɛɛdi ìikè. Nè bèè do dè bo kèikú be nou dipátiri be ìikè nè Sudaa kó kuwuɔ kɔbe bèè do bo tekpààticîètè kó kudànkù be ìikè.

¹³ Kè n deè kéduó mBaduki dinùu benitìbè bɛm̄ou ìikè kè n dò:

¹⁴ Tii ntu ti Yiè nKuyie Mpakɛdaa kpɛti nti, Kuyie ntínti Isidayɛeribe ti tũ nkù. Túóté didontépátiri m

põũ ndì nè diì feío kéãnné didúù miεεε kè yè mbo sãã.

15 Nte ti Yiè nKuyie Mpakedaa kunku Isidayεεriβε tũ nkù nàké tí: Kù tu di wēti κε bo dommu sicēĩ nè δεραα diheì diì mmiεεε.

Sedemii kuónnèmè Kuyie

16 N duós ndiì mǎnnì Baduki Nediya birε yedontépáte kébántè Kuyie nκε δò:

17 Áú n Yiè nKuyie f̃ nwèè dòò kéĩnkè nè ketenkè nè a wērímu, dèmarè í da yóunè!

18 F̃òò ãã c̃ē nhonitì kétuokenè o yaàbí kó iyaàbí titōntì titōntì tekòupítè, f̃òò ãã poté ibí i cicεbè kó meyei nkó tiyēĩti, Kuyie nha δεumu κε kpeñnì, ti Yiè nKuyie f̃ nwèè yètìrì tu Mpakedaa.

19 F̃òò tu otentì sààwè kàa tōmmú δεu, f̃ nwèè wùó mbenitìbè βεμου kó μεborimε κε yietì bá wè o tōmmú dòmmè, mù mǎnnè tìi yeti.

20 F̃òò nwèè dòò μεbenkùmè càmmè nè tidietì Esibiti kó ketenkè miεεε, κε tì dòòri nè yíenní kàa yètìrìi feité Isidayεεriβε cuokè nè kutenkù kumu miεεε, κε feínè yíenní.

21 F̃òò dòò μεbenkùmè càmmè nè tidietì, κε βενκε a wērímu nè a kpetì kè yebotè da yòte kàa dènnení a nitìbè Isidayεεriβε Esibiti miεεε.

22 Kàa bè duós ndiheì a do béi nkéĩkú κε δò a yóó duós ndì ti yεmbè, μεναamiè nnè μεcekùò ndè pũò ndì.

23 Kè bè kòtení κε di ta κε kàri, bè με nyí yie nκε tũnne a kó kuce, bè í yie nκε tũnne a kó ikuós, bè í yie nκε dòò a bè nàké κε yē mbèε dòò δè. Dèè te kàa bè duònní meyei mèè mè nti tùòkení!

24 Nte Babidɔnni kɔbe ke pi dihei, bɛ tɔ̀kɛnɪmu ke bo pɔnte dihei, ti doti be nɔu miɛke nke, bɛ yoo ti do mudoo mmu kɛ dikɔnni ti kuɔ nɛ mutenkũũ. A nakɛ ti ti dɔ̀ kaa ti ya.

25 N Yiɛ nKuyie a yɛ ke do mBabidɔnni kɔbe yoo fietɛ dihei ke nɛ n nakɛ ke tu n dontɛ kupaku, kɛyietɪ kɛ bɛɛ naa bo m pɔtɛ kɛ bɛ mboɔ?

Ti Yiɛ nKuyie ntɛ́nɛ ti Sedemii

26 Mɛmɛ kɛ ti Yiɛ nKuyie nni mbɛinnɛ mɪ nSedemii ke dɔ̀:

27 Mɪ ndi Yiɛ nKuyie mɪ bakɛ benitibɛ bɛmɔu, dɛmarɛ n yoonɛmaɔ?

28 Dɛɛ te mɪ ndi Yiɛ nKuyie nkɛ m bɛi nke tu: N duommu di nhei Babidɔnni tenkɛ kɔbe, n di tannɛmu be koo kpɔ̀atɪ Nebukannɛsaa nɔu miɛke koo bo di pɔnte.

29 Babidɔnni kɔbe bɛɛ mɛ ndo kɛdo dihei bɛ tatimu di miɛke ke bo miitɛ muhãã kɛ di cɔu nkɛ di cɔutɛ nɛ sicɛi bɛ tɔ̀ sɪ inkɛ tihũuntɪ yɛbɔkɛ Baadibɛ, ke yɛ pã ntiditɪ bɛ yɔɔɛ ti mena nke inkoo m miɛke.

30 Ke yɛ Isidayɛribɛ nɛ Sudaa kɔbe nɛ bɛ bomɛ bɛ dɔ̀ri n yɪ do dɛ ndɛ. Isidayɛri dɔ̀ dɛ í m miɛke nke. Mɪ ndi Yiɛ nKuyie mɪ bɛi.

31 Dɛ koo dihei Sedisadɛmmu nɛ bɛ di maámɛ kɛntɔ kɛtuɛkɛnɛ yɛnnɪ di baa inkoo m miɛke nke kɛ kɛ cɔu nsã dɛɛ te kɛ n do ke di bɔtinnɛ.

32 Isidayɛribɛ nɛ Sudaa kɔbe bɛ dɔ̀ mɛɛ yɛi nke í m miɛke, bɛmbɛ nɛ be koo bɛkpɔ̀atibɛ nɛ sikpɔ̀atibɪ nɛ bɛɛ naa m pãnãantɪ. Sudaa koo kuwu nkɔbe nɛ bɛɛ bo Sedisadɛmmu,

33 bè tũnte be ìkè nke ke m bùtínné, nè dimònnì ndi m bè duòmme itié bè me nyí yie nke bo ì kènté kè ì còuté.

34 Ké tanné be kó tetenkaanìtè isòke kpete n cǐtè n yètìrì yu dè ke tè sǐnkũnne.

35 Ké maá yewũòtòrè Beni-Inòmmu biriku ke feu be bí dibòò Mòdòki, inítidaaì nè inítipòì n yí yē mbèe dòò dè diyìe marì. De kó iyentotíi keté ke í tanní n yèmmè miéke m bo duómme kè bèe dòò de kó isòke ke tanné Sudaà kòbe meyei mmieke.

36 Di mmònnì nte mí ndi Yìè nKuyie ndíndi Isidayeeribe di tũ nkù m bée ntì kè dè ntukúnè dihéì di náá ndì kǐéi ke tú di tati Babidònni kóo kpààtì nòu miéke kòò bo di do mudòò, dikònnì nè mutenkũũ nkè dèe tanní.

37 N yóò di dennenímu m miéke do di yè ké di peike ké di còuté kè n di cìe nkè di taá yebotè yèè miéke. N yóò di ténnenímu diè nkè dí mbo bá dèmarè í ndi kòònnè.

38 Kè di ntú n kòbe kè n di te mmí ndi Yìè nKuyie ndi tũ nkù,

39 kè ndí duó mmeyèmmè mèmàà kè di ntũ nkuce kumàà ké nni ndé sáà, kè dèe yie nkè di mbo kè dè di naati kè di bí sòoté kémbo kè dè ì naati.

40 Kè n di dòònè metaummè meè yó mbo sáà, n ténke báa di bùtínné, n yó ndi dòòrimu mesàà, m bo duó nkè di mmòke n kó fedédíéfè kè dèe yie nkè di ténke bá m bùtínné.

41 De mònnì n kó diwèì yó ntú m bo di dòòmè mesàà, n yóò di fíímmu teii di nheì miéke, n yóò mè dòò nè n yèmmè memòu ndi nè n wérímú mumòu.

42 Kè ti Yìè nKuyie mbéi nke dò: N tóní mèè botí meyei ndiemè kuwuò nkuù nyínkè, n yóò me ntóní

mesàà mmemou n nàké mè di kpéí.

⁴³ Dihèi di yē ndìi dounko kòo nìtì ténke í dì bo yoo kuwanwankù kè di ta Babidōnni kòbe nou miēke, di wēti ke bo do ndepaa de kó dihèi miēke.

⁴⁴ Bensamēe kó ketenkè miēke nè yehékè yèè tákénè Sedisadēmmu nè Sudaa kó yehékè miēke nè ditārì ìnkè kpēye nè yehékè yèè bo Sefadaa nè yèè bo Nēkefu tempē mbè wēti ke bo dommu depaa nde kó yehékè miēke kénwāũ yedontépáte kè benitibè bèè naa bo di pùté kè bè bo ke yé n yóó tēnnénimè di kó tidaatì mí ndi Yiè nKuyie mī bēi.

33

Kuyie nyēmmè kù yóó wēte kéi nSedisadēmmu

¹ Mí nSedemii kè m baa nkpaá ke bo bè m pī nke kànnē dè tekpàaticētè miēke, kè ti Yiè nKuyie nyíé ké m béinnè ke dò:

² Mí ndi Yiè nKuyie, mí nwèè dòò ketenkè, mí nwèè kè pùté ke fīi nke fòtìrì, mí nwèè yètìrì tu: Di Yiè nKuyie.

³ N yú kè n yóó yiemmu, ke da dáa ndèmarè dierè, disòrì kpere a í yé dè.

⁴ Mí ndi Yiè nKuyie ndíndi Isidayēeribe tū nkù, nte n náá nti kè dè ntukúnè Sedisadēmmu kó dihèi nè Sudaa kó sikpàaticēi sī yóó puōmmu kè dèe dounko.

⁵ Kè di tú di bo baa Babidōnni kòbe bèè di pi ké bè dokénè di í yóó na. Bēcírìbè bèè yóó piē ndihèi ke yé m miēke di yèmmè mediè. Díndi Sedisadēmmu èi kòbe di yei mmeè sũũ nkè n yèmmè nóté di ìnkè.

⁶ N né yóó daatenímu di kpéí ké di taa, ké di miékunnē ké di duó ndiwèi dierì kè dí m bo kè dè di naati.

7 N yóó wēte kéténnénímu Sudaa kàbe bè pīrmú bè ke dòò tidaatì nè Isidayeeribe bè pīrmú bè ke kònnè m bo wēte ké bè kànnè be eì bè do dòmme nè dimònnì.

8 Kéūtè mēcaārìmè bè do n càke mè, ke bè cīé mbe yei mmemau bè n yeténèmè nè bè yetemè n kpeti.

9 De mōnnì diwèi bo nni mbonè Sedisademmu eì, yebotè yemau yèè bo ketenkè ìnkè yè bo keè m bè dòò mèè sàà ké n sāntè ké n dounnè mutōmmú ké nni nsāntí. Dè bo yè di kè yè nkpeutí m bè dòò mèè sàà nkpréi kè be kperè demau yíé.

10 Kè ti Yiè nKuyie mbéi nke dò: Díndi Sudaa kàbe di náá nke tú diheì dounko bá onìtì ténke í bo di miēke bá feǝfè. Sudaa ekè nè Sedisademmu kó ice dounkomu bá onìtì ténke í bo di miēke bá feǝfè.

11 Bè wēti ke bo keèmu de kó ketenkè miēke diwèi kó metammè nè siyíi, nè bèè tùótè betòbè bamba be kó iyie. Kè bèè touní Kuyie ncīètè yepārè kè bè ndiè nke tú:

Sāntènè ti Yiè nKuyie Mpakedaa ke yé kù wennimè, ke ti dó sáà.

Ke yé n wēti ke bo ténénimè bè do pīrmú bè be eì, ké bè kànnè bè do dòmme nè dimònnì.

12 Kè ti Yiè nKuyie Mpakedaa béi nke dò: Diheì dii mmè ndounkomè, bá onìtì nè feǝfè kè dè ténke í kérímú yehékè yemau miēke, yēaacēnhòkè wēti ke bo buotému kè iwũǝ cēmbè ndè òòmму be wũǝ.

13 Yetārè ìnkè kó yehékè nè kubiriku kpeye, nè yèè bo Nēkefu kó kutempē nnè Bensamēe kó diheì miēke nè Sedisademmu kó mēfitímè kó yehékè nè Sudaa kpeye miēke, ye pe bo ndoku ke pēnkù i cēnti ìkè kòò ì kàa. Mí ndi Yiè nKuyie mmîi béi.

Kuyie ndú ndì nùù kù í yóó dì kpàtè

14 Kè ti Yiè nKuyie mbéi nke dò: De kó yewe kpaanímu, kè m bo dòò mesàà n nàké mèè kpéí Isidayeeribe kpéí nnè Sudaa kàbe kpéí.

15 Kè de kó yewe tùòke diì mònñi n yóó dennení onìti m̀òu nwe Dafiti kó kuwuò mmièke wèè yó mpí ntimóm̀m̀nti, ke bekùnè benitìbè dihei kè dè wenni.

16 De yiè Sudaa kàbe yóó cootému, kè Sedisademmu kàbe mbo bá d̀marè í bè káónnè, bè bo nyu Sedisademmu ke tú ti Yiè nKuyie nkuù ti d̀ori timóm̀m̀nti.

17 Kè ti Yiè nKuyie mbéi nke dò: Okpà̀ti Dafiti c̀è̀tè báá paà okpà̀ti wèè bo nkari dikpà̀tikà̀ri kémbaké Isidayeeribe.

18 Ikuó niùbè me mbáá paà nè Defiibe bèè bo nni nfeu iwũ̀ ke tuò, kécóunkonè yepã̀rè bè yòre yè menaà, nè iwũ̀ yewe yem̀u.

19 Kè ti Yiè nKuyie nyíé ké m béinnè mí nSedemii ke dò:

20 Mí ndi Yiè nKuyie mm̀i tu kè di bo na kéceete dinùù n d̀ú ndi, kuyie nnè keyènkè kè dè ténke bá mbo.

21 Mèmmè n d̀unè diì nùù n kóo tã̀nti Dafiti di bo paàmè kòo kó kufuku kou m̀òu bá nsaké o kpà̀ti, Defiibe nè ikuó niùbè kè bè ténke bá mpí n tómmú.

22 N yóó duó nkè n kóo tã̀nti Dafiti yaabí nè Defii kó iyaabí bèè tu ikuó niùbè kè bèe sũ̀ nsiwã̀ dòm̀mè kéĩnkè ke í ndò nkékaa nkédeè bè bo sũ̀ ndàméèri kó mubirímú do mmè.

23 Kè ti Yiè nKuyie nyíé ké m béinnè mí nSedemii ke dò:

24 A yému benitìbè yèmmè dòm̀mè, n nu ndootóo Isidayeeri kó kuwuò nnè Sudaa kàku, bembè n do

tããté bè, ke bè bè sènkɛ ke ténkɛ í bè wùò nkubotí.

²⁵ Mí ndi Yiè nKuyie m béimmu ke tú: Mí nwèè duó ndinùù kuyie nnè keyènkè kè dè bo mmí, mí nwèè duó nyikuó keĩnkè nè ketenkè,

²⁶ dè bo yĩmɛ kè n dootóo Sakɔbu kó kubotí, n kóo tɔnti Dafiti kó kuwɔ nkɔbe, m báá yóu m bo n deimè be miɛke bekpààtìbè bèè bo mbaké Abarahammu nè Isaki nè Sakɔbu be yaábí. Mesémmè bè nni mbonèmu kè n yóó wɛte kéténnéni bè do pĩrmú bè kédòò tidaati.

34

Kuyie mpããnaahti náahti nàkémè tii yóó tukení Sedesia

¹ Babidɔnni kóo kpààti Nebukannesaa nè o kó behããpòmbè nè yekpààtiyɔ yemɔu kutenkù ò baké yè be dokùnè dii mɔnni Sedisademmu nè Sudaa kó yehékè teyè, kè ti Yiè nKuyie nní mbéinnè mí nSedemii ke dò:

² Kɔte kénáké Sudaa kɔbe kóo kpààti Sedesiasi ke dò: Mí ndi Yiè nKuyie n tú: N yóó duó ndi nheì Babidɔnni kóo kpààti nwe kòò di còu.

³ O mómumuò nhò í yóó na kéyenté. Bè yóó o pĩrmú, kóo duó mBabidɔnni kóo kpààti kè bèe yà bɛtɔbè kététe bɛtɔbè tináahti, kòo né na kòò kònnè Babidɔnni.

⁴ Né nte mí ndi Yiè nKuyie n nàké tì kè dè ntúkúnè wenwe Sudaa kɔbe kóo kpààti Sedesiasi: Mí ndi Yiè nKuyie mmî tu o í yóó kú mutòntònkũ.

⁵ Ò yóó kú bàmmùù nwe kè bèe tuɔ nti húuntì o kpéí, bè do tì tùmme o yembè bèè o niiténè ke di tikpàti kénkuò ndikúdabònni ke tú: Áú ti Yiè! Mí ndi Yiè nKuyie mmî béi.

⁶ Mí nSedemii kè n tì nàké Sudaa kàbe kóo kpààti Sedesia. N do tì nhò nàké Sedisademu nwe.

⁷ Dè do sǒ mBabidanni domu mudoò Sedisademu kó dihèi ke donè Sudaa kó yehèkè Nakiisi nè Asekaa yèè do tú yehèikperè kè bèe yè yǐèke.

Bè do fīmmè tidaatì tì tu Ebedee kèwète kè tì pī

⁸ Okpààti Sedesia nè Sedisademu kàbe kè bèe wènné dinùù ke dò:

⁹ Kè wèè màke kudaakù kè kù tu Ebedee, ke tú kunitidaakù yóó kunitipòrikù wèe kù fī nkè be kou mǎu ténke bá mmàke kudaakù kùù tu Sudaa kó kuwuò nkou,

¹⁰ Sedisademu èi kó bekótìbè bemou nè benitìbè bèè do bo ò dǎu ndè de kó dinùù, kè bèe yie mbá wè kòo fī nho daakù ò do màke kù ke ténke báá wète kè kù tǔóté kè kù pīnné mudaatǎmmú.

¹¹ Kè dè né nyóó yí kè bèe ceete be yèmmè kèwète kétúóké be daatì bè do fī nti kèwète kè tì pīnné mudaatǎmmú.

¹² Mèmmè kè ti Yiè nKuyie nni mbéinnè mí nSedemii kè n dò:

¹³ Tì Yiè nKuyie nyIsidayεεribe tǔ nkù tu kuù dǎunnè dinùù di yembè kù bè dènnení diì mǎnni Esibiti bè do tú kè tidaatì kè bè nàké ke dò:

¹⁴ Yèbie nyèyiekè mièke di kàbe Ebedee bèè di fiténè bemáà ke naá ndi kó tidaatì, kè di bè pīnné mutǎmmú di ní bè fīnko. Bè ní yóó pī ndi tǎmmú kèmmàke yèbie nyèkuò ndi kè dí bè fīnko. Di yembè me nyí n kènté, bè keté ke í ndààte.

¹⁵ Kè dǎndi me nyie nke dǎò n yèmmè, bá wè kòo fīnko o kó kudaakù, kè di dǎu nketike dinùù n cǐtè mièke n yètìrì yu dè.

16 De kó difōnkúò ke wète ke cèete di yèmmè ke càke n yètìrì ke wète ke tḗnéní di do fī́ mbè ke wète ke bè pī́nné mudaatōmmú.

17 Nè de kpéi nte mí ndi Yiè nKuyie n tú mù: N tú di í me nyiemmmè n kpeti, ke bo fī́ mbá wè o tebite, bá wè o kou, n yóó di fī́nkomu kè bè di do mudòò, kè dikònnì tanní nè mutenkũũ. Di kperε bo donné yebotè kó yekpààtiyò kōmbùòtì.

18-19 Sudaa èi kó bekótíbè nè Sedisademmu èi kòbe nè tekpààtìcīfètè kó bekótíbè nè ikuó nìùbè nè benìtibè bemou bè do yiemmu ké n dounnè dinùù, kéwēnné ké n kuò fenààfè ké fè kèké yekéke yèdéé kénkeri ke pēnkù de kó yekéke cuokè. De kó benìtibè bè cààrèmu bè n dounnè dii nùù. Bè í dòò bè do dǔú ndinùù ke yē mbè yóó dǔòmè nè de kpéi m bo bè dǔò bè dǔòmè fenààfè.

20 N yóó bè duó mbe dootitòbè mbe bèè bè dónè mukũũ nke bèè bè kùò, kè dikpàà kó tinòtì nè tikpasīntì kè dèè bè di.

21 Sudaa kòbe kóo kpààtì Sedesiasi nè o èi kó bekótíbè m bo bè tannè be dootitòbè nǔu miεke, bèè bè dónè mukũũ mbè bo bè nìnte bè tati Babidǎnni kó behāāpòmbè nǔu miεke nke. Bá bè mu mme ndi yóumè,

22 n yóó duó nkè bèè wētēní ké di do mudòò mmu ké di pǎnte kécóu ndihèi. M bo duó nkè Sudaa kó yehékèe dǔúnko yè ténke bá mmòke wèè yè ā. Mí ndi Yiè nKuyie mí béi.

35

Dekabiibe yetemè menaà mmuyàà

¹ Sosiasi birɛ Sosakimmu tu dīi mǎnnī Sudaa kɔbɛ koo kpààti, kè ti Yiè nKuyie nni mbéinnè mí nSedemii kɛ dò:

² Kɔtɛ kɛyà Dekabu kó kuwuɔ nkɔbɛ, kɛ bè yu kè dí ta Kuyie nɔfɛtɛ kó tidieti kó kùmakù miɛkɛ kàa bè duó mmenaà nkè bèe yà.

³ Mɛmɛmɛ kè n kɔtɛ kɛ yú Idimmɛya birɛ Abatisinniya yaàbirɛ, Yasanniyau kó debirɛ nè o nei Dekabiibe ɔfɛtɛ tɛmɔ.

⁴ Kè m bè kàtɛnè ti Yiè nKuyie nɔfɛtɛ Ikidadia birɛ, Annani Kuyie koo niti kó kudieku ò tiè ndè o kɔbɛ. Dɛ kó kudieku do tókénè okpààti tumbè kpɛti nti kɛ sɔké Sadummu wèè do baa Kuyie nɔfɛtɛ bòri o birɛ Maseya kaku ìnkè.

⁵ Kè m bè Ìnné sicèe nè mɛnaà fɛi fɛi, nè ibòòkɛ kɛ bè nàkɛ kɛ dò yànè mɛnaà.

⁶ Kè bè n tɛnné kɛ dò ti í yóó yà mɛnaà ti yààri Dekabu birɛ Yonnadabu do ti nàkému kɛ tú: Ti bá nyè mmenaà tínti nè ti bío sáá.

⁷ Ti mɛ mbáá maá sicéí,
ti mɛ mbá mmɔkɛ depaa ti báá fííkú detie mbè tu dè
fínyí,
ti bá mmɔkɛ ti kpɛɛ
kɛ yɛ ti yó nhāmè titouti miɛkɛ nke ti fòmmu
mumɔ,
mɛmɛmɛ ti bɔ nfòùmè kémɔntɛ dihei ti bo di
kupòòkù.

⁸ Mɛmɛmɛ kè ti yie nti cice Dekabu birɛ Yonnadabu ti nàké tì kɛyóu mɛnaà mmuyàà ti fòmmu mumɔ miɛkɛ, tínti nè ti pobè nè ti bí initidaà nè initipòì.

9 Ti í maá sicéĩ ke bo nhã, ti me nyí kùúti deṗaa, ti í fíí kú detie mbè tu dè fínyĩ, ti í buotí dèmarè.

10 Ti ã titouti miẽke nke, ti yie nke tũnne ti cice Yonaadabu ti nàké tĩnti.

11 Babidõnni kóo kpààti Nebukannesaa weè do ti do mudoò kè ti coké kéta Sedisademmu ke bo yenténè Babidõnni nè Sidii kòbe kó behããpòmbè. Mèmmè kè ti bo Sedisademmu nè yíenní.

12-13 Mèmmè kè ti Yiè nKuyie Mpakèdaa Isidayeeriibe tũ nkù n nàké mí nSedemii ke dò n kòte kénáké Sudaa kòbe nè bèè bo Sedisademmu ke tú kù yẽ mbè í dò nkékénté kényie nku kpetaà?

14 Dekabu birẽ Yonnadabu do nàkému o kòbe ke tú bè bá nyõ mmènaà, kè bè yie nke tì pĩ mbá bè í yõ mmènaà nè yíenní, ké yé bè yiemme be yààrì kó dinùù. Mí ndi Yiè nKuyie kè n né yie ke di náánnè bá di í yíé.

15 Kè n yie ke tũ̀nko m pããnaantì náam̀bè kè bè di náá nke tú dí ceete kényóu meborime yeime kédòò dèè wenni kényóu di bo ntũmmè yebòkè ke yè feu iwũõ. Mèmmè di bo mbomè dihèi n di dúó ndi, dĩndi nè di yembè. Di me nyí kènté, di í yie n kpèti.

16 Dekabiibe bie yiemmu ke tũnne be yààrì Yonnadabu bè nàké tì. Sudaa kòbe dĩndi di me nyí yie n kpèti.

17 Kè n sòoté kébéi nke dò: Deè kpéi nte kè ti Yiè nKuyie Mpakèdaa tĩnti Isidayeeriibe ti tũ nkù tu, kù bo bõnté Sudaa kòbe nè bèè bo Sedisademmu meyei nkù ti nàké mèè kpéi, ke yé kù tì ndi nàkémè ke di nàké di me nyí yie, kè kù di yùúkè ke di yùúkè bá di í kù còúté.

18 De kó difãnkúò kè n nàké Dekabiibe ke dò: Ti Yiè nKuyie Mpakèdaa tĩnti Isidayeeriibe ti tũ nkù tu: Di

me nyiemme ke tũnne di yààrì Yonnadabu di nàké ti ke dḏò ò nàké ti timḡu.

¹⁹ Nè de kpéi Dekabu bire Yonnadabu cīètè í yóó pàà wèè bo mpī nKuyie tōmmú ku cīètè miēke.

Kunku ti Yiè nKuyie Mpakēdaa tínti Isidayeeribe ti tũ nkù kuù me nyē.

36

Sosakimmu cāutémè Sedemii kó tipāānāàntì kó yepáte

¹ Sudaa kabe kóo kpààti Sosiasi bire Sosakimmu kpàti benni dinaannì miēke kè ti Yiè nKuyie nni mbéinnè mí nSedemii ke dḏ:

² Waá nkukḡnkù kéwāri tināāntì n nàké ti kè dè ntukúnè Isidayeeribe nè Sudaa kabe nè iwuo nteì, kētúóténè Sosiasi tu diì mōnnì okpààti kénto kētuakenè yíennì.

³ Kè dè yèmmè Sudaa kabe bo keè n tǎāté ke yóó bè dḏò mèè yei kéceete kényóu be borime yeime kè m bè cīé mbe yetímè nè be caàrimè.

⁴ Mēmme kè Sedemii yú Nediya bire Baduki kóo nàké ti Yiè nKuyie nhò nàké tii kó dimàà kòò ti wāri kukḡnkù ñnkè.

⁵ Ò ti wāri memme kédeè kè Sedemii ò nàké ke dḏ: M bo medítimmè miēke nke, n yí dḏ m bo na kéta ti Yiè nKuyie ncīètè.

⁶ Fḡḡ mómму nyóó kḡte ti Yiè nKuyie ncīètè menùboúmmè kékaa n da nàké ti kaa ti wāri. A ti kaa mbèè kḡtení menùboúmmè nè bèè ìténì Sudaa ekè yemḡu ke kḡtení kè bèè ti kèè.

⁷ Kè dè yèmmè be báammì tuḡke ti Yiè nKuyie mborè kè bèè ceete kényóu be borime yeime ke yé ti

Yiè nKuyie mmiεke yèmè de kó benitìbè ke bè còuté mediè.

⁸ Kè Nediya birε Badukii dɔ̀ò mí nSedemii nhò nàké tì timou kékaa nti Yiè nKuyie nnáàntì tì wàri kukònkù ñnkè Kuyie ncíètè miεke.

⁹ Dè do s̄́ nSosiási birε Sosakimmu Sudaa kɔ̀be kóo kpààtì bo o kpàtì benni dinummurì ndi otáàwéinwè miεke, kè bèε yú Sedisadεmmu εi kɔ̀be nè Sudaa kó yehékè yemou kɔ̀be kè bèε kɔ̀tení Sedisadεmmu Kuyie ncíètè menùbouúmmè.

¹⁰ Kè Badukii kaà n duó nkòò wàri tì náàntì. Ò do bo Safã birε Kemadiya wèè tu opátíwãàtì o dieku nku. De kó kudieku do bo Kuyie ncíètè dánkù de ñnkè kɔ̀ku nku. Kuyie ncíètè bòrì bè tu dì dibòrì pànni di borè.

¹¹ Kè Kemadiya birε Misee Safã yaàbirε keè tináàntì bè kàa nti ti Yiè nKuyie mpátiri miεke timou,

¹² kédeè kékɔ̀te okpààtì kóo pátíwãàtì dieku, kòo kpààtì kó betũmbè bεmou bèè tu: Edisamaa opátíwãàtì nè Sammaya birε Bedaya nè Akibɔ̀ birε Edinataã nè Safã birε Kemadiya nè Ananniya birε Sedekia káyíénè okpààtì kó betũmbè tɔ̀bè bεmou.

¹³ Kè Misee bè tũ̀ò mBaduki do kaà ntì náàntì dipátiri miεke benitìbè bεmou ìkè.

¹⁴ Mὲmme kòo kpààtì kó betũmbè bεmou t̄́ Nὲkanniyaa birε Eudi Sedemia yaàbirε wèè do tú Kuusi yaábíyómmè kòò bo nàké Nediya birε Baduki kòo kɔ̀tenení kukònkù ò do kaà nkù benitìbè ìkè. Mὲmme kòo túóté kukònkù kɔ̀tení bε borè.

¹⁵ Kè bèε ò nàké ke d̀̀: Kari dὲnde ké ti kaà ntì bo kukònkù miεke. Koò kù mbè kàa.

16 Kè bèe keè de kó tináaànti kè kufōwaaá mbè pī nkè bè nwúó nwúó mbetəbè kénáké Baduki ke dò: Ti náké a tì wàri mèè botí.

17 Bè me nyī kébeké Baduki ke dò: Ti náké a tì wàri mèè botí.

18 Kòo bè tènéné ke dò: Ò tì nni nnáámmu kè ntì wǎũ kukònkù ìnkè.

19 Kòo kpààti kó betūmbèe náké Baduki ke dò: Kote fǒ nnè Sedemii kè di səri bá òmòu bá nyé di borè.

20 Memème kè bèe yóu dende dipátiri opátíwǎàti Edisamaa kó kudieku kékote okpààti cǐtèè dànkù borè kòò nàké dipátiri tɔ tì timəu.

21 Kòo kpààti duó nkè Yeuudii kote kétúóténí de kó dipátiri okpààti kòò pátíwǎàti Edisamaa dieku ké di kàa nhokpààti nè o tūmbè be ìkè.

22 Dè do sǐ ndè tu muséé nkóo tǎnkù nwe dibenni tǎnkù weínwè kòo kpààti kàri o cǐtèè muséé mmònni kpete kè muhǎá ntuəti.

23 Kè Baduki níi kaà nkéfiñte kukònkù mètǎāti yoo mènàà kòo kpààti kù kèéte kécóu, ké mme nhǒ ké kù cóu nkuməu kédeè.

24 Okpààti nè o tūmbè bèè kó dimàà do dè bo kékeè de kó tináaànti be kōmbùàti í ndo, bè í nkēí be yààti.

25 Edinatǎā nè Dedaya nè Kemadiya bè do bàrmúmu okpààti ke dò ò báá cóu nde kó kukònkù, ò me nyí nyie nké bè kènté.

26 Kòo kpààti péi nho bire Yedameyēēdi nè Asidiyēēdi bire Sedaya nè Abudiyēēdi bire Sedemia ke dò bèe pī nhopátíwǎàti Baduki nè mí nSedemii kè ti Yiè nKuyie mme nti sɔnne.

27 Okpààtì còu ndìì m̀ǹǹǹi kuk̀̀nk̀̀k̀̀u mí nSedemii do nàké tì Baduki ti ẁàri k̀̀ù k̀̀ù ìnk̀̀k̀̀ k̀̀édeè k̀̀è ti Yiè nKuyie nni mbéinnè ke d̀̀:

28 Waa nkuk̀̀nk̀̀k̀̀k̀̀ tek̀̀ k̀̀éw̃̀éte k̀̀éw̃̀ari a do ẁàri tì kuketik̀̀ ìnk̀̀k̀̀ tim̀̀u k̀̀è Sosakimmu Sudaa k̀̀̀be k̀̀óo kpààtì k̀̀u c̀̀u.

29 Kaa d̀̀è memme á náké Sosakimmu kpéi nke d̀̀:

Ti Yiè nKuyie ntú a m̀è ncóummè dipátiri ke náá nke tú ba nte k̀̀è n ẁàri de k̀̀ó dipátiri ke náá nke tú Babidanni k̀̀ó kpààtì k̀̀eríní ke bo p̀ante dihei k̀̀ékuo benitibè nè iwũ.

30 Dèè te k̀̀è ti Yiè nKuyie ntu f̀́ nSosakimmu Sudaa k̀̀̀be k̀̀óo kpààtì a kou m̀̀u báá kari Dafiti k̀̀ó dikpààtikàri, a bo k̀̀u k̀̀énduó, kuyie mm̀ǹǹi k̀̀è diyìè ní da tiitè, keyènkè m̀ǹǹi k̀̀è muséè nda poté.

31 Ti Yiè nKuyie ntu ku yóó potému f̀́ nnè a k̀̀ó kuwuò nnè a k̀̀ó betombè, meyei ndi d̀̀ò m̀è nkpéi. Sudaa k̀̀ó kuwuò nk̀̀be nè bèè bo Sedisademmu eì meyei nku bè nàké m̀èè kpéi mbá bè í k̀̀énté m̀è dotimu di ỳo ìnk̀̀k̀̀.

32 Dè k̀̀ó dif̀̀nk̀̀k̀̀u mí Sedemii k̀̀è n túóté kuk̀̀nk̀̀k̀̀u tek̀̀ k̀̀é k̀̀u duó Nediya bire mBaduki k̀̀é nhò nàá ntìi do ẁàri kuketik̀̀ Sudaa k̀̀̀be k̀̀óo kpààtì do c̀̀u nk̀̀u k̀̀òò ẁãũ k̀̀éyíénè titetì péu t̀̀i t̀̀i d̀̀nnè.

37

Okpààtì Sedesia t̃mmè k̀̀è bè bo beé nSedemii

1 Nebukannesaa Babidanni k̀̀ó kpààtì weè do p̃i nSosiasi bire Sedesia tikpàtì k̀̀ò c̀̀utè Sosakimmu bire Konniyau k̀̀embaké Sudaa k̀̀̀be.

² Ò me nyí nyie nKuyie nkpeti, mí nku pããnáàntì náàntò nh ò nàá ntì, wenwe nè o kó betũmbè nè o nìtìbè bẽmou, diheì miẽke òmòu í ntì yie.

³ Bá nè memme kòo kpààti Sedesia tã Sedemia birẽ Yukaari nè ikuó nìùtì Maseya kè bè bo kate kénáké mí Kuyie mpããnáàntì náàntò Sedemii ke dò: Ti dó a bántè ti Yiè nKuyie nku ti kpéí.

⁴ Dè do s̄m̄m̄i nSedemii n ceñtĩmu n dómè, bè mu ndo í n kpetĩnné.

⁵ De m̀nni kè Esibiti kóo kpààtì yè Esibiti, kè Babid̀nni kó behããp̀mbè bèè do pi Sedisadẽmmu, kè bèe keè be kpéí kéfũte bè ténke í mpi diheì.

⁶ Kè ti Yiè nKuyie nní mbéinnè ke dò:

⁷ Mí ndi Yiè nKuyie ndíndi Isidayeeribe di tũ nkù mĩ tu, a náké Sudaa kabe kóo kpààtì wèè bè t̄nni ke tú á m beé nke dò: Esibiti kóo kpààtì kabe bèè do yènni ke bo di teennè bè w̄te ke kũũmmu be eì.

⁸ Babid̀nni kó behããp̀mbè w̄ti ke bo domu Sedisadẽmmu eì ké di p̀nte ké di cóu.

⁹ Mí ndi Yiè nKuyie m béimmu ke tú di sou ndimáà ndi ke náá nke tú Babid̀nni kó behããp̀mbè ité kè dè dèè. Bè í kate demarè.

¹⁰ Bá kè di dó kédokénè Babid̀nni kó behããp̀mbè ké bè na kékuò bèmabè. Di k̀ute koute bè kè bè duó be touti miẽke, bè itinĩmu ke bo cóu ndiheì.

Bè kpetĩnnémè Sedemii

¹¹ Babid̀nni kó behããp̀mbè ité diì m̀nni kéfũtenè Sedisadẽmmu Esibiti kó behããp̀mbè kpéí,

¹²⁻¹³ kè n yènni Sedisadẽmmu kénk̄ri Bensam̄e eì kó dibòrì, bèè bàa yebòrè be kóo kòtì Sedemia birẽ

Idiya Ananniya kó deyaàbire kòo m pĩ nke dò: A kòri ke bo duó nha máà ndi Babidònni kòbe.

14 Kè nh ò tḗnné ke dò: Ɔ̀ò, n yí kòri ke bo bè duó m máà.

Idiya me nyí ntì kènté ké m pĩ nkékòte kéduó nhokpààti tũmbè.

15 Kòo kpààti tũmbè mièke n yènní kè bè m puotí kédeè ké n kpetínné dihei kóo pátiwǎ̀ati Yonnatǎ́a cǐ̀tè̀, ke yé̀ bè do tè ndò̀mè dikpetíntou.

16 Mí nSedemii kè nní mbo dikpetíntou ketenkè mièke kperi kémònte,

17 kòo kpààti Sedesia tǎ̀ nkè bè n kpetení kòo m beke tekpààticǐ̀tè̀ mièke tidé borè ke dò: Tìmatì í bo n kpéí Kuyie nda nàké tì ke dò nha n nákáà? Kè nh ò tḗnné ke dò: Ɛ̀ tìmatì bomu, kébéi nke dò: Bè yóó da pĩmmu kéduó mBabidònni kóo kpààti.

18 Kè m beke okpààti Sedesia ke dò: N da càke ba f́ nnè a tũmbè nè a nìtìbè kè di m pĩ nke kpetínné?

19 Kuyie mpǎ̀ánáà̀ti náam̀bè bèè sòò di náá nke tú Babidònni kóo kpààti í kòriní ke bo di do, ò í kèriní ke bo pònte dihei, bè kòte ke?

20 Di mmònnì n né da báámmu, f́ n yiè nhokpààti á kènté m báammì, báá wète ke n tḗnné dihei kóo kpààti kóo pátiwǎ̀ati Yonnatǎ́a cǐ̀tè̀ mièke kó dikpetíntou, n yàà bo kú.

21 Kòo kpààti Sedesia duó ndinùù ke dò bè n dènnení dikpetíntou ké n tanné kudànkù bèè bàà tikpetínti bè borè ké nni nduò mbá dìi yiè pèè, kè pèè weè sàà í dèè. Mí nSedemii kè nní mbo bèè bàà tikpetínti be kó kudànkù kémònte.

38

Bè cūñkomè Sedemii tēbinte miēke

¹ Mēmme kè Matāā birē Sefatia nè Pasuu birē Kedadia nè Sedemia birē Yukaari nè Madikia birē Pasuu kè bèe keè n nàá ntì benìtibè bēmou tì tu:

² Tì Yiè nKuyie nkuù tu wèè bo nkpaá dihèi dii mmieke mudoò bo ò kònnè yoo dikònni kè dè me nyí tú mēmmē mutenkũũ. Kè wèè me nyè ke duó nhomáà Babidōnni èi kòbe ò bo cooté kénfòù.

³ Tì Yiè nKuyie mbéimmu ke tú Babidōnni èi kó behāāpòmbè bo do di nheì ké dì fiètē.

⁴ Kòo kpààtì tūmbèe ò nàké ke dā: Onìtì yie ndò nkékuomu, ò yārikùngo behāāpòmbè kòntì nti bèè kpaá dihèi dii mmieke nè benìtibè bēmou ò í wanti benìtibè kó mesàà, ò bè dónè meyei mme.

⁵ Kòo kpààtì Sedesiasi bè tèñné ke dā: Dòònè we di dómè n yí yóó na ke di baa.

⁶ Kè bè m pī nképítinné iwēĩ kécūũnko okpààtì birē Makidia kó tēbinte tēè do bo tekpààtìcīètè dānkù. Menie ndo í ā te miēke, tisāũtì do nti kè n fũũkóo ti miēke.

⁷ Ke ś nhEtiopii kou mōu wèè do tú tekpààtìcīètè kóo kótì kòo yètìrì tu Ebeedi-Medeki, kòo keè bè n tannémè tēbinte miēke kòo kpààtì nkari Bensamē èi kó dibòrì ke bekù.

⁸ Kè Ebeedi-Medekii yènní tekpààtìcīètè miēke kénáké okpààtì ke dā:

⁹ Áú n yiè! F́ nhokpààtì, be nnìtibè cààrèmu bè pī ndè Sedemii ke tanné tēbinte miēke kè dikònni yóó dè nhò kùò ke yé pèè í kpaámè dihèi miēke.

10 Kòo kpààtì duós ndinùù Ebeedi-Medeki Etiopii èì kou ke dò: Túóté benitibè betāāti * kè bè da neinè kè dí kòte kédenneni Sedemii tebinte kòo mu nyí ku.

11 Kè Ebeedi-Medekii túóté de kó benitibè kè bèe kòte kéta okpààtì cīētè, tekpààtìcīētè kó tikpàtì ā kùù dieku kó kудieku defūḏ kòku, kétúóté tiyaàcìtì tìi kòtè ke kērí, kè tì pìtínné kuhḥũ kè n duónko tebinte miēke,

12 kè n nàké ke dò: Túóté tiyaàcìtì kéceé nha pètēmpīēkù kēpīnné iwēī ti ĩnkè.

13 Kè m me ndòò kè bèe yūś nkuhḥũ kè n denneni tebinte miēke. Memme mí nSedemii kè nní mbo bèè bāa tikpetínti be kó kudànkù.

Okpààtì wētè ke yumè Sedemii kòo beé

14 Kòo kpààtì Sedesia tō nkè bè n yúní kè ti kòte Kuyie ncīētè dibòrì tāānnì kòo kpààtì n nàké ke dò: N do dó kè da beke tìmatì nti, kè n tì nda beké a bá n sōnne tìmatì.

15 Kè n dò: Kè n tì nda nàké a yó n kuomu kè m me nda duós nyitié a í yó n kénté.

16 Kè Sedesia n yú tidé borè kè n nàké ke dò: Kuyie mbomu kuù ti duò mmufōmmu, m béimmu ke tú n yí yóó da kuò, m me nyí yóó da pī nkéduó mbèè da dónè mukũũ.

17 De mōnni kè n nàké Sedesia ke dò: Ti Yiè nKuyie Mpakēdaa kunku tínti Isidayēeribe ti tũ nkù tu kàa yè ke kòte ke duó nhamáà Babidōnni kóo kpààtì āāpòmbè iwēī yembè, a yó nfòùmu fí nnè a cīētè kòbe, bè bāa cóu ndihèi.

* **38:10 betāāti:** Yepáte mayè miēke bè wàri ke tú sipísitāāti ndi.

18 Kàa me nyí yè ke duó nhamáà Babidɔnni kóo kpààtì ããpòmbè iwěĩ yembè, bè yóo domu dihei dii nké di cóu mmuháá, a mómmuɔ nha báá na kéyenté.

19 Kòo kpààtì Sedesia n náké ke dò: N yĩèkù Sudaá kó kuwuɔ nkɔbe bèè duó mbè mbe bemáà Babidɔnni kɔbe, n kãmbùàtì duò bè bo m pĩmmè mme ké bè duó nkè bè n fěũ.

20 Kè nh ò tɛ́nné ke dò: Bè í yóo da pĩ nke bè duó. Kénté ti Yiè nKuyie nkpeti n da náá ntì. Meyei mmamè í yóo da tuàkení a yó nfòumu.

21 Kàa me nyete a bo yèmè ké bè duó nhamáà, nte ti Yiè nKuyie nni nduó ntì tii yóo da tuàkení:

22 Benitipòbè bemou bèè kraá a kpààtìcǐètè mièke Sudaá ei, bè yóo bè duómmu Babidɔnni kó behããpòmbè iwěĩ yembè, de kó benitipòbè yó nnáámmu a kpéi nke tú:

O natitɔbè ò ciitému ke na,

o fũũkú disãũ ndi kè bè coké.

23 A pobè nè a bí bè bo bè duó mBabidɔnni kɔbe, a mómmuɔ Babidɔnni kóo kpààtì bo da pĩ nkécóu ndihèi.

24 Kè Sedesia n náké ke dò: A báá yie nkòò mɔ̀u keè ti nàké tì, kè bè tì kèè a kumu.

25 Sikpààtìbìí nè bèè baké dihei kè bè kèè a kòtenímè m borè kè ti nàké, kè bè tu á bè nàké ti nàké tì ke báá bè sònnè tìmatì kè meè dɔke bè bo da kuɔ.

26 Á bè nàké ke tú a kòtení ke bo m báammúmu kè m báá da tɛ́nné Sonnatãã cǐètè a yàà bo kú.

27 Sikpààtìbìí nè bèè baké dihei kè bèè kòtení m borè ké m beke ti nàké tì, kè m bè tɛ́nné okpààtì n nàké tì, kè bè dò yúóó kǐíté, ke yé bè í kèèmè ti nàké tì.

28 Mí nSedemii kè nní mbo bèè bàa tekpààtìcǐètè be kó kudànkù kè bè yàa pòntenè Sedisademmu.

Nte de wũòkémè kè bè yàa pòntenè Sedisademmu.

39

Babidōnni kōbe pòntemè Sedisademmu

(Yenāānkékè 1-10 wénté 52:4-16 nè 2 Bekpààtìbè 25:1-12)

1 Sudaa kōbe kóo kpààtì Sedesia kpàtì benni weínni miēke nke otànkù píínwè, Nebukannesaa Babidōnni kóo kpààtì nè o āāpòmbè bēmou bè kòtenímè kēpi Sedisademmu eì.

2 Sedesia kpàtì benni tepítè nè dìmáà miēke nke otànkù naanwè diyìè weínni yìè, Babidōnni kóo kpààtì nè o kōbe bè mātémè diheì kó kuduotí.

3 Mēmme Babidōnni kó behāāpòmbè iwēī yembè tamè kékari dibòrì de cuokè kperi, beè yètè tu: Nedikadi-Sadētisee wèè baké bè fōmmu bè kè bè pī ntekpààtìcǐètè miēke mutōmmú, kòo kpààtì ò tá nè bekótìbè tōbè bèè do tú iwēī yembè.

4 Sudaa kōbe kóo kpààtì Sedesia nè o kó behāāpòmbè bè yà dìi mōnni Babidōnni kó behāāpòmbè kécoké diheì keyènkè. Bè do tūnne okpààtì pèrímù kó kuce nku dibòrì dìi soké iduotí idé cuokè kètūnne okpààtì kó kuce kùu yìènè Suditēē biriku.

5 Kè Babidōnni āāpòmbèe bè bèti kéninte Sedesia Sedikoo biriku miēke kóò pī nkékōtenè Babidōnni kóo kpààtì borè Dibuda Amati eì. Dende Nebukannesaa ò bekénèmè.

6 Babidōnni kóo kpààtì de nfíé Sedesia bí o ìkè, kéfíènè Sudaa eì kó bekótìbè bēmou,

7 Kédoké Sedesia nùò kóò boùnè disəwũ̀ ò kó mefĩmme kóò kònnè Babidənni.

8 Kè Babidənni kəbeε cəu nsikpààtĩcĩĩ nè dihei yembè kpesi képuə Sedisademmu eì duotí.

9 Kè Nebusadadanni, tihā̀pə̀ntì tìi bàa okpààtì ti kóo kótii pĩmmú benitibè bèè kpaá dihei nè bèè do ò duó mbemáà nè beyántibè bèè do kpaá kətə kékònnè.

10 Kòo súó mbecĩrìbè bèè í məkε mùmamù kéduó nkè bè nkpaá Sudaa eì miεke, kòo bè totí fĩnyĩ kó detie nnè depaa.

Bè fĩmmè Sedemii

11 Dè do ś mBabidənni kóo kpààtì duómmu dinùù Nebusadadanni tihā̀pə̀ntì tìi ò bàa ti kóo kótì kè de kó dinùù tu:

12 Túóté Sedemii kéndake o kpéi kè bè báá ò d̀ò̀ meyi mmamè, kòò da beke tì a tì nhò d̀ò̀.

13 Memme kè Nebusadadanni wèè baké tihā̀pə̀ntì tìi bàa okpààtì nè Nebusasibanni wèè baké bè f̀mmu bè kè bè pĩ ntekpààtĩcĩètè miεke mutómmú nè Nedikadi-Sadetiseε wèè baké behā̀pə̀mbè nè bèè do tú bekótibè Babidənni kóo kpààtì kpààtìyuu miεke.

14 Kè bèè t̄ nkè bè n túóténì bèè bàa okpààtì be kó kudànkù miεke, ké n kətenənì ké n duó nhAsikammu bire Kedadia Safā̀ yaabire kè Ayikammuu n kpə̀nné kè nni mbo o kəbe borè.

Kuyie nnàké tì Sedemii Ebeedi-Medeki kpéi

15 Mí nSedemii n do kpaá bo bèè bàa okpààtì be kóò kótì kó kudànkù nku kè Kuyie nní mbéinnè ke d̀ò̀:

16 Kəte kénáké Ebeedi-Medeki Etiopii eì kou ke d̀ò̀: Tì Yiè nKuyie Mpakedaa kunku tínti Isidayεeribe ti

tũ nkù tu kù do nàké tì di nhèi kpéi kù yóó tì dàòmu de yiè bo tuòke dìi m̀̀nni, tiyeiti nti dè í tú tisààtì. A yóó tì yàmu.

¹⁷ Kù yóó da deeténèmu, benitibè a yĩ̀̀kù bè bè í yóó da pí. Kunku ti Yiè nKuyie kuù béi.

¹⁸ Kù yóó da deetému, mudoò í yóó da kònnè, a yóó nfòumu, ke yé a yiemme ke dò nkù da nàké tì bo d̀̀. Kunku ti Yiè nKuyie nkuù me nyé.

40

Sedemii k̀̀temè Misipaa ke k̀̀ri

¹ Kè ti Yiè nKuyie nní m béinnè mí nSedemii, Nebusadadanni wèè baké bèè bàà okpààtì ò n fĩ̀̀ ndi m̀̀nni Damaa ei.

Ò do yóó n fĩ̀̀ nkè m bou mefĩ̀̀mme mme ke soké Sedisadèmmu k̀̀be nè Sudaa k̀̀be be cuokè, bè do pímmú bè ke bo kònnè Babid̀̀nni.

² Kè Nebusadadanni n yú mí nSedemii tidé borè ke d̀̀: A Yiè nKuyie nkuù do da nàké ke tú kù yóó dù̀nni meyei mmiè di nhèi,

³ ke me mmè dù̀nni, kù do nàké tì kù ti nd̀̀ ke yé di càkemè di Yiè nKuyie mbá di í yie nku kpeti kù do di nàké tì tii di t̀̀kení.

⁴ Nte yíe n da deetému, ke da pitè iwẽ̀̀ ìi do da píítí. Kàa d̀̀ ke bo n neinè Babid̀̀nni ti nei, n yó ndakemu a kpéi. Kàa yèmmè me nyí yie nha bo n neinèmmè a yóu. Ketenkè kemou duómu a ìikè, kàa d̀̀ ke bo k̀̀te kù kù píku a ku nk̀̀te.

⁵ Mí nSedemii kè nní nkpaá ke mu nyí k̀̀te kè Nebusadadanni yíe k̀̀béi nke d̀̀: Wète Ayikammu bire Kedadia Safã yaàbire borè, Babid̀̀nni kóo

kpààtì we mbaá nSudaa ekè. Wēte nè we kè di mbo a kàbe borè, kàa me nyí dó a kàte a pénsirì kùù píkù.

Meñme wèè baké bèè bàa okpààtì ò n duómme tidiiti ké m pānè yepāre ké n cau.

⁶ Mí nSedemii kè n kàte Ayikammu bire Kedadia borè Misipaa kèmbò o borè, mí nnè benitibè tábè bèè do kpaá dihéi.

*Kedadia tumè kùmàndàà Sudaa tenkè
(Yenáankékè 7-19 wénté 2 Bekpààtibè 25:23-24)*

⁷ Behāāpòmbè iwēi yembè nè betábè bèè do ciétóo kè bèe keè Babidōnni kóo kpààtì kànnemè Kedadia kòò bo mbaké be èi, kòò bàñne kòò bo mbaké bèè í màke dèmarè, benitidaabè nè benitipòbè nè ibí bè í pī mbè ke kōnnè Babidōnni.

⁸ Kè de kó behāāpòmbè iwēi yembèe kàte Kedadia borè Misipaa. Bèè yètè tu Netanniyau bire Isimayēeri nè Kadeya bí idé Yoananni nè Yonnatāā nè Tannēumeti bire Kedadia nè Netofaa èi kou Efaii bí nè Maakaa èi kou Yasanniyaa bembè nè be kàbe.

⁹ Kè Ayikammu bire Kedadia Safāā yaàbire bè dōunnè dinùù bembè nè be kàbe ke dò: Mpīnnè Babidōnni èi kàbe kó mutōmmú ke bá nyīkù. Mbonè dihéi kēmpī mBabidōnni kóo kpààtì tōmmú. Di bo mbo kè dè di naati.

¹⁰ M bomu Misipaa kè Babidōnni kàbe kéríní mīl yóó bè yà nè di kó difòtìrì. Ntōūnè di tebe ke dōori menà, ke dèi tidiiti ke dii mekùò nke āā di buò miēke, kénkari di ekè bè di duó nyè.

¹¹ Sudaa kó kuwuò nkàbe bèè do bo Māabu tenkè nè Amōniibe kàke nè Edomiibe kàke nè bèè bo yehékè tēyè miēke kè bèe keè Babidōnni kóo kpààtì sùómme

bèmabè Sudaa tenkè ke tããté Safãã birɛ Ayikammu kó debirɛ Kedadia kòò bo mbaké.

¹² Kè Sudaa kó kuwuo nkabe bɛmou bèè do ciété kɛmbo yehékè tɛyè. Kè bèe wɛtɛní Sudaa tenkè Misipaa Kedadia borè, kètõũ be tebe péu nè bè kùòtìnè yè menaà.

*Bè kùòmè Kedadia
(Wénté 2 Bekpààtibè 25:25-26)*

¹³ Diyìè mari Yoananni Kadeya birɛ nè bɛhããpòmbè bèè do ciété kè bèe kɛtɛ Misipaa Kedadia borè,

¹⁴ kòò nàké ke dò: A yé ke dò nhAmõniibe kpààti Baadisi tõnní Netanniya birɛ Isimayɛeri ke tú bè da kuà? Bá Ayikammu birɛ Kedadia í nyie nke dò mbè nàá ntì tu timómmõnti.

¹⁵ Kè Kadeya birɛ Yoanannii náké Kedadia disòri Misipaa ke dò: Duó nkè n kɛtɛ kékũ Natanniya birɛ Isimayɛeri. Òmòu í yó ntì yé, kè mɛè dɔke ò yóò da kuõmu, kòò mɛ nda kũ Sudaa kabe bèè tìkú a borè bè yóò ciétému kè Sudaa kó kuwuo nkperɛe deè.

¹⁶ Kè Ayikammu birɛ Kedadia náké Kadeya birɛ Yoananni ke dò: A nàá ntì Isimayɛeri ñnkè tì tu siyáábisí nsi.

41

¹ Dibenni tãnkù yiénnwè miɛke nke Edisamaa birɛ Natanniyɛeri kó debirɛ Isimayɛeri wèè do tú tɛkpààticìtè kou waámmè benitibè tɛpítè Amò eì kè bèe ò nɛínè kè bèe kɛtɛ Ayikammu birɛ Kedadia borè Misipaa kè bè nkari ke yo.

² Mɛmɛ Isimayɛeri nè benitibè tɛpítè bèè ò nɛínè bè itémè kékõũ Kedadia kuseuku kékũ. Babidõnni

kóo kpààti weè do ò tããté kédúó nkòo mbaké Sudaa tenké kàbe.

³ Kè bèe kuɔnè Sudaa kó kuwuɔ nkàbe bèè do bonè Kedadia Misipaa nè Babidɔnni kó behããpòmbè bèè do ò bonè.

Isimayɛeri kùɔmè bèè kàtení Sedisadɛmmu Kuyie mbáammu

⁴ Bè kùɔ Kedadia kè dè mmàke yewe yèdèè ndi bá òmòù í yé ke dò mbè ò kùɔ.

⁵ Kè benìtibè sipísìnii íténi Sisemmu nè Sidoo nè Sammarii kékúó be debii, kè be yààti kèrí ke yòrí kè be kònti yòrí kè bè tɔ yepãrè nè tihúúnti ke bo tì tùò nti Yiè nKuyie nku cǐtè mièke.

⁶ Kè Natanniya bire Isimayɛerii yènní Misipaa ke bè co, ke kònti. Ò tùòkení dii mǎnni be borè ké bè nàké ke dò: Kàtenèni Kedadia cǐtè.

⁷ Bè tùòke dii mǎnni diheì cuokè kè Netanniya bire Isimayɛeri né bè fié kécúó difòtìrì mari mièke, wenwe nè o kàbe bèè ò bonè beè do wènné ké bè kùɔ.

⁸ Benìtibè mabè beè né do bo de mièke tepíitè ke nàké Isimayɛeri ke yí: A báá ti kuɔ, ti mǎkemu tidiiti nè mèkùò nnè macekùò ke dè sǎnne depaa.

Bè do me nhò nàké kòo bè yóu ke í mbè wènnénè be kàbe ke kùɔ.

⁹ Isimayɛeri do bè kùò kécúó dii fòtìrì mièke, okpààti Asaa do duó nkè bèe keú dindi Isidayɛeribe kóo kpààti do ò dokùnè dii mǎnni. Isimayɛeri do di mbè cúó kápíe.

¹⁰ Ò dèè memme kèpǐmmú besɔmbe bèè kpaá Misipaa nè okpààti sapùmbí. Bèè kó dimàà cénke do kpaá diheì, Isimayɛeri do be mpǐmmú ké mbè tɔ ke kùntinè káyènnè Amòniibe tenké. Nebusadadanni

wèè baké tihããpòntì tìi bàa okpààtì ò do duó mbè mbe Ayikammu bire Kedadia kòo mbè baké.

Bè deetémè Isimayeri pī mbè

¹¹ Kedeya bire Yoananni nè behããpònkótíbè iwěĩ yembè beməu bèè do ò bonè kè bèe keè meyei Netanniya bire Isimayeri dòò mè.

¹² Kòo túóté behããpòmbè beməu kè bèe kəte kédoo Isimayeri mudoò dè do ś nyIsimayeri bo Kabaõ kó kukó ntaké nke.

¹³ Isimayeri do pīrmú bè beməu bè yà dìi m̀nni behããpònkótíbè neínèmè Yoananni kè dèe bè narike mediè.

¹⁴ Memme Isimayeri do pīrmú bè Misipaa kénkūntinè bè kòh́témè kétūnne Yoananni.

¹⁵ Kè Isimayeri yie coké kè benitibè bèni ò neinè kè bèe kəte Aməniibe cie.

¹⁶ De kó difōnkúò Yoananni nè behããpònkótíbè iwěĩ yembè bèè do ò neinè kè bèe túóté benitibè səmbə Isimayeri do kùə Ayikammu bire Kedadia Misipaa kəpīrmú bè. Ò do pīrmú behããpòmbè mbe nè benitipòbè nè ibí nè bè f̃mmu bè kè bè pī ntekpààticiètè mieke mutōmmú, ò do pīrmú bè Kabaõ beməu.

¹⁷ Kè bè nkérí kəbáté tepòòc̃iètè tèè bo Kimmammu Betideemmu také ke bo p̃èèté kəkəte Esibiti.

¹⁸ Ke yé bè do démè Babidənni kəbe, Isimayeri do kùə mèè kpéi Kedadia Babidənni kóo kpààtì do tāāté wè kòò baá ndihèi.

42

Sedemii kpənnèmè bèè d́ kəkəte Esibiti kəsərinè dikònni

1 Δε μὸννὶ κὲ behãāpòmbè iwēĩ yembè bẽmou nẽ Kadeya birẽ Yoananni nẽ Osea birẽ Yesanniya nẽ benìtibè bẽmou besámṙóbè nẽ bẽdiẽbè kὲ bẽe kαtení

2 m borè mí nSedemii kὲ n náké ke dò: Ti do ò nsũmu ke kraá yíe nsámṙó ke ma a me nti wúó nkè ti mamè. Yie nti yóó da náké ti kébántè a Yiè nKuyie, beé nku ti kpéi tínti bèè kraá,

3 kὲ dèe yie nkàa Yiè nKuyie nti benke kuçe ti dò nkéntũ nkù nè ti dò nkéndɔ̄rimè.

4 Mí nSedemii kὲ m bè tẽnné ke dò: N kèemu ke yóó bántè ti Yiè nKuyie, kéndò ndi ti nni mbekemè, kὲ ti Yiè nKuyie nni mbenke tii kó dimàa n yóó ti ndi nákému n yí yóó di sɔnne tĩmatì.

5 Kè bè n tẽnné ke dò: Kuyie nti wúómmu ke tú timómmanti yiè ke dɔ̄ri kù béi nti, kὲ ti í dòò kù bo da náké ti kàa ti náké, ti Yiè nKuyie nti potè.

6 Ti Yiè nKuyie mbo da náké ti ke dò a ti nti náké, kὲ tisààti nti yoo tiyeyiti ti yóó ti dɔ̄mu, memme diwèi bo ti pĩmmè ti yie mmèè kpéi nti Yiè nKuyie nkó dinùù.

7 Kè dè nyóó yĩ yewe ntepiítè kὲ ti Yiè nKuyie nni mbéinnè,

8 kὲ n yú Kadeya birẽ Yoananni nẽ behãāpòmbè iwēĩ yembè, ke né yíènè benìtibè bẽmou,

9 kὲ bè nàké ke dò: Di do n tō nke dò m bántè ti Yiè nKuyie nyIsidayɛeribe tũ nkù, ntenè kù yē mmù, kù tu:

10 Kè di baa sàké ke bo di nheì mieke,
m bo dɔ̄ ke di kanne, m báá di pɔnte,
m bo di fíĩmmu m báá di uutè bìtì,
dè n yóũmu n di dòòmè meyei.

11 Kufōwaá mbá ndi bonè Babidɔ̄nni kóo kpààti di me nhò démè,

mí ndi Yiè nKuyie mmû tu di bá nhò yĭ̀kù,
 n di bonèmu ke yóó di deeté,
 n yí yóó yóu kòo di kááké.

¹² N yóó di kuómmu mesémmè,
 kénte kòò di kuó mmesémmè kéduó nkè di wētení di
 tenkè.

¹³ Kè di me nyĩ di í dó kémbò dihèi dii mmieke, kè
 di í kènté di Yiè nKuyie nkó metammmè,

¹⁴ kè di yĩ di kəri Esibiti nwe mudoò í yó mbo kè,
 di í yóó keè kè ditāteheù dabònni, dikònni í bo kè ke
 nkè mbo.

¹⁵ Né keènè ti Yiè nKuyie nnáa ntì, díndi Sudaa
 kòbe bèè kpaá súó nkù tu:

Nte mí ndi Yiè nKuyie Mpaakedaa,
 díndi Isidayεεribe di tũ nkù n tú mù:

Kè di yete, ke kòte Esibiti ke bo kari,

¹⁶ mudoò di yē ndi cokùnè mù muù di doti de bíékè,
 dikònni di sərìnè di,

di yó ndi tũmmu kétuakènè Esibiti kè di kú deborè.

¹⁷ Bèè kó dimàa bo tāāté kékò nhEsibiti ke bo səri,
 mudoò bo kè mbè kònnè yoo dikònni, yoo
 mutenkũũ,

ke yé òmòù í yóó namè kéyenténè meyei n dó ké di
 bəntémè.

¹⁸ Ke yé di Yiè nKuyie Mpaakedaa díndi Isidayεεribe
 di tũ nkù béimmèmu ke tú: Mí ndi Yiè nKuyie m
 miεke do do mēè botí Sedisadεmmu kòbe, kè me ndi
 doti kè di kperε bo naá mmesémmè kè nsà kè di kòte
 Esibiti. Kè bè ní nnáa ndi kpéi bè dó képarikè dii
 mōnni yoo bè dó kébənté dii mōnni kusĩnkù yoo bè
 senkèrì dèmarè ke de wùó nyisíé. De mōnni di ténke
 báa yà dihèi dii mbìti.

19 Díndi Sudaa wuɔ nkɔbe sɔmbe, di Yiè nKuyie nkuù tu di báá kɔte Esibiti kè n tì ndi náá nyíe, nyɛ̀nè tì weti weti.

20 Ke yɛ̀ díi soutémè dimáà, díi nàké ke yɛ̀ m bántè di Yiè nKuyie ké kù beé, kè kù n nàké tì n di nàké, kè di yóó yiemmu kédòò kù yɛ̀ mmù.

21 N tì ndi nàké yíe ndi me nyí dó kékénté di Yiè nKuyie ntú mù, kù n nàké tì timɔu ke yɛ̀ n di nàké, di tì yetemu.

22 Banténè tũnké ke dò mmudoò muù yóó di do yoo dikònni yoo mutenkũũ, di tããté ke dó kékɔte dii èi kéom̀pè di miɛke.

43

Bè tɔmè Sedemii nè muwɛ́rímu ke kònnè Esibiti

1 Mí nSedemii kè n nàké benitibè bɛmɔu ti Yiè nKuyie nní nnàké tì timɔu kè m bo bè nàké.

2 Kè Osea bire Asadia nè Kadeya bire Yoananni, bembɛ itookperí yembè kè bè n tɛ́nné ke dò: A soúmmu ti Yiè nKuyie nyí da nàké ke tú ti báá kɔte Esibiti ké kè kàri,

3 Nediya bire Baduki weè da sũkú ti kpéi kàa bo ti ãnné Babidɔnni kɔbe nɔu miɛke kè bè tí kuɔ yoo bè tì pĩmmú kékònnè Babidɔnni.

4 Mɛ̀mmɛ kè Kadeya bire Yoananni nè o ããpòntɔbè iwɛ́i yembè nè benitibè bɛmɔu kè bè í nkènté ti Yiè nKuyie mbè nàké dii nùu ke tú bè mbo Sudaa tenkè.

5 Kè Kadeya bire Yoananni nè o ããpòntɔbè iwɛ́i yembè kè bèe túóté benitibè bɛmɔu nè Sudaa kɔbe bèè kpaá, bèè do ciété kɛmbo iwuɔ ntèi miɛke ke wète ke konní Sudaa tenkè ke bo kari.

⁶ Benitidaabè nè benitipòbè nè ibí nè okpààti kó besapàmbè, benitìbè bēmou Nebusadadanni tihāāpòntì tìlì bàa okpààti ti kóo kòtì do bànnè bè Ayikammu birè Kedadia, Yafāā yaābire kēwēnnénè mí nKuyie mpāānāaṅtì náaṅtò Sedemii nè Nediya birè Baduki.

⁷ Kè bütínné Kuyie ndo bè nàké tì kékété kénkòri Esibiti kētuàkè dihèl bè tu dì Tapanesi.

Sedemii nàkémè bè yóó pàntemè Esibiti

⁸ Kè Ti Yiè nKuyie nní mbéinnè Tapanesi èl mièkè kè dò:

⁹ Sedemii túóté yetárè dieyè kè yè fíinnè sìmáà Esibiti kpààti cīètè tèè bo Tapanesi tē kó kudànkù dibòrì borè, kè nyè fiiku kè Sudaa kó kuwuò nkòbè dè bo.

¹⁰ Kàa bè nàké kè dò: Mí ndi Yiè nKuyie Mpakēdaa Isidayēeribè tū nkù, mī tu n yóó tōmmu kè bèe yúní Nebukannesaa n kóo tōntì, kè n fíí nho kpààtikàrì yetárè bè fíí nyè ñnkè, kè wèe pité o kpààtiyààkù yè ñnkè.

¹¹ Ò kòrinímu kè bo poté Esibiti èl kè bèè dò nke kú kè bèe kú, bè dò nképímmú bè kè bèe bè pīrímú, bè dò nkékuò bè mudoò mièkè kè bèe bè kùò.

¹² Ò bo còu nhEsibiti kó yebòtuò, kèto dè kó yebòkè kékonnè, ò bo kpááaté Esibiti èl kó yebòkè onaacēnti ã kpááaté mēè botí yeciisè o yààti. Ò yóó mē nyí kédeè, kèité bàmmùù.

¹³ Ò bo può ntebòatenkaanìtè tèè bo Bèti-Semesi Esibiti tenkè mièkè kécòu nyebòtuò yèè bo Esibiti tenkè.

44

Kuyie nkpannè tì Sifube bèè cokè kè kòte Esibiti

¹ Kè Ti Yiè nKuyie nní mbéinnè mí nSedemii Sifube bèè bo Esibiti tenkè Mikidodi èi kòbe nè Tapanesi èi kòbe nè Nofu èi kòbe nè Patidoosi kó kutempè òkòbe kpéi nke dò:

² Mí ndi Yiè nKuyie Mpakédaa Isidayeeribe tũ nkù mĩ tu, di yàmu dimòu meyei m bonté mè Sedisademu nè Sudaa kó yehékè yemòu mièke, nte de kó yehékè yíe nke dounko ke naá ntidobontì, bá òmòu ténke í ã ye mièke,

³ di dòò mèè yei nke tuò nyebòkè tihúúntì di do í yé yè dindi nè di yembè, deè te kè m mièke di yonke.

⁴ Kè n di duónko sãã n kó betòmbè m pãñáañtì náam̀bè kè bè di náá nke tú di bá mpĩ nyisòke kó mutòmmù, mù n dò nyisíe nyi.

⁵ Di me nyí kèè, di í kènté, di í cèète ke bo bútinné di yei nkéyóu yebòkè tihúúntì mutòmmù.

⁶ Mèmmè kè m mièke di yè mèdiè nke tonté ke di còuté muhãã nkõme, Sudaa kó yehékè nè Sedisademu kó ice kè dè naá ntidobontì ke dounko dè mè ndòmmè yíe.

⁷ Di mmònnì mí ndi Yiè nKuyie Mpakédaa Isidayeeribe tũ nkù n di náammu ke tú: Ba nkpeí nte kè di dõri dimáà meyei ndiemè miè nke deu ditòbè díndi Sudaa wuò nkòbe, benitidaabè nè benitipòbè nè bebémbè nè ibí sám̀pòì, di dó di kó kuwuò ndeemu, bá òmòu bá nsúónáà?

⁸ Dè dòmmè kè di dõri dèè bo yonke m mièke, ke tuò ntihiúntì yebòkè Esibiti èi mièke di kòte kè ke kari? Ke deu dimáà ke dó bè ndi senku ke di sãã nyibotí imòu mièke.

9 Di yèmmu di yembè kó meyi, nnè Sudaa kó bekrààtibè kōme, nè be pobè kōme, nè di mómmōmbe di kó meyi nnè di pobè kōme, dimou memme di dōòmè Sudaa tenkè, nè Sedisademmu kó dihei mieke di dè yèmmaà?

10 Nè yíenní ke í mōòte idebli, kufōwáá nyí di pī, di í tūnne n kuó nè n tié n di duó nyí díndi nè di yembè.

11 Dèè te mí ndi Yiè nKuyie Mpakēdaa Isidayeeribe tū nkù kè n tu n tāātēmu ke bo di caàrè, Sudaa kó kuwuo m bo kù dèite páíí.

12 N yóó túótēmu Sudaa tenkè kōbe sōmbe bèè tāāté ke kàte Esibiti ke kàri, n yóó bè kùòmu páíí Esibiti èi mieke. Mudoò bo bè kōnnè yoo dikònni, bè bo kú bemou ibí nè ibíbénní nè bekótibè. Be kperε bo naá mmesémmè, kè bè ní nnáá mbe kpéí bè dó képarikè dii mōnni, yoo bè dó kébōnté dii mōnni kusīnkù, yoo bè sènkèrì dii mōnni dèmarè ke dè wùó nyisíé.

13 N yíté ke còmmúmu bèè bo Esibiti èi mieke be kpéí ke bo bè poté n dōòmè Sedisademmu èi kōbe, mudoò bo bè do nè dikònni nè mutenkūū.

14 Sudaa kōbe bèè kraá ke kōtení ke bo Esibiti nè be yèmmè mieke ke dó kéwēte kékò. Be mieke òmòù bá nkraá bá òmáá, kè de mènke sàà í tú bèè bo na kéyenté bèmbe.

Bèè do tuòmme tihúúnti dibòò bè do tú di oīnkèmpokpààti

15 De mōnni benitibè bèè do yé ke dò mbe pobè tùò ntihúúnti yebokè nè benitipòbè bèè do dè tikú ditīnni dièrì nè bèè ã Esibiti kó dihei bè tu di Patidoosi di mieke, kè bè n tēnné mí nSedemii ke dò:

16 Tináaàntì a tú ti Yiè nKuyie nyè nha ti náké tì, ti tì yetemu.

17 Ti nò béi ntì ti yóó ti ndòò, ti yó ntuommu tihúúntì dibòò Asitaditee, koò pãännè yepãrè bè òò yòore yè menaà nkétuò. Ti yembè nè ti kó bekrààtibè bè do me nhõ nSudaa ekè mièke kè ti me nyo nke sànnè, ke bo kè dè ti naati, bá ti í yau meyei mmamè.

18 Nè ti yóu dùì yiè ti bo ntuòmmè tihúúntì Asitaditee nè ti bo nhò pãämmè yepãrè yèè yòore menaà nke tuò, nè de yiè ndi ti pààmè demou, kè bè ti duò mudoò ke ti kòu kè dikònni ti kòu.

19 Kè beè nitipòbèe béi nke dò: Ti ò ntuò ntihiúúntì oĩnkèmpokpààtì Asitaditee ke pèmmù tipémpèhntì koò dònnìnkònè koò pãännè menaà nkó yepãrè kè ti daabè yému, dè í tú ti dè dòòri disòri.

20 De mònni mí nSedemii kè nkpannè Isidayeeribe bemou nè benitidaabè bemou nè benitipòbè bemou, benitibè bemou bèè kó dimàà do ti béi. Kè m bè kpannè ke dò:

21 Di tuò ntìi úúntì Sudaa tenkè kemou nè Sedisademmu èi mièke, díndi nè di cicèbè nè di kó bekrààtibè nè bèè tu diheì kó bekótibè nè diheì kòbe bemou. Di yèmmè dò nti Yiè nKuyie nyí yému de kó meyeinaà? Di yèmmè dò nkù mè yèmmaà?

22 Ti Yiè nKuyie nyí na ke pĩ nkumàà nè di kó tidònnitì kpéi, nè isòke kperè di dòò dè. Deè te kè diheì naá ntidobontì, ke dójunko ke naá mbè còò di, bá òmòu ténke í ã di mièke, dè mè ndòmmè yíe.

23 Di tuò mmèè kpéi nyebòkè tihúúntì, ke càke di Yiè nKuyie nke í yíe nku kó dinùù, di í tūnne ku kuó nè ku tié nnè ku tannò deè te kè meyei mmie ndi tùòkení dè me ndòmmè yíe.

24 Mí nSedemii n dèè tinti kénáké benitidaabè bemou nè benitipòbè bemou ke dò: Díndi Sudaa kòbe bèè bo Esibiti keènè ti Yiè nKuyie ntú mù:

25 Ti Yiè nKuyie Mpakεdaa Isidayεεribε tũ nkù tu díndi nè di pobè di búi mmu ke mènke ti dḁḁ. Di búi nke ĩkú ke tú díndi í yóó yóu di bo ntuḁmmè oĩnkεmpokpàtì Asitaditee tihúúntì koḁ pāānnè yepārè mēnaà nkpeye. Dḁḁnè tũnké di búi ndi nù.

26 Né keènè ti Yiè nKuyie ndi náá ntì díndi Sudaa kòbe bèè bo Esibiti. Kù tu: Mí di Yiè nKuyie m parikēmu nè n kó diyetidierì ke tú díndi Sudaa kó kuwuḁ nkòbe ḁmḁu ténke báá aate o nù kēparikēnè n yētìrì Esibiti kó ketenkè miεke kényĩ: Ti Yiè nKuyie mbomu.

27 N dààtenímu di kpéi ke bo di cààrè, dè í tú m bo di dḁḁ mēsaà. Díndi Sudaa wuḁ nkòbe bèè bo Esibiti bè bo di do mudoḁ ke di kùḁ yoo dikōnni ndi kḁu ke yàà di dèènè.

28 Bèè bo yenté mudoḁ miεke Esibiti kékò nSudaa tenké bè báá tuḁke bèdébè. Díndi bèè kó dimàà ĩténì Sudaa tenké ke kḁtenì Esibiti, di miεke bèè bo nkpaá bè bo banté ké nsà kè mĩ kó tináàntì di yoo di kpεti tì di.

29 Nte dèè yóó benke kéndò n yiti ke bo cómmú di kpéi nké di cààrè dikàrì dii, di yóó de mbanté ke dò n nàké mèè yei ndi ĩnkè mè bo dḁḁ.

30 Mí ndi Yiè nKuyie mĩ búi nke tú n yóó ānnēmu Esibiti kóo kpàtì Ofidaa o dootitḁbè nou miεke nè bèè wanti o kũũ, n dḁḁ mèè botì Sedesia Sudaa kòbe kóo kpàtì koḁ ānné Nebukannesaa Babidōnni kóo kpàtì nou miεke wèè do tú o dootitḁu koḁ dónè mukũũ.

45

Sedemii yàúkùnnemè Baduki kònti

¹ Sudaa kàbe kóo kpààti Sosiasi bire Sosakimmu bo dii m̀onnì o kpàti benni dinaannì mí nSedemii kè mbéinnè Nediya bire Baduki. N do ã nwe nnáá nkòò wàũ dipátiri miεke. Memme kè n dò:

² Ti Yiè nKuyie ntinti Isidayεεribe ti tũ nkù kuù da náánnè f́ mBaduki ke tú:

³ A me ntúmè a t̀d̀ti ice, kàa Yiè nKuyie nda yìè tih̀d̀ti a yeñcaàrìmè ìnkè, kàa fiu ke wei kètú ũũ ke í pieti meom̀p̀m̀m̀.

⁴ Ti Yiè nKuyie ntu kù p̀d̀ nkù do maá d̀nd̀e, ke u kù do fií ndè, ke yóó me ndòò ketenkè kem̀u.

⁵ Kè f́ nné wanti d̀marè dierè a móm̀muo nha kpéinnáá?

Bá nwanti d̀marè, kù yóó b̀nté meyei mme benitibè bem̀u.

Kù yóó da deetému kàa fòm̀mu ntú a kó ticõnti bá kàa bo kùù píku.

Kunku Ti Yiè nKuyie nkuù béi!

46

¹ Nte Kuyie nní nnàké tì mí nSedemii yebotè kpéi.

Bè namè Esibiti kàbe Kadikemiisi

² Kuyie nnàké tì Esibiti kpéi nè o kó behããpòmbè, nè be kóo kpààti Neko, ò do bo Kadikemiisi nwe kukó nhEfadati m̀p̀émmè kè Nεbukannesaa Babid̀nni kóo kpààti ò do mudoò kóò na. Dè do ś nSudaa kàbe kóo kpààti Sosiasi bire Sosakimmu bo o kpàti benni dinaannì ndi.

³ Kè Kuyie ndò:

Tũntenè di dɔpìtì sánpótì nè tidietì,
kéténè kékɔte mudoo.

⁴ Bóúnè sisěĩ si kònkè,
besāndèèbè dekenè di sěĩ,
ókénè di pikè kécómmú,
sũókénè di kpāà!

Piinnè tikòntì di cĩncĩrè.

⁵ Ba nni nde n né wúómmè?
Kufɔwáá nkuù bè auté,
kè bè bótìrì ke wĩeti be fɔnkó,
kè bekɔmbòtiebe duò,
ke cokù bá bè í wěeríní,
kufɔwáá nné nku tipìtì timɔu.

Mí ndi Yìè nKuyie mĩ bėi!

⁶ Tenaàcècāate yìè mbá benné kécoké,
okɔmbòteu í yóó cooté,
kubakù yóú bíékè kukó nhEfadati kó mepéemmè,
bè de mbétírì ke duò.

⁷ Wennínwe wèè iitiní,
ke dò nkukó nNiidi ɔɔ ta menie kényiitimè?

We nkùtiri ke kpéinko,
ikó ndiɛyì kó yenéfinfirè kɔme?

⁸ Esibiti weè iitiní kukó nNiidi kɔme,
kòo nie mpieku ikó ndihèi tēmè!

Weè do náá nke tú:

M bo píe nke dátinné yehékè nè ye nìtìbè.

⁹ Sisěĩ, kéténè!

Sinaasěĩ buténè yetàrè,

bekɔmbòtiebe yènnènní,

Etiopii nè Puti de ekè kɔbe bèè nɔ nke kėí ntidɔpìtì.

Dutì èi kɔbe díndi betāntāũbè.

¹⁰ Di nyiè tu mí ndi Yìè nKuyie Mpaɛdaa kperi ndi,

diyie ndi n yóó peite ndi n dootitòbè,
 n kpàriseú bo si kénsànnè,
 n seú bo yà menitiyĩ kémuó.
 Mí ndi Yìè nKuyie mî ãnné diféúbanni,
 kubakù you kó kutempɛ kukó nhEfadati pɛém̃mè.
 11 Esibiti kàbe kperɛ dò mmesém̃mè mmɛ,
 kɔtɛnè Kadaadi mutie wammù
 kè di dó di wammù kéwammù detie detetirè ndɛ,
 mutie mamù í bo mùù bo di taà.
 12 Yɛbotè kèèmu di dimè ifei,
 yè kèèmu di kuðmmè,
 kɛ kèè okɔ̀mbòteu cootimè
 kɛ bètè otàù kè bè do bɛdé.

Bè dotimè Esibiti kàbe mudoò

13 Kè ti Yìè nKuyie nni nnáké mí nSedemii
 Babidànni kóo kpàtì Nebukannesaà kàrimè kɛ bo
 do Esibiti kàbe mudoò.

14 Pĩ̀kénè ti Esibiti,
 yeenè ti Mikidàdi èi kàbe,
 yeenè ti Manfi nè Tapanesi ekè kàbe,
 nákénè bɛ kɛ tú:
 Báátínè kɛ yé bè domè di pɛetitòbè mudoò.

15 Dè né dòmme kè di kó dibòò Apiisi do?

Dè yĩ̀mɛ kòò yàntoo?
 Ti Yìè nKuyie nkuù ò yè̀tɛ.

16 Bɛhã̀pòmbè kusũ̀kù bétírí
 kɛ duòmu bɛtòbè ìnkè,
 kɛ náá mbɛtòbè kɛ tú:
 Íténè kè ti kɔtɛ ti kàbe borè,
 ti èi bè ti pié dè,
 kéyenténè kukpàriseú yeiku.

17 Yúnè Esibiti kóo kpàtì kɛ dò:
 Kutoweku detetirè kàku yiè,

ò yóu kè dè ɔtɛmu.

18 Kè Ti Yiè nKuyie mbéi nke d̀̀:
 Tabɔɔ t̄arì d̄eunè̀mè yētārè sonye,
 Kadim̄ɛɛdi t̄arì ikúnè̀mè d̀̀m̀éèrì,
 Esibiti kóo kpà̀t̄i k̀eríní ke yó nkpén̄n̄i m̄eè botí.
 M bomu, mí nhokpà̀t̄i wèè yè̀t̄irì tu M̀pak̄eɗaa kè
 m̄i b̄éi.

19 Díndi Esibiti k̀ɔ̀be,
 p̄̀anke mbounè di nenti,
 b̀è yóó di p̄̀immúmu,
 Manfi kó dih̄èi bo d̄́únko k̀énaá ndikpáà,
 di bo cóúté k̀énaá ntidobontì.

20 Esibiti tu dinaas̄erì sà̀arì ndi,
 kè dis̄ansũ̀̀d̄ m̄e nyiténí kubakù yóu bíékè ke k̀eríní,
 di k̀erínímu.

21 B̄eh̄ããp̄òmbè b̀è yietí b̀è mudoò kpéi,
 b̀è í cáánnè yenaadakè b̀è dùnne yè,
 b̀è múnke b̀utínnému ke d̀èíté itáá,
 b̀è cokému b̄em̄ɔu,
 òm̄òù í bà̀ò,
 b̄e kó mudorimù muù t̀ù̀̀̀ke,
 b̄e ȳĩti yie di t̀ù̀̀̀ke.

22 Kè b̀è tu núóó,
 f̄ewààf̄è ɔ̄ kèè kuwaaroo k̄éyĩmè.
 B̄e dootit̄ɔ̀bè b̄eè k̀eríní dit̄ĩnnì
 nè sip̄éé̄ b̄etekũ̀̀bè t̄ẽmè.

23 B̀è yóó k̄ũ̀mu o túúkù.
 Mí ndi Yiè nKuyie m̄i b̄éi!
 Bá kù m̄e nf̄ĩrmè ke í d̀ò nkéna k̄éta,
 ke yé b̄ekũ̀̀bè sũ̀mèmu

ke dò nfecofe dòmmè,
ke í dò nkéna kékaa nkédeè.

²⁴ Ifei ìi kùò Esibiti èi kəbe,
kubakù yóú bíékè kəbe bè namu.

²⁵ Mí ndi Yiè nKuyie Mpakɛdaa Isidayɛɛribe tũ
nkù mîi búi nke tú: N yíté ke còmúmu díbòò Amə
dii bo Tabesi èi di kpéi, Esibiti kóo kpààti nè o nìtìbè
be kpéi, Esibiti kəbe nè be kóo kpààti nè bèè ò búò be
kpéi.

²⁶ N yóó bè ànnému bèè dó be kòù be nou miɛke,
bèè tu: Nebukannesaa Babidənni kóo kpààti nè o
kəbe, o kó betəmbè.

De kó difɔnkúò kè Esibiti èi wɛte kémaá di do
dòmmè nè dimənni. Mí ndi Yiè nKuyie mîi búi.

*Kuyie nyóó deɛtémè Isidayɛɛribe
(Wénté Sedemii 30:10-11)*

²⁷ Díndi n kóo tǎnti Sakəbu yaábí di bá nyĩ̀kù,
díndi Isidayɛɛribe di bù̀tì bá nduò.

N yóó di dennemu diheì détirì miɛke,
di yaábí í yó nkpaaní bè ì pĩ́mu ke kònnè kè.
Sakəbu yaábí wɛtimu ke bo kari bàmmùù
bá òmòù bá nyi kəónnè.

²⁸ Díndi n kóo tǎnti Sakəbu yaábí
di bá nyĩ̀kù, n di bonèmu,
n yóó kuəmu ibotí iməu,
n di ciè nkè di taá ìi miɛke,
m bo ì dèè m me nyí yóó deè díndi biɛ,
n né yóó di potému di mǎnnè tìi yĩ̀ti,
dè í tú n yó ndi wúónko memme,
ke dò ndi í cààrè mùmamù.
Mí ndi Yiè nKuyie mîi búi.

47

Bè nàkémè Fidisitēēbe kpéi

¹ Esibiti kóo kpààtì mu ndo í do dìi m̀nǹǹ Fidisitēēbe eì Kasaa k̀e ti Yiè nKuyie nní mbéinnè mí nku p̄ān̄n̄ān̄tì n̄ān̄tò Sedemii ke d̀:

² Kukó nkùù itiní kubakù yóu,
kù bo mpieku ke dátinné dihei nè d̀è kó dimàà bo di
mieke,

yehekè nè ye n̄t̄ibè, bè bo nkuò mbemou,
iúu bo ndáátí dihei.

³ Bè yo sisēī kó yetàrè kuòmmè mme,
sisēī kperí nsi,
sikp̄ar̄inaasēī kó kunòroo,
si c̀ēētiyè f̄ūr̄imè,

deè kpéi nte k̀e ibí cicebè ì yè,
kuf̄waá nkuù bè auté.

⁴ Fidisitēēbe bemou kó dikòù yiè dìi t̀ò̀ke,
Esibiti kóo kpààtì bo kuò bèè kó dimàà na nteennè
Tiiri nè Sitōō.

Ti Yiè nKuyie nyóó kuomu páíí Fidisitēēbe bèè bo
Kafutōō dihei
d̀i soké d̀m̀é̀r̀i mieke.

⁵ Kasaa eì k̀obe kuó meyubii mme ke kari mukũũ,
k̀e Asikanōō eì mieke d̀ò nfiúú.

Díndi Anakiibe d̀e yó nkááké de k̀e di yóu di bo
nkarimè mukũũ,
ke yóu dimàà tipontì?

⁶ Áú! F́s̄ nti Yiè nKuyie nkó kukp̄ar̄iseú,
d̀e yó nkááké de k̀a ompè,
ta a ǹr̄ik̀ù mieke ke ȳí só.

⁷ De kó kukp̄ar̄iseú bo ȳime kéom̀p̀è?
Ti Yiè nKuyie nkuù k̀ù péi

kè kù wetínné Asikanṵṵ nè dàmmèrì pèémmè kó
yehékè.

48

Kuyie mpāānāāntì náāntò nàké tì Mṵabiibe kpéí

¹ Nte ti Yiè nKuyie Mṵakedaṵṵ tínti Isidayeeribe ti
tū nkù nàké tì Mṵabu kṵbe kpéí. Kù tu:

Nṵbo èi kṵbe tūṵti ice nyi,
bè èi diì dàúnko!
Kidiyataimmu kṵbe di ifei nyi,
bè fiètemu bè èi,
dihèidiè di ifei nyi,
di domu.

² Mṵabu èi kó disānni dèèmu,
bè dàkii Esibonni èi kpéí nke, ke tú:
Tí kṵtenè ké di pṵntè ké di dèite yebotè mièke.
Fṵ mmúnke Madimenni, a nùṵ í yóó táúté ténke,
mudoò muṵ da tū.

³ Odonnaimmu èi kṵbe kuṵmmu,
ke wanti metèèmmè,
bè di pṵntemu ke dèité demṵ.

⁴ Mṵabu èi pṵntemu,
ti yomu o bí dabùṵ.

⁵ Bè dèkù Duiti tenni nè yedabùṵ nyè,
kè iúu yèní Odonnaimmu tenni kó mecutímè,
meyèncààrimè kpéí.

⁶ Cokénè kédèéte di fṵmmu,
nsarinè dikpàà kó musāmmarímú tēmè.

⁷ Mṵabu, a do tá a tṵmmú mmu nè a kpàtì,
bè yóó da pṵmmu,
kétṵ a bṵṵ Kemṵṵsi kékṵnnè,
nè di kó bebṵyembè,

nè bèè tu bekótìbè a èi miεke βεμου.

⁸ Opònti weè kèríní ke bo ta γεhekè γεμου,

dihèi marì í yóó cooté,

kubiriku kó γεhekè dìmarì í yó nkpaá,

yèè bo ditennì yè bo puo.

Mí ndi Yiè nKuyie mîi με nyε.

⁹ Duónnè Mοabu èi kοβε ifièti,

kè bèε puu kédété,

o ekè yóó dounkomu,

òmòu ténke í yó nyè ã.

¹⁰ Wèè pî nKuyie nkó mutōmmú nè tikōhñéyãati de
yìè mbo yà!

Wèè m̀ante o kp̀arisiè meyĩ de yìè mbo yà!

¹¹ Mοabu èi nè di bíkémbéntiní di bo bàmmùù nwe,

bè í p̄r̄m̄m̄ di n̄t̄ibè diyìè marì ke kònnè,

dì ìk̄ú só nwe menaà mbè tètεmè kōmε.

Dεε te kè di naatí bo sãã,

bá di kó kufōku í yaari.

¹² Bè bo di do yèè we γεε né t̀òke ke dèè, kè m bo
t̄nko bèè yóó uté di cèe, kè s̄i p̀mmu. Mí ndi Yiè
nKuyie m̄i béi!

¹³ De m̀nn̄i ifei bo p̄i mMοabu èi kοβε nè βε kó
dibòò Kemòosi, ifei do p̄iñnè mè Isidayεεriβε Betεedi

* bè do tá wè.

¹⁴ Di bo ȳime ke dò:

Ti tú bekp̀ar̄it̄ieβε, behããp̀ombè yekōmbò γεmbè?

¹⁵ Mοabu kóo p̀nt̄i t̀òkenímu,

* **48:13 Betεedi:** Sakabu do duó dè nde keyènkè kè Kuyie nhò βenke kumáà kè dèe wenté kòo f̄ií ndit̄ari (Tenketé 28:19). Kè Isidayεεriβε ndè bàá nKuyie, kè dè mboní, Sedoboammu kó dim̀nn̄i kè bèε dè dòò dit̀nn̄i (Bekp̀at̄ibè 13:1-32).

ke do yehekè mupòmmù,
ke ta mukòu o eì dapàmbè bèè tu bekperíbè.

Mí nhokpààti wèè yètìrì tu Mpakεdaa mîi béi.

¹⁶ Mɔabu kó mudorimù duunnímu ke dèè,
meyei mmèè ò doti mè kèrínímu meçãã.

¹⁷ Kɔmmúnè Mɔabu eì kpréi kémmáárì di yò,
díndi o pεetitòbè,

díndi bèè do yé o yètìrì feí ke dòmmè,

bekénè dimáá ke dò:

Ba nte kè didùò kperi dìi nkèété?

Ba nte kè kukpààtìpààti kperíkù kuu nyi kraá?

¹⁸ Díndi Dibonni eì kɔbe cúténè di kpààtikàrè
kékari tedɔnkpetè,

ke yé Mɔabu tenkè kóo pòntì di domè ke pùò ndi
cɛkperí.

¹⁹ Díndi Adowεε eì kɔbe,

yènè kécómmú ice

kébeké bèè cokù mùu te kè bè cokù.

²⁰ Bè bo di ténné tì tu:

Mɔabu tenkè kɔbe di ifei nyi ke kpeutí.

Kuónnè kéwuotoo,

pĩ̀ékénè kè kukó nhAdinɔ pεémmè kɔbeε keè bè
pòntemè Mɔabu tenkè.

²¹ Mí ndi Yìè nKuyie n kó tiyḕiti tìi do yetārè ìnkè
kó yehekè, Onɔ eì nè Yatìsa eì nè Mεfaatì eì,

²² nè Dibonni kperi nè Nεbo kperi nè Beti-
Dibidataimmu,

²³ nè Kidiyataimmu nè Beti-Kamudi nè Beti-
Mεonni,

24 nè Kediyoṭi ke yíénè Bosedaa. De kó tiyēĩti tũ̀kemu M̄abu tenkè kó yehèkè yemou yèè tǎké nè yèè dìétiri.

25 M̄abu kó diyènni bòótému,
o n̄oyōnni kèétému.

Mí ndi Yiè nKuyie m̄i b́ei!

26 Nii mbe mí nKuyie m̄ miεε kó febòòfè kè b̄εε yà kémuó nkétó k̄emmuòti. Dè tũ̀kε b̄ε bo mb̄ε daú d̄ε nde, ke ȳé b̄ε yetemè n̄ k̄peti.

27 Díndi M̄abu tenkè k̄obe díi do í daú Isidayeyeribàà? B̄ε do yuukumu kè di mb̄ε daú ke b̄ókii yeyòàà?

28 Díndi M̄abu tenkè k̄obe yènnè di ekè k̄etaá yepèrè
fíè,
d̄ònnè dimáà yek̄petinónkperε t̄m̄ε
yèè cekù ye ȳiènti yepèrè fíè.

29 Ti kèèmu b̄ε nàámmè M̄abu kó tefentè k̄p̄éi,
o fentè t̄εè d̄εuté,
o p̄òti t̄ii tonté,
o p̄òtè t̄εè d̄εuté,
ò tá omáà ndi,
o yèmmè m̄εè dò nhò p̄ēēté demou.

30 Mí ndi Yiè nKuyie mm̄i b́ei nke tú: N̄ ȳému ò p̄òt̄imè ke náá ndidiè detetirè, o t̄ómmú tú mutet̄im̄u mmu.

31 D̄εè te kè n̄ kuò ndikúdabònni M̄abu,
n̄ kuòmmu M̄abu tenkè kemou k̄p̄éi,
n̄ sáút̄imu Kidi-Edesi èi k̄obe k̄p̄éi.

32 Díndi Sibuma èi k̄obe
di d̄ònnè f̄ínyĩ kó detie nde,

n kuòmmu di kpréi,
 kè dè pḗḗté n kəmmúmè Yasēedi èi kəbe kpréi,
 di bakè do wùðmmu késénté dàméèrì mukókúó
 nkou,
 kétuəke Yasēedi kóo dàméèrì,
 kè bεpòmbè di do ke tǒũ di bε.

³³ Diwèi nè kuyènnaatí dèè ð mbo fínyĩ kó dεpaammiεke,

dè ténke í kraá di cuokè.

Mĩ duó nkè menaà nkũũ sicèe miεke,

òməù ténke í bo wèè bo nàù fínyĩ bε diyetituo miεke,
 inàntènyie nténke í yièní di cuokè.

³⁴ Esibonni èi kəbe kuòmmu ke békú metεèmmè,
 kè bε dabùò nyiè ke tuòkù Edeyade, Yaati èi kəbe
 yo metammè, nè Isoa èi kəbe kè mè pḗḗté ke
 tùəkenè Odonnaimmu, nè Ekidati-Sedisìa, ke yé
 Nimudimmu kó menie nkũũmè.

³⁵ Məabu tenkè kəbe bèè feu iwũḗ yεbəkè ke yè tùò
 ntihúúnti, m bo bè kùə bεməu. Mí ndi Yiè nKuyie
 mĩ béi.

³⁶ Dεè te kè n kuò Məabu èi kpréi kè n tammè yìè
 tεpǒmpũḗtè kǒmε, kè n dabònni yìè Kiidi-Edesi kpréi
 tεpǒmpũḗtè kó didabònni kǒmε, ke yé bè do pètè
 mùù cǎńtĩmu mù fetimè.

³⁷ Benitibè bεməu kuó mεyùbii mme nè bε debii,
 ke yòrí bε nəu, ke dàátí tifòòtǎnti.

³⁸ Məabu cǎĩ siməu kó dεdànnè yekúdabùò nyεè
 dàátí, yεkàrè yεməu yεdabùò nyε, ke yé m pòntemè
 Məabu tiyaamatì bè ténke í dó tì kǒmε. Mí ndi Yiè
 nKuyie mĩ béi.

39 Tiiténè yekúdabùò, Mɔabu domu ò di ifei nyi, ò bùtínné ke cokému. O kperε náá mmudaá mmu o pɛɛtitɔbè kɛ́í ke wè̄te ke duò tikɔ̀mbùòtì.

40 Nte ti Yiè nKuyie mbéi nti: Opòntì p̄́inte o fè̀ti nti fetúúfè kōme ke einte Mɔabu tenkè ìnkè.

41 Bè fiètemu yehékè,
ke tieke sicèkperí.

Kè Mɔabu ā̀p̄̀ombè yekɔ̀mbò yembè kɔ̀mbùòtì duò, kupɛitèyonku ɔ̀ɔ̀ ité onitipòkù kè dè ndòmmè.

42 Bè kùɔ Mɔabu tenkè kɔ̀be ke dèèmu,
be wuɔ nténke í kraá,
bè yè mbè kpenkemu ke p̄̀ɛ̀tè ti Yiè nKuyie.

43 Di pàkèmu díndi Mɔabu èi kɔ̀be,
bè di keù yef̄̀tè nyε,
ke di dii ticùòtì.
Mí ndi Yiè nKuyie m̄̀i béi!

44 Kè kufɔ̀waá nhauté wè kòò coké,
ò doti dif̄̀tìrì ndi,
kòò na ke yènní dif̄̀tìrì,
ticùòtì ò p̄̀i,
Mɔabu yè̄̄ti yiè dii tùòke.
Mí ndi Yiè nKuyie m̄̀i béi.

45 Bèè cooti bè òumu,
ke wanti disòrì Esibonni.
Kè muhā́á mmamù né yènní
okpààtì Esibonni èi ke còúté de kó inɔ̀nkperí yembè
èi,
di mànkε kèntɔ kètuɔkenè di cuokè.

46 Di bo yà, díndi Mɔabu tenkè kɔ̀be,
díndi bèè t̄̀i ndibòò Kemɔasi di fetimu,
di bí initidaaì nè initipòì,

bè ì p̄l̄r̄m̄úmu ke kònnè.

47 Bè p̄l̄r̄m̄ú bè M̄abu tenkè ke kònnè,
n w̄eti ke bo bè t̄ènn̄én̄ímu yem̄òr̄è s̄onye.
Mí ndi Yiè nKuyie m̄i b̄ei.

Ti Yiè nKuyie nàké tì M̄abu eì ìnkè tinti memme.

49

Kuyie nkpannè tì Am̄niibe

¹ Nte ti Yiè nKuyie Mpak̄edaa tínti Isidayeeribe ti
tū nkù nàké tì Am̄niibe k̄p̄eí kù tu:

Isidayeeribe í m̄ake ibià?

Bè í m̄ake w̄èè bo tieke be k̄peraà?

Dè né d̄omme k̄è dib̄ò Midik̄ommu tieke Kadi tenkè?

Ba nte k̄è Am̄niibe k̄ari be kó yehékè?

² Yewe k̄paan̄ímu k̄è m bo duó nk̄è mudoò kó iúu

dátinn̄é Adabaa Am̄niibe eidiè,

di bo cóúté nè di ek̄esí k̄éd̄únko,

Isidayeeribe bo baat̄é bèè do bè baké.

³ Esibonni eì k̄obe,

tiit̄én̄è yek̄údabùò,

ke ȳé Aii eì d̄únkom̄è,

d̄índi bèè bo Adabaa eì,

k̄omm̄ún̄è yedabùò,

d̄áátinn̄è tif̄òt̄ònt̄i k̄ékari muk̄ũũ,

ncok̄ùn̄è ke fir̄i dihei ke kuò,

ke ȳé bè yóó t̄òm̄è di kóo k̄p̄àt̄i k̄ékònn̄è,

nè o b̄òoyemb̄è nè dihei kó bek̄ótib̄è. *

⁴ D̄índi Adabaa eì k̄obe bèè yete n k̄peti,

ke p̄òt̄inn̄è di biriku, kù p̄ònt̄emu,

d̄índi bèè do p̄òt̄inn̄è di k̄p̄àt̄i

* **49:3 k̄p̄àt̄i:** Dè bo na k̄éntú dib̄ò Midik̄ommu.

ke tú òmòù í yóó dáátí ke di deke.

⁵ Nte mí nke kéroo ke bo di bonté kukõmbòdoroo.
Mí ndi Yiè nKuyie Mpakedaa mû béi!

Kukõmbòdoroo bo di fité,
kè di ciété di bíékè di bíékè,
bá òmòù báá na ke di tíí.

⁶ De kó difõnkúò n né wēti ke bo tímmu Amõniibe,
bè pírímú bè ke dòò tidaatì.
Mí ndi Yiè nKuyie mû béi.

Kuyie nkpannè tì Edõmmu eì kàbe

⁷ Nte ti Yiè nKuyie Mpakedaa tínti Isidayeeriibe ti
tũ nku nàkè tì Edõmmu eì kàbe kpéí. Kù tu:

Meciì nyembè ténke í boà?

Meciì nyembè ténke í yé bè bo tié ntàà?

Be ciì ndèèmaà?

⁸ Díndi Dedanni eì kàbe bútínnénè kécoké,
taánè titãdèntì.

Meyei mmeè doti Edõmmu eì kàbe.

De m̀nni dii tũ̀ke bè bo cuó dè tiyḕti.

⁹ Bèè tũ̀ fínyĩ kó yebe

bè tatinímu Edõmmu eì bè òõ tamè kupaku,

bè í yóó tũ̀ káyáké dèmarè.

Beyóóbè bo tanní dii m̀nni keyènkè,

bè yóó yúúkú bè dómè mme.

¹⁰ Míi yóó káúte Esayuu kó kuwuò,

bè ténke í yóó na kəsari,

Esayuu kó kuwuò ndèemu,

o tebii nè o p̄etitòbè,

òmòù í yó nkpaá.

¹¹ Dooténko iciribí,

m bo nyi piú.

Bekúpobè, di nni mbuó.

¹² Mí ndi Yiè nKuyie mîi tu, bèè do í dò nkéyã m miεε kó fεbòòfε bè fε yà kè díndi bo nsoké yáàba? Di yóó fε yãmu!

¹³ M pàrikèmu κε tú tìi bo tuαkení Bosedaa εì tìi bo ncéè, benitibè bo tìi kèè kè dèe bè di kécaàrè be yèmmè, be εì bo dαúnko kénáá ntidobontì. Mí ndi Yiè nKuyie mîi béi.

¹⁴ Mí nSedemii kè m béi nke dò: N kèè tináàn̄tì matì nti kè tìi bonnì tìi Yiè nKuyie mborè,

ku kó ditōnnì marì dii tìi tōnì κε náá nyεbotè κε tú:

Tíinnè nkédo Edōmmu kōβε mudò.

¹⁵ Edōmmu εì kōβε,

n kékūnne dí mβε yebotè yemau miεε,

benitibè bemau yó nsenku dí mβε.

¹⁶ Edōmmu εì kōβε,

di fentè teè di souté,

kè di yèmmè dò mbenitibè di dé,

díndi bèè sīéké yepèrè fíè,

κε bo yetārè yómmè,

bá kè di dèκε yetārè ñnkè,

κε ceennì di yīēntì fetúúfε kōme,

m bo di cūñnì.

Mí ndi Yiè nKuyie mîi béi.

¹⁷ Edōmmu εì bo dαúnko, bèè bo mpēnkù κε di yàù, dè bo bè di, kè bè mmáàrì be yα, meyei mmèè di tùαkení me kpéi.

¹⁸ Sodōmmu nè Komαο be kπεε dōòmè di kπεε yóó me ndαò, onitì í yó nkpaá di miεε, fenitiyanfè òmòù í yó ndè kpaá.

19 N yitoomu kukó nSuditēē kó mepereémme dicìrìcìrì
 kōme,
 ke deètòo timúsũũtì borè.
 Edømmu kabe bo coké be tenkè dimònnì dimáà,
 m bo kanne n tããté wè de kó ketenkè.
 Ke yé òmòu í bomè wèè bo m pèi,
 ocènti mòu í bo wèè bo dáátí kécómmú n yìkè.

20 Keènè mí ndi Yiè nKuyie n tããté tì Edømmu èi kabe
 kpéi,
 nè n dó kédòò tì Temaà èi kabe, tì tu:
 Bè yóó bè kpàake tipìètì tēmè mme,
 be tenkè bo dounko.

21 Bè do bèmmù nwe kè ketenkè au,
 be kó yedabùò nyèè yìè ke tuòkù tipèntì kóo dàméèrì.

22 Opònti weè pĩnte o fètì fetúúfè kōme,
 ke einte Bosedaa èi ìnkè,
 kè Məabu āpòmbè yekōmbò yembè kām̀b̀ùt̀i duò,
 kupeitèyonku òõ pĩ nhonitipòkù kè dè nhò dōmmè.

Kuyie nkpannè tì Damaasi èi kabe

23 Nte ti Yiè nKuyie Mpakèdaa tínti Isidayeribe ti tũ
 nkù nàké tì Damaasi èi kpéi ntii tu:

Amadi nè Adipadi, dè di dimu,
 ke yé bè di nàké tì í túmè tisààtì,
 tì í mme yèncààrìmè di mièke,
 kè mè kónnì dàméèrì tēmè,
 bá dèmarè í bo dèè bo mè cònné.

24 Damaasi èi kabe wèrímú dèemu,
 kè bè bùtinné ke coké,
 kè be kòntì au,
 me yèncààrìmè mèè bè pĩ,
 kuyonku òõ ítémè onitipòkù wèè kuò ndebire.

25 Dè dòmme kè bè bəntóo dihèi n yèmmè do naatinè
dì?

Dihèi diwèi do m bonè dì?

26 Bədapəmbè yóo duómu be córè, kè
bəkparinwəmbəe kú bəməu de yiè. Mí ndi Yiè
nKuyie mî búi!

27 N yóo cóu mmuhǎá mmu Damaasi èi kè mùu
cóuté okpààti Benni-Adadi kpààticéí.

Kuyie nnàké tì Adabube kpéí

28 Nte ti Yiè nKuyie Mpaƙeɗaa tínti Isidayeeriɓe ti
tū nkù do nàké tì Ƙeɗaa kó kuwuɓ nkɔɓe nè Asɔɔ
kó yekpààtiyɔ kɔɓe Nɛbukannesaa Babidɔnni kóo
kpààti yóo na bè. Kè ti Yiè nKuyie mbéi nke dò:

Íténè kédoo Ƙeɗaa èi kɔɓe mudoò,
puɔnnè diyìè yìèní kèè bíékè kɔɓe!

29 Fekənè be touti,
nè be wūɗ nè be yààti nè be nenti,
kékɛke be yòyóbè,
ké bè uu tipíti timəu,
kè kufɔwáá mbè pī.

30 Díndi Asɔɔ èi kɔɓe cokénè kédéíté itáá,
kétaá titādènti,
ke yé Nɛbukannesaa Babidɔnni kóo kpààti
tāāté ke bo dɔɔ tì í wennimè,
ò tāāté di kpɛti ke dèèmu.

31 Kè Ti Yiè nKuyie ndò:

Ƙɔtɛnè ké bè do,
bè kàri ke í yīèkù,
tìmatì í bè kóónnè,
be bòrè feíomu,
bè í mɔke yecàkè ketíke,

bè kàri, ke cǎá mbe máà ndi.

³² Fekènè be yòyóbè,

kéheí be wũḵ sũkùyi!

N yóó bè cíemmu itemmànke inàà miéke.

De kó benitìbè bèè kuò be tempáàtì,

m bo mbè bəmmù meyei ntipiitì timəu.

Mí ndi Yiè nKuyie mǐ béi.

³³ Asəə eì bo naá nsikpaməó kó diāri,

dì bo dǎúnko sǎá,

onitì ténke báá dè kàri nè dì bo mbomè,

fənitianfè òməu bá dè bàté.

Kuyie nnàké tì Edamiibe kpéí

³⁴ Sudaa kəbe kóo kpààtì Sedesia kpàtì ketírí dǐi
mònnì ke ti Yiè nKuyie nní mbéinnè ke dò:

³⁵ Mí di Yiè nKuyie Mpakədaa

n yóó kéétəmu Edammu eì kəbe tǎmmù,

be wērímu kó dikūnnì.

³⁶ M bo ínní kuyaakù itemmànke inàà,

kè kùu bè fùute.

M bo bè cie nyebotè yeməu miéke, kubotí makù i
yó mbo bè í yóó coké kétaá kùu miéke.

³⁷ M bo duó nkè Edammu eì kəbe nkpeutí be

dootitəbè ìlkè

bèè bè dónè mukūŭ.

M bo bè bənté meyei,

m miéke kèè bè cǒu mmədiè.

N yóó bè bənté mudoò mmu,

kè bè mbè kǎu ke yàa bè dèènè.

Mí ndi Yiè nKuyie mǐ béi.

³⁸ N yóó puəmmu Edammu eì kóo kpààtì,

nè o tǔmbè,

ke fíi n kpààtikàrì.
Mí ndi Yìè nKuyie m mî búi.

³⁹ Yemòrè sonye,
n né yóó wête kéténnénímu Edammu èi kàbe,
bè do pīrmú bè kédòò tidaatì.
Mí ndi Yìè nKuyie mî búi.

50

*Bè nàkémè Babidōnni kó mudorimù kpéi nnè Kuyie
nyóó deetémè Isidayeeribe*

¹ Nte Ti Yìè nKuyie nní nnàké tì mí nku pāānāāntì
nāāntò Sedemii kè dè ntukúnè Babidōnni èi nè
Babidōnni tenkè kemou:

² Pīēkénè ti yebotè yemou miēke,
yeenè be ti,
cónnénè mekpàricannimè.
Pīēkénè ti di báá tì mbè sōnne,
yīnè Babidōnni domu.
O bōōtenkaanìtè Bēēdi di ifei nyi,
kufōwáá nkuù auté Medeki,
o bōōtenkaanì di ifei nyi,
kufōwáá nkuù auté yebakè.
³ Kubakù yóú bíékè kàbe bēè bè do,
ke bo bè pònte,
kè be èi dōúnko,
òmòù ténke bá nhā di miēke.
Benitibè nè iwūō demou dè bo cíété,
dèmarè ténke bá ndè bo.

⁴ Dē mōnnì Isidayeeribe nè Sudaa kàbe,
bè bo wēnné kēwētení mí nKuyie m borè,

kénkɔnti ke n wanti mí mbe Yiè nKuyie.

⁵ Bè bo mbékute Siyɔ̃ kó kuce,

bè bo túóté be ìkè kéwetínné Sedisadεmmu εì.

Bè bo nnáá mbetɔ̀bè ke tú:

κɔtenèní kè ti taunnè timáà ti Yiè nKuyie,

ke ténke báá yè nde kó metaummè nè ti bo mbomè.

⁶ N nitibè do sãáténè tipìètì tùi feti tìnti,

be kó becẽmbe beè do bè fétinne,

kè bè nháá nyetārè ìnkè,

ke dekù sitãá ke cánnì,

ke yè mbe pedie nkpréí.

⁷ Bá wè kòo mbè pieti,

ke pĩ nke cáá,

ke náá nke tú:

N kpeti í bè bonè,

bè yeténè be Yiè nKuyie nku,

kùù d̀̀̀̀ri kù nàá ntì,

kunku be yembè do búó kù.

⁸ Yènè Babidɔ̀nni kó dihèi,

òm̀̀̀̀u bá nkpráá Babidɔ̀nni kó ketenkè mieke,

niiténè deyìkè,

yebɔ̀dakè ã̃̃ niitémè kubɔ̀c̃̃nku.

⁹ N yóó duó nkè kubotí diekù kɔbe beè do Babidɔ̀nni

kɔbe,

bè itiní kubakù yóú bíékè nke,

ke bo do Babidɔ̀nni εì ké di p̀̀̀nte.

Be pie nyó ndònnè otãnnuɔ̀nti kpreyi ð ndòmmè

m̃̃̃,

be pie nyí duò ketenkè.

¹⁰ Bè bo εí Babidɔ̀nni εì kɔbe kpreε,

bèè bo dè εí bè bo di kéde.

Mí ndi Yiè nKuyie m̃̃̃ bíi.

11 Dè ndi naati kè di nyānku,
 díndi bèè yóó εί δὲ do tú n kperε,
 mputinè yenaaserè kōme,
 nkuònnè yesāndakè ð nkuòmmè.

12 Di kó diheikótírì di ifei nyi,
 di kó diheikótírì bè di pèltemu di ta ifei miεke nke,
 di naá ndifōnkúò kperi ndi yehεkè miεke,
 ke naá ndikpráà tedōntè kperi,
 tetentè timútì í yìè dè ténke.

13 Ti Yiè nKuyie mmiεke kèè di yè,
 nè de kpréi òmòu ténke í yó mbo de kó diheì miεke,
 di yóó dōúnkomu,
 bèè kó dimàà bo ndè pēnkù ke di yau,
 bè bo mmààrì be yò,
 tì di tùòkení ti kpréi.

14 Díndi be tāntāũbè, cómmúnè kékénnè Babidōnni,
 poténè be ipie,
 di bá nyĩèkù ì bo dóntémè,
 ke yé bè yeténèmè ti Yiè nKuyie nku.

15 Uunè tipūtì timòu fekparihúùfè,
 bè yĩεkemu kè be dèrè duó,
 be duotí yànte yantemu,
 ti Yiè nKuyie nyóó pèite dii yìè dii tùòke,
 pèitenè, fōónnè be bè di dòò dè.

16 Kuonè bèè buotì,
 kuònnè bekēĩbè Babidōnni èi miεke.
 Mudoò mùù doti Babidōnni mù í sénní,
 bá wè wèe wammú o kòbe bo kèè bíékè,
 bá wè kòo kò nho ciε.

17 Isidayεeribe dōnnè tipìètì tì feti tìnti,

kè yecìrìcìrè bè bèti.

Dicìrìcìrì ketirì dì bè càáké dì tu Asiidi kóo kpààti, dicìrìcìrì sɔnni dì dèrì yekũò kè dì tu Nɛbukannesa Babidɔnni kóo kpààti.

18 Dɛ̀ te kè ti Yìè nKuyie Mpakɛdaa tínti Isidayɛɛribe ti tũ nkù, kè kù b́ei nke tú: N yíté ke còmúmu Babidɔnni kóo kpààti nè o nítibè be kpéi ke bo bè d̀ò n d̀ò mè Asiidi kóo kpààti.

19 N yóó t́ennénímu Isidayɛɛribe be kó dinaacɛnhòò, bè bo ncenti Kadimɛedi nè Basãã borè, ke diiti timúti Efadaimmu tãrè nè Kadaadi kperi.

20 Dɛ kó yewe nè dɛ kó yem̀̀rè miɛke, bè bo wammú Isidayɛɛribe kó meyei nkémónté, kéfié Sudaa k̀be kó mecaàrimè ke báá yà, ke yé n yóó ćémmèmu besɔmbe bèè bo nkpaá. Mí ndi Yìè nKuyie mm̀̀u b́ei.

21 Donè Mɛdataimmu èi k̀be mudoò, kuɔnè Pekodi èi k̀be bɛm̀̀u, di báá súó nhòm̀̀u. Mí ndi Yìè nKuyie mm̀̀u me nyẽ.

Dí d̀ò n di nàké tì tim̀̀u.

22 Ikpàr̀̀íúú ìi dàátí diheì dim̀̀u miɛke, d̀è c̀ake d̀è í śenní.

23 Dè d̀omme kè Babidɔnni èi do? Dè ỳime kè dì d̀únko yebotè yem̀̀u miɛke, dindi dì do tú dihenk̀̀rì, ke p̀anti dem̀̀u kutenk̀̀u miɛke, d̀è d̀omme kè dì k̀éété?

24 Babidɔnni èi, n da dìi timátì nti kàa ta ti miɛke bá a í dake, kè bè da s̀̀nké ke p̀í, ke yé a dok̀̀nè̀mè mí nKuyie nku.

25 Ti Yiè nKuyie nkpeté ku kparìnentì kó ditou ndi,
 ke dènnèní ku mièke kó tikparìnentì,
 ke yé kunku ti Yiè nKuyie M̀pakeɗaa
 kù dómè kéãnné mutõmmú Babidõnni kó diheì
 kɔbe.

26 Tipùtì timəu kɔbe tínnènní Babidõnni èi,
 óóténè o buɔ kényóóté dèè ã ye mièke
 ke cóú nyecúò yecúò,
 kécóu kè dèe cóuté páí,
 bá dèmarè báá súó.

27 Kuðné yenaadakè yeməu,
 yè yóó duó dituò ndi yeməu,
 de kó yenaadakè bo yà,
 ye yé̃ti yiè dii tùàke.

28 Keèné, bèè yenténí Babidõnni,
 bè cootínímè kénáá nSiyõõ èi kɔbe
 ti Yiè nKuyie mpèitemè,
 kù pèitemè ku cēsàatè bè pònte tè.

29 Tínnè betãntãùbè, bèè yũõ ndetãnnè,
 kè bée tí mBabidõnni èi ke di munné,
 di báá yie nkòo mə̀u yenté.

Fóónnè de kó diheì kɔbe bè dòò dè,
 bè dòò dèè kó dimàà, dí de mbè yietí,
 ke yé bè benkemè be fentè nte ti Yiè nKuyie,
 kunku kùu te Isidayeeribe.

30 De yiè Babidõnni èi kó bedapàmbè bo duó
 diheì mièke, bekparìnuəmbə bəməu bè bo kú mudòò
 mièke. Mí ndi Yiè nKuyie mmî bíi.

31 M bàátí a kpéi nke,
 f́ mBabidõnni tefentè yiè,
 a m̀nni dii tùàke,
 a bo cuó dii yiè tiyé̃ti.

Mí ndi Yiè nKuyie Mpakedaa mmû búi!

³² De kó tefentè yiè nfó nha yóó bétému kédò,
òmòu me nyí bo wèè bo da íi,
n yóó còu mmuhãã mmu a ekè,
kè yèe còuté kéfíté yemòu.

³³ Ti Yiè nKuyie Mpakedaa tu:

Bè fěũmmu Isidayeribe,
ke wěnnénè Sudaa kòbe ke fěũ.
Bèè bè pĩ nke kònnè ke dòò tidaatì
bè bè pĩ nteii nwe,
ke yete bè bo bè fĩnkómè.

³⁴ Be deetiwè me nkpehñìmu,
wenwe wèè yètìrì tu Mpakedaa,
Ò yóó bè kòrínému,
kéom̀p̀unne be ei,
kébònté dikònkòðnnì Babidònni èi kòbe.

Kuyie nnakémè kù dǎ kédò tì Babidònni èi kòbe

³⁵ Mudoò muù doti Babidònni tenkè kòbe,
muù doti o kpàtì tũmbè nè meciì nyembè.

³⁶ Mudoò muù doti beyuwúòmbè,
kè bè bo naá mbebiimbè,
kufõwaá mbo auté bekpàr̀itiebè.

³⁷ Mudoò muù doti sikpàr̀isẽĩ nè sikpàr̀inaasẽĩ,
nè behããpòmbè yehékè yehékè kòbe,
bè bo dontenè benitipòbè,
be kpàtì kó sicẽĩ bè bo sì pùò,
kéhéi be kperè.

³⁸ De kó dihèi tenkè bo kpeí
kè menie nkũũ.
Ke yé dì tumè dibòòhèi ndi,
ke nònnè isòke kperè.

39 Dεè kpéí nte yekpamaà nnè sikpamaó
 kè dè bo konní de kó dihei,
 icùo ndieyì borè konní kέmbo sáà,
 nè de kó dihei bo mbomè
 onìtì ténke báá dè kàri bìtì.

40 Mí ndi Yìè nKuyie m bo kuo de kó dihei,
 n kuomè Sodømmu nè Komoo,
 nè yehékè yèè dè tàké,
 onìtì ténke í yó ndè bo,
 fenitiyanfè bá ndè kpaá.

41 Kubotí makù kuù itiní kubakù yóú bíékè,
 kuwuò ndiekù nku,
 bekpaàtikperìbè beè itiní itemmànke imou.

42 Bè nò nke tãũ ipie nyi nè yekpãà,
 bè tu benitiyonkubε mβε,
 bè í màke mesémmè,
 kè be tammè yìè ke dò ndàméèrì ò nhuutimè,
 bè dèke siséĩ nsi,
 ke kéri ke dò nhonìtì omáà,
 ke bo di do dínđi Babidənni èi kəbe.

43 Babidənni kóo kpaàtì ti nkèè
 kòo baà mbèitè,
 kòo yèmmè cààrè,
 kè dè ò yóú ke dò nhonitipòkù wèè dó képeité.

44 N yitóomu kukó nSuditēē kó mεpeémme dicirìcìrì
 kōmε,
 ke deètòo timúsũũtì borè.
 Babidənni èi kəbe bo coké be tenkè dimənni dimáà,
 m bo kannε n tããté wè de kó ketenkè.
 Ke yé òmòu í bomè wèè bo m pèi,
 ocēnti mòu í bo wèè bo dáátí kécómmú n yìkè.

45 Keènè ti Yìè nKuyie ntããté tì Babidənni èi kəbe
 kpéí,

nè kù dó kédòò tì Kandee tenkè kàβε, tìi tu:
 Bè yóó bè kpàake tipìètì tēmè mme,
 βε tenkè bo dúnko.

⁴⁶ Babidònni èi kàβε do bèmmù nwe kè ketenkè au,
 βε kó yedabùò nyèè yìè ke tuòkù yebotè yemou
 miεke.

51

¹ Kè ti Yìè nKuyie mbéi nke dò:

N yóó ínní kuyaakù makù nku kùù kòù,
 kè kùu do Babidònni kó dihei nè Debukamaii èi
 kàβε.

² N yóó tōnní beyèmbè mβε,
 kè bèε ye mBabidònni èi kàβε,
 kékáúté o èi.
 Dè bo tuòke dìi yìè,
 meyei mbo bè do,
 benitibè bo yènní tipíùtì timou,
 ké bè munné.

³ Díndi betāntāũbè,
 tãánè betāntāũbè ipie,
 di báá kpáké bèè dàátí yecĩncĩnkòrè,
 βεδacēmbè kó dimàà,
 di báá súó nhòmòù,
 kuòhè behããpòmbè βemou.

⁴ Di bè kàute kàute,
 kè bè ncóú cóú Kandee tenkè miεke,
 kè βecírìbè nduó duó Babidònni èi miεke.

⁵ Ke yé Isidayεεriβε nè Sudaa kàβε,
 mí mβε Yìè nKuyie Mpakεdaa n yí bè bontóo,
 bá nè bè με nní yeténèmè,
 mí nwèè bè te βεmβε Isidayεεriβε.

6 Cokénè kényè Babidōnni èi,
 bá wè kòo dεεté o ònnì,
 kè bè báá di wεnnénè be kékuò,
 dè tùòke mí ndi Yiè nKuyie m bo peite dènde,
 n yóó bè fòó mbè dòò dènde.

7 Babidōnni do dò nfeεεbòòfè nfe
 mí ndi Yiè nKuyie n nòùtè miεke,
 kè kεtenkè kemou kabε
 yō nfe kó menaà nke muò.

Yebotè yàmú fe kó menaà
 kè ye yèmmè kōare.

8 Dende bàmbà kè weè Babidōnni do
 ke kèété kéété.
 Kōmmúnè o kpréi,
 wammúnè mekùò nkéwaaare o mōnne,
 kè dè naati wèe miεté.

9 Ti tàa mBabidōnni ke yĩεkemu,
 tí ò yóunè tũnké,
 kékò mbá wè o ciε.
 Ke yé tiyēĩti tù bè dò
 ti í sénnímè,
 tù deumu ke pēxéte yewetè ke káá ntiwetì.

10 Ti Yiè nKuyie nti kòínému,
 tí kōtenè Siyōō kénáké ti Yiè nKuyie
 ti tũ nkù pĩ mmùù tōmmú.

11 Ti Yiè nKuyie ndó kérōnte Babidōnni èi kabε mbe,
 kù dó képeite bè pòntemè mme ku cĩètè. Deè te kè kù
 yàúkunko Medii tenkè kprààtìbè kōntì ke tú:

Sũšténè ipie kériε ndi duokè.

12 Cónnénè mudoò kó kuyààkù kéwetínné
 Babidōnni,

yíénè bebàrìbè,
 cónnénè bèè yó mpaké,
 oo nhoonnè benìtìbè,
 ke yé ti Yìè nKuyie ntãátémèmu
 kù dó kédòò tì Babidònni èi kòbe
 ke ti ndòòri.

¹³ Babidònni fṣ nwèè bo kukó ndièkù pérémmè,
 kàa kpàtì deu,
 a mònni dii tùòke,
 a kó muyòò mànku nku.

¹⁴ Mí ndi Yìè nKuyie Mpaakedaa
 m pàrikèmu ke tú:
 Benìtìbè beè tatiní
 ke bo píe mBabidònni èi fεcofe tēmè,
 bè bo di munnénè ihúu.

¹⁵ Ti Yìè nKuyie ndòò ketenkè
 nè ku wērí mú mmu,
 nè ku kó meyenfòùmè mme
 kù fiímmè ketenkè,
 nè ku cii mme
 kù pitémè tiwetì,

¹⁶ ke bēi nku nùù mēmáà
 kè meniε ntíi nke dèke kēĩnkè,
 kuù òò íi nyεwetè itemmànke
 kè yεε deke tiwetì,
 kuù ò nte kè fetaafeε kperi kénì,
 kuù òò íinní kuyaakù kù sòri dè.

¹⁷ Benìtìbè beməu yeimmu,
 meyíétímè bè dònté mēè kpréi,
 bèè yìenko timátì ke uti sibəotenkaanì
 ifei bo bè píhñè be tesì,
 sì tu siyáàbìsì kperε ndε,
 muwemmu í bo si miεke.

18 Sì tu detetirè nde, mutōntetimù,
demou dè bo deè,
ti Yiè nKuyie mbo wēēteni dì yie si bíékè.

19 Kuyie nkùù te Sakōbu yaàbí
ku kperε í me ndò,
Kuyie nkùù dđ̀ demou,
kuù te Isidayεεribε,
kunku kùù yètìrì tu Mprakεdaa.

Babidōnni dorimù tū̀kεmè

20 Kè ti Yiè nKuyie mbéi nke dđ̀:
Babidōnni weè do ñ ntú dihenkèrì
m puònnè dì yεbotè,
nè wenwe m puònnè mè yεkpààtìyo.

21 M potémè weñwe tesāntè nè te dèètì,
nè weñwe m puòmmè tekparìnaasāntè nè te dèètì.

22 Nè weñwe m potémè onitidòù nè onitipòkù,
nè weñwe m potémè odakótì nè odapàà,
nè weñwe m potémè odapàà nnè osapàà.

23 Nè weñwe m potémè opecēnti nè o pe,
nè weñwe m potémè otenkútì nè o nààke ò duònnè ì,
nè weñwe m potémè kùmàndáàbè nè bebeémbè.

24 Di mmònni n né yóó yietímu Babidōnni èi kōbe,
Kandee tenkè kōbe,
bè dđ̀ mè yei nSiyōō
n yóó mè mbè yietímu kè di dè yà nè di nuo.

25 N còmúmú a kpéi nke,
f̄́ nditārì dì do pōnti demou ketenkè ìnkè,
n youte n nòutè nte ke bo da poté,
m bo da bōnténì ketenkè,
m bo da c̄́u nkàa c̄́úté.

26 Bá bè ténke báá pété a borè ditārì
kéānné kudieku kentímè

yoo bèe pũũténè,
 a yóó dǎúnkomu sǎǎ.
 Mí ndi Yiè nKuyie mǐi bǐi.

²⁷ Cónnénè mudoò kó kuyààkù dihei miεε,
 eénè ditǎteheù yebotè cuokè,
 kè yebotèε tíi mBabidǎnni εi kpéi,
 yúnè yekpààtiyǎ Adadati nè Mínni nè Asekenaasi,
 waánnè ohǎǎpǎnti wèè yó mpǐi mbenitibè
 tihǎǎpǎnti,
 tíinnè sisǐi kè sǐ nsũ ke dò nfecofe
 ké bè do.

²⁸ Íinnè yebotè kǎbe,
 kè di do Medii kó bekpààtìbè
 nè iwǐi yembè nè bebeémbè
 nè dihei dimǎu ò baké di.

²⁹ Kεtenkè áámu ke sǎntè.
 Ti Yiè nKuyie ntǎǎté ke bo dǎò tì Babidǎnni tìi tu:
 Babidǎnni εi bo pǎnte kédǎúnko
 bá òmǎu tǎnke bá mbo di miεε.

³⁰ Babidǎnni kó bekpàrǐnuǎmbe tǎnke í dokù,
 bè taà be cǎkperí miεε nke ke sǎrì,
 be kǎmbò dèèmu kè bè naá mbenitipòbè.
 Bè cǎummu be εi
 yecàkè cùómu ke kèké.

³¹ Yetǎrè yèè mau Babidǎnni kóo kpààti cǐtè,
 ke bo ò nàké bè pǎntemè dihei dimǎu pái pái.

³² Be dootitǎbè beè pì yeyèrè,
 kè sicǎkperí cǎuté,
 kufǎwaá nhautému be kǎmbòtiebe.

³³ Kè ti Yiè nKuyie Mpakεdaa kunku Isidayεεribε
 tũ nkùu bǐi nke dǎ:

Babidənni dōnnè kuyiè nku
bè òri kù ke bo puotí tidiiti kudisēĩkù mōnni.

Kuyie nyóo peitemè ku kəbe
(Sedisadəmmu èi kəbe béi ntì)

³⁴ Babidənni kóo kpààti Nebukannesaa

ti càákóomu ké ti sũđto,
ke ti nínté bè òó níntémè dibuu ke ĩnnóó,
bè ti maankoo musĩmmù òó yĩmè mme,
ke sũđte ti femme,
ke dèè ke ti bəntóo.

³⁵ Kè Siyòó èi kəbee béi nke dò:

Babidənni èi kəbe ti dòò mèè yei,
bèè yà me kó tiyeti.

Kè Sedisadəmmu kəbe dò:

Babidənni èi kəbe còú mmèè nitiyĩ ti èi,
bèè yà mè kó tiyeti.

³⁶ Kè ti Yiè nKuyie mbéinnè Sedisadəmmu èi kəbe ke
dò:

Mĩ mómumu n yóo kpa ndi kpéi
mĩ yóo peite di pèi.

Mĩ yóo duó nkè sibií kũũ o èi ke ikó nkpeí.

³⁷ Babidənni èi bo naá nyedombìrè,

sikpamó kó diārì,
benitibè níi bo ò yà kè dèè bè di,
kéwēte ké bè pĩ mmudaá,
dì bo dəúnko bá onitì bá ndè bo.

³⁸ Babidənni èi kəbe yó mmuntímu yecìrìcìrìpàà
ntēmè,

ke kontí yecìrìcìrè kōme.

³⁹ Sinéyēĩ sii bè pĩ nkè m bè yu dibanni

kè bè bo yà menaà nkémuó,
kéduó, ke ténke báá ente.

Mí ndi Yiè nKuyie mî búi.

⁴⁰ N yóó bè kpààke tipìètì nè yepedakè
nè yebòdakè tēmè mmè kètanné kukòùdieku.

Bè kuómme dikúdabònni Babidònni èi kpéí

⁴¹ Dè dòmmè kè Sesaki kó diheì do,
dindi dìi kó diyètìrì do feì kutenkù kumòu mièke,
dè dòò òmmè kè Babidònni èi dǎúnko
kè naá ntédòntè?

⁴² Dàméèrì kó menie mmèè dèkení
kè tùòkè Babidònni èi,
kè yenéñfìrè dì dátínné.

⁴³ Kòo ekè naá nyèè dǎúnkoo,
kòo tenkè kpéí kè naá ntédòntè,
òmòu ténkè í ã kè mièke
fenitiyanfè òmòu ténkè í dè pēnkù.

⁴⁴ Kè ti Yiè nKuyie mbúi nke dò:
N yóó potému Bēedi Babidònni kó dibòò
kè dìi tó dì maá ndè.
Yebotè ténkè í yó ncokoo di borè.

Babidònni èi kó kuduotí domu.

⁴⁵ Díndi n nìtibè yènnè de kó diheì,
bá wè kòo deetè o ònni,
mí ndi Yiè Kuyie n kó kemieke yàà bo ò poté.

⁴⁶ Di kǎntì báá yārike kè kufōwáá ndi pī di bo
keè dìi mǎnni kunòòroo kutenkù mièke, di mbenni
nìí bo nfitiní kè dèe nòòrèmu kè dítèrì nyetìní kè
dèe nòòrè, yekpàrè bo mbo kutenkù, we nkpààti
yonkuwe nìí bo beti otòu kékari.

⁴⁷ De kó yewe kpaanímu kè m bo íté
kécóm mú Babidònni kó sibòòtenkaanì kpéí,
Babidònni èi kòbe bo di ifeì,

bεcíríbè bo ncóú cóú dihèi miεke.

⁴⁸ Kεtenkè nè κεϊnkè dè bo nyíú Babidɔnni εi kpéi,
diwèi bo dè pĩ mβεpòmbè bo íténí dìi yiè kubakù
yóú,

kédo Babidɔnni εi.

Mí ndi Yiè nKuyie mmû búi.

(Kuyie mpããnáãnti náãntò búi nti)

⁴⁹ Babidɔnni εi dò nképɔntemu,

Isidayεεriβε ta, κε ta ketenkè

nè o kpéi ndè í sénní.

O kùɔ κε kùɔ βenitibè kutenkù,

dè í mɔκε dè màmmè.

⁵⁰ Díndi bèè na κε yenté,

cokénè káyè, bá nhɔtínè dεborè,

bá kè di dèté κε βerínè dè,

di báá yè ndi Yiè nKuyie nkpéi nnè Sedisadεmmu εi
kpéi.

(Kuyie nkɔβε búi ti)

⁵¹ Bè do ti sãã ndii mɔnni dè do í ti naati,

ifei ii do ti kùɔ,

bèè í tú Sifube bè ta dìi mɔnni

ti Yiè nKuyie ncésààtè miεke.

(Ti Yiè nKuyie mbúi nti)

⁵² Dε kó yewe kraanímu

kè m bo cómmú Babidɔnni kó sitenkaanii kpéi,

dε yiè bè kàute bè bo nkɔ dihèi dimɔu miεke,

⁵³ kè Babidɔnni εi dó dìi deke kétuɔκε tiwetì,

bá kè di duotí òkè κε í dò nkéninte

n yóó duɔnní βepòmbè mβε kè bèè di do.

Mí ndi Yiè nKuyie mmû búi.

(Kuyie mpããnáãnti náãntò búi nti)

⁵⁴ Ti yo ihúu mai nyi Babidɔnni εi miεke,

meyèncààrìmè diemè kó yedabùò nyèè

dàátí Kandeé tenkè miéke.

⁵⁵ Ti Yiè nKuyie nkuù ta Babidɔnni mupòmmù kè
de kó kutoweku dèè,
be dootitɔbè kó kunɔ̀roo kuù né yiè
ke dò ndàméèrì kó yenéñfirè,
kutoweku diekù nku.

⁵⁶ Opòntì weè do Babidɔnni èi
ke pĩmmù bekɔ̀mbòtiebe ke kéké be tãnnè.
Ti Yiè nKuyie nnɔ̀mmu ke fɔku onitì yei,
ke yietì bá wè o yei.

⁵⁷ N yóó niimmu menàà bèè tũ nhokpààtì,
meciì nyembè nè kùmàndáàbè
nè bebeémbè nè bekpà̀ritiebe,
kè bèe muó nkéduó ke ténke báá ente.
Mí ndi Yiè nKuyie nwèè yètìrì tu Mpakɛdaa mú bíi.

⁵⁸ Babidɔnni kó iduotí cèéyì yóó puɔ̀mmu
yecàkè dieyè yèè kpetí yebòrè
muhãã mbo yè cùs.

Iwuɔ̀ mpĩ mmùù tɔ̀mmú bo naá ndetetirè.
Yebotè àrì ke dɔ̀ori dè bo ntú muhãã nkperè.

Dipátiri bè dootóo di kukó nhEfadati

⁵⁹ Sedesia Sudaá kɔ̀be kóo kpà̀tì benni naanni
mieke, kè Nediya bire Sedaya Maseya yaàbire wèè
do baké tekpà̀tìcìtè be cajú dè bepò̀bè, kòo nkari
Babidɔnni ke neínè Sedesia Sudaá kɔ̀be kóo kpà̀tì
mí nSedemii kè nhò nàanke dipátiri.

⁶⁰ Kè di wàri meyei mmèè dò nkétuàkení
Babidɔnni èi memau.

⁶¹ Kè n di nhò duó nkòò nàké ke dò: Kàa tùkoo
Babidɔnni á nyé kékàa nde kó dipátiri.

⁶² Kàa dì kàa nke dèè á bántè ke dò: Fḡ nti Yiè nKuyie fḡḡ bēi nke tú di nheì bo dǎúnko sǎǎ, di bo pǎnte bá òmǎù ténke bá ndè bo, onìti yoo fèḡfè.

⁶³ Kàa dèè á waá nkuhḡũ ké di pìtínne ditári ké di dootóo kukó nhEfadati miεε,

⁶⁴ kébēi nke dò: Babidǎnni yóó do mmiε mbotí nku meyi n yóó ò bǎ mmèè miεε bá ò ténke báá íté.

Sedemii náǎntì mànkú nku memme.

52

Nebukannesaa p̄r̄mè Sedesia

(Wénté Sedemii 39:4-7 nè 2 Bekpààtibè 24:18-25:7)

¹ Sedesia do yóó di tikpàti ke mǎke yεbie nsipísidé nè òmǎà ndi, kέmbo Sedisadεmmu ke dǎ yεbie tεpíitè nè òmǎà. O yḡ do tú Dibuna èi kou Sedemii kóo sapàà nwe, kòo yètìrì tu Amitadi.

² Kòo dǎò ti Yiè nKuyie nyí dǎ dè, ò do tǔnne Sosakimmu borime mme weti weti.

³ Ti Yiè nKuyie mmiεε keè do yè Sudaa tenkè kǎbe nè Sedisadεmmu èi kǎbe kè kùu bè kei nku borè.

Kè dè mboní kè Sedesia yete Babidǎnni kóo kpààti kpeti.

⁴ O kpàti benni wéinnì miεε, otǎǎpíinwè diyìè píinnì yiè kè Nebukannesaa Babidǎnni kóo kpààti nè o ãǎpǎmbè kè bèe kǎtení kécēēte Sedisadεmmu èi kédammú mutǎǎ nkéonné di duotí.

⁵ Kè bè ndi pì kè dèe tuǎke Sedesia kpàti benni tεpíitè nè òmǎà.

⁶ Dibenni tǎnkù naanwè diyìè wéinnì, ke sǎ ndikònni dεuke bá benitibè ténke í péú ke yo.

7 Kè Sudaa kó kuwuo nkabe duute dihei kó kuduotí, okpààti nè o ããpòmbè bemou kè bèe coké keyènkè kèye, kètũnne kuce kùu yìèné iduotí idé sakù, okpààti pèrímù také. De kó kuce karìnè kukó nSuditèè kó kubiriku nku. Bè do dè nkèté bá nè Babidanni kabe me mpimè dihei.

8 Kè Babidanni kabee beti okpààti Sedesia, kòò nìnte Sedikoo biriku, kòo ããpòmbè cìté kòò yóu.

9 Kè bèe ò pĩ nkékatenè Dibuda ei Amati tenkè Babidanni kóo kpààti borè kòo ò bekénè kénáké ò dò mbèe ò dòmè.

10 Kè Babidanni kóo kpààti fíé okpààti Sedesia bí o ìikè, kèfíénè o tũmbè Dibuda ei mièke.

11 Ò me nyĩ kédóké Sedesia nuò nkóò bou disòwũḍ kó mefimme, kòò kònnè Babidanni, kòò kpetínné, kòo nkpetí ke yàa kúnè.

Nebukannesaa pĩmmúme Sedisademmu kabe sòmbè

(Wénté Sedemii 39:8-10 nè 2 Bekpààtibè 25:8-21)

12 Babidanni kóo kpààti Nebukannesaa kpàti benni tepíitè nè diweínni mièke nke Nebusadadanni tihããpònti tìi bàà okpààti ti kóo kótì kàtenímè Sedisademmu.

13 Mèmmè ò cóummè nKuyie ncìtè nè tekpààticìtè nè bèè tu benitidiebè be kó sicéĩ, nè sicéĩ simou sù bo Sedisademmu ei mièke.

14 Kè Babidanni kó behããpòmbè bèè ciénni tihããpònti tìi bàà okpààti ti kóo kótì. Kè tìi può nkuduotí kùu fité Sedisademmu.

15 Kè Nebusadadanni tihããpònti tìi bàà okpààti tìi kóo kótìi pĩmmú besĩnténitìbè bèè do kpaá dihei nè bèè do duó mbemàà Babidanni kóo kpààti nè

dimònni, nè benitìbè tǎbè péu, beyántìbè sǎmbe, ké bè kònnè Babidǎnni o ciè.

16 Kòo súó mbetenkútìbè, kè bè bo nkuuti detie mbè tu dè fínýĩ ke kuuti depaa.

17 Kè Babidǎnni kǎbeε puǎ ndisǎwũǎ kó yesǎnkè yèè do bo ti Yiè nKuyie ncǐètè miεke, nè de kó yεcaube, nè disǎwũǎ kó kunankú kùù do bo ti Yiè nKuyie ncǐètè miεke kέtǎ de kó disǎwũǎ dimǎu kékònnè Babidǎnni.

18 Kòo túóténè disǎwũǎ kó tinεnti timǎu sikũmboó nè tikǎpentì bè do ð nkounè tì mutǎpéi nnè yese nè ihaaké nè sibúkúsí, dèè kó dimàà cénke pǐnnè ti Yiè nKuyie ncǐètè miεke mutǎmmú.

19 Kuhǎǎpǎnkù kùù baké tihǎǎpǎnti tìi bàà okpààtì, kè kùu túóté dèè kó dimàà tu mesǎ nkperε nè timátì péitì kperε nè inanké nè sibúkúsí sùù tùðnnè tihúúnti nè yεbǎ bè mèúnè yè meyĩ nnè sikũmboó nè sifitíkékèε nè ibòðke nè yεbǎ yèè yonnè.

20 Sadoǎ do dǎò dii sǎwũǎ Kuyie ncǐètè di kó kucéékù do í mǎke kù mààmè: Yesǎnkè diεyè yédé nè kunankú diékù nè tenaasǎntè tèè kù tǎ nè de kó yεcǐètiyè.

21 De kó yesǎnkè yédé dimàà kó meokùmè do bo métìrì mèwεi. Kǎa bo di benné kéfíté di mmǎke kuhǎũ métìrì mèkuð kè yè ã mεfiè, kè yεbiè ncéékù mànnè sǎntimétìrì meni.

22 De kó yesǎnkè yédé bá di kè di màke ditèitìrì di yómmè. Kè di okùmè bo métìrì mèdémè nè dikéè. Bá dii tèitìrì ïnkè kè di kpē mmεsǎ nke fité, kè dè dò nyεtebe bè tu yè kèdénátì. Demǎu kè dè wē nke tú disǎwũǎ máà, ke me ndò nyédé.

23 Kè γε κρῆ κε δὸ μmutepóο mbè tu mù kèdènátì kè dè mbo sipísìwei nè mèkuò tipìtì tidé κπερε. Kè bè bo kaà nkéfité dè mbo tekòutè (100).

24 Kè kuhāāpònkù kùù baké bèè bàà okpààtì kè kùu pī Sedaya ikuó niùtì diewè nè o kóo tōntì Sefaa nè ikuó niùbè bètāāti bèè bàa Kuyie nciētè bòrì.

25 Kè kùu pīnnè tekpààtìciētè kóo kótì mǎu wèè do baké behāāpòmbè kényíénè betàbè bèyiekè bèè do bonè okpààtì dihei mieke nè kuhāāpònkù kùù te kù bo pīmmè behāāpòmbè ku kóo pátíwāātì nè benìtibè tǎbè sipísìkuò bèè do bo dihei mieke.

26 Kè Nebusadadanni bè kàtenè βεμου ké bè duó nNebukannesaa Babidanni kóo kpààtì Dibuda.

27 Babidanni kóo kpààtì de mbè poté kékua Dibuda ει Amati tenké mieke. Μεμμε bè pīmmè Sudaa kǎβε kékōnnè kè bèe déténè βε tenké.

28 Nte Nebukannesaa do pīmmú bè o kpàtì benni yiénnì mieke: Sudaa wuǎ nkǎβε sikǎupí sitāāti nè sipísidé nè bètāāti (3023),

29 o kpàtì benni epítè nè diniínnì mieke kòo pīmmú Sedisademmu kǎβε sikǎu sìni nè sipísitāāti nè bèdébè (832).

30 O kpàtì benni sipísidé nè ditāānnì kè Nebusadadanni wèè baké tihāāpòntì tìi bàà okpààtì, kòo wēte képīmmú Sudaa wuǎ nkǎβε sikǎu sìyiekè nè sipísinàà nè benùmmù (745) kè bèe wēnné βεμου sikǎupísinàà nè sikǎu sikuò (4600).

*Babidanni kóo kpààtì dǎdǎmè Sosakinni mesàà
(Wénté 2 Bekpààtìbè 25:27-30)*

31 Bè με mpī nSudaa kóo kpààtì Sosakinni kékōnnè Babidanni, kēmmǎκε yeβie nsipísitāāti nè yèyiekè, otǎnkù epítè nè odéríwè, diyie sipísidé

nè dinummurì yìè kè Babidɔnni kóo kpààtì Efidì-Medodakii di tikpàtì, kóò kuó mmesémè kóò kpeté kóò dènnè dikpetíntou,

³² kóò nàké tináaṅsààtì, kóò ní nkòo mbaké bεkpààtibè tɔbè nè bè bè do wε nkε bo Babidɔnni.

³³ Kòo duó nkè Sosakinnii dáté tikpetínyààtì, kényo nwenwe Babidɔnni kóo kpààtì o borè o fòmmu muməu miεε.

³⁴ Kè Babidɔnni kòo kpààtì weè nyé o kpéí nsáà, yewe γεμου duómè, o fòmmu muməu miεε kòò yàa kúnè.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16